

# IOANNIS D'AVEZAN

REGI A SANCTIORIBVS CONSILIIS,  
ACADEMIÆ AVRELIANENSIS DECANI,  
& in Parisiensi Antecessoris

## DISSERTATIO DE SPONSALIBVS, ET MATRIMONIIS.



PARISIIS,  
E Typographia EDMUNDI MARTINI, viâ Iacobæâ, sub Sole aureo.

---

M. DC. LXI.  
CVM PRIVILEGIO REGIS.





NOBILISSIMO, DOCTISSIMO,  
ET AMPLISSIMO VIRO DOMINO D.  
G V I L L E L M O  
D E L A M O I G N O N  
G A L L I A R V M S E N A T V S  
P R I N C I P I I N T E G E R R I M O  
E T R E L I G I O S I S S I M O  
I O A N N E S D' A V E Z A N S. P. D.

**I**NGENII mei culpam splendore  
magni nominis prastringere cupien-  
ti, & anxie quarenti lucem, cuius  
fulgore extrinsecus veniente hoc o-  
pusculum suo lumine destitutum il-  
lustretur, commodum affulisti, PRINCEPS SE-  
NATVS ILLVSTRISIME, tuarum virtutum,  
& scientiarum radiis illuminaturus, quibus inest  
suum, ut Soli, purissimum, & sine vlla tenebra-  
a ij

# EPISTOLA.

*rum permixtione lumen: Inest suus, ut niuibus, sine nigrore candor, nec vulgaris ille quidem, aut intra mediocritatis limites sese coercens, sed adeo viuudus, adeoque splendidans, ut ab illo, quo praeclis admiraculum, animi mentisque candore exhilarantem oculi tui speciem adsumpsisse videantur. Atque inter tanta, qua Te circumstunt, exundantis gloria decora, & illustrissimi ac gloriosissimi tui nominis ornamenta, id plurimi fit, quod ingenitum omnibus pene in excelsò dignitatis apice constitutis fascinum, non unius virtutis, sed multiplicis & specioso visenda comitatu se se prodentis admiratione exarmasti, & prerogatiuum gentis tuae, ex qua nullus unquam degener factus est, nullus prodidit ingenuitatem sui generis & sanguinis, ab inuidorum fastidio vindicasti.*

*Perfecisti sanè feliciter, PRINCEPS SENATVS ILLUSTRISIME, ut nihil tibi imputaret generosa stirpis gentilitas Maiorum Tuorum citra controuersiam eminentissimorum, artibus tum togatis, tum bellicis praestantium, quorum nomina longo ordine, & multis stemmatum lineis discurrentium ad imagines, illigata flexuris sunt, in perpetuum victura. Eluxit, fateor, adoleuit, & continua, iugique labentium saeculorum serie incanuit insignis eorum nobilitatis aetas, ad quos*



optimo iure familiam tuam retroagis, deductumque genus replicas. His quidem accepta ferenda sunt primordia, cunabula, & ingentia, atque splendida incrementa gentilitia gloria, sed Tu cumulum addidisti, & ad summum perduxisti accessu & claritudine noui luminis, quod à Te suo sole mutuatur.

Notissimum est Te semper omnibus ingenij atque animi bonis florentem ac vigentem suspexisse omnes: Et meritò certè, nulla enim vita tua pars transacta est, in qua non grande ali-quod præcelsa & pralucentis indolis Specimen in ora hominum exierit, & in qua innata & velut infixæ auitæ, paternæque virtutis Tibi facem præferentis & ducentis ad rectè faciendum, illustria non exhibueris argumenta. Quid enim in aliis inest præclari, aut vnquam extitit, imò quid olim egregij futurum, quod in te desiderari queat? Pietate insignis, nihil inauspicatò egisti, sciens prospera euenire Deum colenti, & sapienter, religiosèque viventi nihil improuisum, & repentinum posse accidere, illibato vitæ decore semper manente. Adolescentiæ annos nondum egressus, attigisti sapientiæ consummationem, maturæ expetitam senectute, quam alij vix bene cæperint, delibare.

Comparasti tibi intra breuissimæ temporis  
 ã ij

## EPISTOLA

*ſpatium acumine ingenij , ſoliditate iudicij , ac labore indefeſſo omnigenam cognitionem liberalium artium & literarum , qua perfectæ , conſummataque doctrina orbem abſoluunt , ac deinde Te totum Iuris ſtudio mancipaſti , ex quo tuliſti mirificos fructus , nondumque annis decem & ſeptem in totum completis , quâ etate paulo maiore fertur Nerua filius de iure reſponſiſſe , exquiſita eruditionis , & præcipuè civiliſ ſapientia valde ſingularia & indubia dediſti teſtimonia in ampliſſimo totius orbis theatro , in conſeſſu Patrum , & Curia Templo , in cuius ſacrarium fuiſti inductus , & exceptus plauſu inſolito , & conſenſione , eo maxime , quòd Patre Tuo Illuſtriſſimo petente , tuoque deſiderio fauente & obſecundante , tempus conſueto longius tua peritia probanda , qua quo rarior & ſupra atatem , eo erat admiratione & laude dignior , fuerat impenſum ; in quo exemplum nunquam intermoriturum imitandum quidem omnibus , ſed paucis imitabile reliquiſti. Hinc Te humana vite utilium conſiliorum præſes Themis prædixit aliquando futurum firmiſſimum Iuſtitia columen , inexpugnabile aquitatis propugnaculum , & ſummum iuris publici tutorem. Nec feſellit augurium , quod & præſaga mente bene ſunt ominati viri cordati.*

## EPISTOLA.

*Magna sunt, quæ in adolescentia gessimus, PRINCEPS SENATVS ILLVSTRIS-  
SIME, sed quibus claret virens ætas, illorum non est  
dubium splendore suo gloriam obscurat. Nihil  
simile prisca sacula tulerunt. Nullius enim seu  
sublime in quibuscumque arduis aggrediendis rebus  
consilium, seu heroica in peragendis industria,  
seu in conficiendis fortitudo propè diuina par  
vnumquam extitit. Nullius seu lumen ingenij, seu  
robur animi, seu constantia fidei tam felici suc-  
cessu enituit in procuratione Reipublicæ, & de-  
fensione Regiæ Maiestatis, in qua salus Imperij  
posita est, & incolumitas, conseruatióque popu-  
li. Nullius in vniuersis actionibus tam perfe-  
cta fuit aequalitas, ac tenor vitæ per omnia con-  
sonans sibi; quod non potest esse, nisi rerum scien-  
tia contingat, & ars, per quam diuina & hu-  
mana noscantur, cuius præceptis apprimè im-  
butus & instructus omnes iustitiæ numeros ex-  
pleuisti in iis, quibus exerceri, probarique vir-  
tus solet & aquitas. Huius rei luculentum ex-  
perimentum fecit Britannia Æremorica, in  
quam missus à Rege ut prouincialibus Comitibus  
interesses, præbuidisti Te insigniter peritum Rei-  
publicæ gerenda, eaque arte & prudentiâ om-  
nia, quæ publicam causam contingebant, peregisti,  
ut Rex iura sua salua & integra retinuerit; il-*

## EPISTOLA.

la suas leges siue consuetudines sartas, testâsque habuerit, in quo successuris Tibi reliquisti exemplum ad imitationem præclarum & honorificum, nec minùs commendabile, quàm illud *Quinti Mutij Scauola*, qui ob *Asiam* prouinciâ, in qua nouem tantùm menses versatus fuerat, fide & vigilantia gubernatam, hoc meruisse fertur, ut *Senatus* postea in eam prouinciâ iturus *Magistratibus* formam officij sui *Scauolam* decreto proponeret.

Hac quidem sunt certissima, ipsâ etiam inuidiâ fatente, & inuitâ virtuti tue litante, non fluxa, sed stabilis, non peritura, sed immortalis tua gloria pignora, ea tamen, & reliqua, quantumque dignationis sint, vincit suâ præstantiâ & excellentiâ prærogatiua placuisse Regi virtutum æstimatori & arbitro æquissimo, meritorumque premiatori iustissimo, qui diuino quodam motu impulsus, solâ virtute, quâ es cumulatè præditus, ambiente & patrocinate, Te euexit ad honoris, potestatis, & dignitatis culmen, quod in *Senatu* obtines, toto amplissimo ordine gestiente & gratulante, qui Te ut dignitate, quam cum admiratione *Gallia* vniuersa sustines, potiozem veneratur, ita virtutibus etiam superiorem diligit.

Vnum est, quod ego exambio & maximo  
preca-

# EPISTOLA.

precatur rogo, ut Te Deus huic Regno sospitem,  
 & superstitem diutissimè seruet : aeternum dice-  
 rem, nisi aliam aeternitatem spectares, & ut grata  
 acceptaque sit Amplitudini tuae non indigna  
 prorsus Dissertatio de Sponsalibus & Matri-  
 moniis, quae sub auspiciis nominis tui illustrissi-  
 mi publica luce donetur ; claustra enim, ut ita  
 dicam, quod Te artis huius peritissimum mini-  
 mè latet, Ciuilis & Pontificia disciplina conti-  
 net, tentata saepius, nunc demum, nisi fallor, re-  
 serata, studiosè conquisitis & excussis locis, qui  
 quaestionis huius proprii videbantur. Leue qui-  
 dem & exiguum munus est, si cum immortalibus  
 tuis in me beneficiis conferatur. At non mi-  
 nus magnifica indolis esse censes, PRINCEPS  
 SENATVS ILLVSTRISIME, pauca &  
 parua munera libenter accipere, quàm multa &  
 magna liberaliter elargiri.



## P R I V I L E G E D V R O Y.



LOUIS PAR LA GRACE DE DIEU,  
 ROY DE FRANCE ET DE NAVARRE : A nos amez & feaux Conseillers les  
 gens tenans nos Cours de Parlement, Maistres des Requestes ordinaires de nostre Hostel, Baillifs, Seneschaux, leurs Lieutenans, Preuosts, & autres nos Iusticiers & Officiers  
 qu'il appartiendra, Salut. Nostre amé & feal Conseiller en nos Conseils d'Estat & Priué, JEAN D'AVEZAN, Escuyer, Docteur Regent, & Doyen en l'Vniuersité d'Orleans, & Professeur en la Faculté de Droit de celle de Paris, nous a fait remonstrer qu'il a composé vn livre intitulé, *Dissertatio de Sponsalibus & Matrimonis*, lequel il desireroit faire imprimer; ce qu'il ne peut faire sans auoir sur ce nos Lettres: humblement nous requerant icelles. A CES CAUSES, desirant traitter fauorablement ledit Exposant, nous luy auons permis & permettons par ces presentes, d'imprimer, ou faire imprimer, vendre & debiter ledit liure, *Dissertatio de Sponsalibus & Matrimonis*, en telle marge & caractere, & par tel Imprimeur qu'il voudra, en tous les lieux & terres de nostre obeissance, durant le temps de quinze ans entiers & accomplis, à compter du iour qu'ils seront acheuez d'imprimer: faisant defenses à tous Imprimeurs, Libraires, & autres, de quelque condition qu'ils soient, d'imprimer, vendre ni distribuer en aucun endroit d'iceluy ledit liure, sans le consentement de l'Exposant, ou de ceux qui auront droit de luy en vertu des presentes, sur peine aux contreuenans de trois mil liures d'amende, applicable vn tiers à Nous, vn tiers à l'Hospital General, & l'autre tiers à l'Exposant; de confiscation des exemplaires contrefaits, & de tous depens dommages & interests: mesme si aucuns Libraires & Imprimeurs de nostre Royaume ou Estrangers trafiquans en iceluy, estoient trouuez saisis d'aucuns exemplaires contre-

faits ; nous voulons qu'ils soient condamnez en pareille amende, dommages & interets, que s'ils les auoient imprimé ou fait imprimer. A condition qu'il sera mis deux exemplaires dudit liure dans nostre Bibliothèque publique , & vn autre dans celle de nostre tres-cher & feal Cheualier le Sieur Seguier Chancelier de France, auant que de les pouuoir exposer en vente, à peine de nullité des presentes. Du contenu desquelles nous voulons & vous mandons que vous fassiez iouir & vser pleinement & paisiblement ledit Exposé, ou ceux qui auront charge de luy. Voulons aussi qu'en mettant vn bref extrait des presentes au commencement ou à la fin dudit liure, il soit tenu pour bien & deuément signifié, & que foy y soit adioustée comme à l'original. Mandons en outre au premier nostre Huissier ou Sergent sur ce requis, faire pour l'exécution des presentes, tous exploits necessaires, sans demander autre permission ne pareatis, nonobstant clameur de Haro, Chartre-Normande, prise à partie, & lettres à ce contraires : **CAR** tel est nostre plaisir. **DONNE'** à Paris le seprième iour de Mars l'an de grace mil six cens soixante-vn, & de nostre Regne le dix-huitième.

Signé, Par le Roy en son Conseil, **LE VASSOR**, & scellé du grand sceau de cire jaune.

*La premiere impression a esté acheuée le 18. Iuin 1661.*



# INDEX CAPITVM TRACTATVS DE SPONSALIBVS.

- CAPVT I.** **S** PONSALIA quid sint, & quomodo distinguantur a nuptiis. pag. 5.
- CAP. II.** De veteri & noua forma, contrahendi sponsalia. p. 7.
- CAP. III.** De modis, quibus fides data in constituendis sponsalibus firmatur & rupta vindicatur. p. 8.
- CAP. IV.** An sponsalia fieri possint nudo pacto. p. 11.
- CAP. V.** An sponsalia substantiam capiant ex solo contrahentium consensu. p. 12.
- CAP. VI.** De differentiis valde notandis inter sponsalia & matrimonium. p. 15.
- CAP. VII.** De diuisione sponsalium in ea, quae in futurum tempus conferuntur, & illa, quae praesentis temporis esse dicuntur, & de diuersis eorum effectibus. p. 16.
- CAP. VIII.** De matrimonio praesumpto. p. 18.
- CAP. IX.** De aetate, intra quam sponsalia contracta valent. p. 19.
- CAP. X.** Per sponsalia, cuiuscumque generis sint, inducitur affinitas, quae est impedimento matrimonio contrahendo cum iis, qui sunt affines. p. 21.
- CAP. XI.** Sponsalia licet solo consensu contrahantur, tamen solo contratio consensu non distrahuntur iure ciuili, sed iure Canonico. p. 22.
- CAP. vlt.** Rationes quaedam recensentur, ob quas sponsalia sunt introducta, eorumque executioni, sine matrimonio celebrando dies certa praestituta est. p. 25.





# INDEX CAPITVM TRACTATVS DE MATRIMONIIS.

- CAP. I. **A**N aliquod discrimen constituendum sit inter nuptias & matrimonium. pag. 27.
- CAP. II. Quid sit connubium, an sit aliquid distinctum à nuptiis & matrimonio, & inter quos esse possit. p. 29.
- CAP. III. Contubernium est seruilium personarum coniunctio, discreta à nuptiis & matrimonio, cuius capaces non sunt iure ciuili; aliud seruat iure pontificio. p. 30.
- CAP. IV. Concubinas constituit coniunctionis speciem vicinam & finitimam matrimonio. p. 33.
- CAP. V. Quid coniunctionis nomine significetur, & an in proposito restringendum sit ad coniunctionem animorum, an etiam producendum ad corporum complexus. p. 34.
- CAP. VI. Matrimonij instituendi & comparandi primaria & precipua causa fuit procreatio liberorum: secunda subleuanda infirmitatis; fuerunt & alia iure politico recepta. p. 38.
- CAP. VII. Matrimonium est consortium & societas omnis fortune tam prosperæ, quàm aduersæ. p. 39.
- CAP. VIII. Conditiones in matrimoniali contractu appositæ, quarum adiectio impugnat substantiam matrimonij, vitiunt contractum; ceteræ circumscribuntur, licet turpes & impossibiles, consistente & effectum suum habente contractu. p. 41.
- CAP. IX. Rerum omnium constante matrimonio promiscuus est usus inter virum & uxorem, earundem tamen rerum non inducitur communio iure ciuili. p. 42.
- CAP. X. Matrimonium contrahi non potest secundum præcepta iuris Pontificij inter personas diuersæ religionis. p. 43.
- CAP. XI. Bonorum communionis quæstorum durante matrimonio à coniugibus origo repetenda est, non à Iure Ciuili, sed à Iure Canonico, quæ passim comprobata fuit moribus & institutis patriæ consuetudinaria huius Regni. p. 45.
- CAP. XII. An solus vtriusque partis consensus sufficiat ad constituendum matrimonium, an verò aliquid aliud præter con-

# INDEX

- sensum desideretur, puta deductio in domum, ut perfectum sit.*  
p. 45.
- CAP. XIII.** *Matrimonium ipso iure nullum est, omisis denunciationibus, qua banna vocantur, & aliis solemnibus iure Canonico prescriptis.* p. 48.
- CAP. XIV.** *Matrimonium ante legitimam aetatem contractum ipso iure nullum est, in qua definienda ius Canonicum est subsecundum ius Civile. Alij aliter eam definirunt.* p. 49.
- CAP. XV.** *Nuptiae consistere non possunt, nisi consentiant omnes, id est, qui coeunt, quorumque in potestate sunt.* p. 52.
- CAP. XVI.** *In nuptiis nepotis non solius aui, sed etiam patris, qui suae potestatis non est, exigitur consensus, uno casu excepto: non utique si agatur de collocanda nepse, & curiam varie.* p. 54.
- CAP. XVII.** *Patris consensus aequè necessarius est in redintegrandis nuptiis filias. vel filias. diuortio solutus, ac fuit necessarius in contrahendis, nec refert filius. paganus sit, an miles.* p. 57.
- CAP. XVIII.** *An matrimonium contractum à filio. vel filia. sine consensu patris, sit dissolvendum & dirimendum huius defectus obtentu.* p. 59.
- CAP. XIX.** *Filius familias cogi non potest inuitus à patre certam personam uxorem ducere, filia. cogi potest certa persona nubere.* p. 61.
- CAP. XX.** *Qui sub tutoribus degunt, neque sponsalia, neque nuptias contrahere sine eorum consensu & auctoritate possunt: aliud obtinet in iis, qui sunt in curatione.* p. 64.
- CAP. XXI.** *Quando liberis in sacris parentum positis permittitur sine illorum consensu nuptias impune contrahere.* p. 65.
- CAP. XXII.** *An sicut iure Civili, ita & iure Pontificio nuptiae contractae ab iis qui coeunt, sine parentum consensu, quorum sunt in potestate, iniusta & illegitima censentur.* p. 66.
- CAP. XXIII.** *Duo casus hic notantur, quibus receptum est ob defectum consensus eorum, quorum sunt in potestate, qui coeunt, matrimonia non vitari.* p. 73.
- CAP. XXIV.** *Generali mandato à patre filio. dato querendi mariti, concessa non intelligitur licentia contrahendi matrimonij.* p. 75.

## CAPITVM.

**CAP. XXV.** *De imparibus & inaequalibus coniugiis. p. 76.*

**CAP. XXVI.** *Nuptia interdicta sunt ingenuis hominibus Iure Ciuili cum turpibus, famosis & ignominiosis mulieribus: Iure verò Pontificio laudantur, quiccas sibi matrimonio iungunt. p. 79.*

**CAP. XXVII.** *An mulier ex causa adulterij à marito dimissa, accusata, & iudiciopublico damnata, ab alio uxor duci, & an à marito duci possit ante damnationem. Ex Nou. Inst. 134. uxorem ob adulterij crimen in monasterium coniectam maritus intra biennium reducere potest, si velit. Olim si reduxisset, fiebat lenocinij reus. p. 81.*

**CAP. XXVIII.** *Tutor neque sibi, neque filio suo matrimonio potest adiungere pupillam quondam suam; antequam administratæ tutela rationes reddiderit, nisi certis casibus: idem dicendum est de curatore; potest tamen tutor pupillo suo, & curator adulto suo filiam suam uxorem adiungere. p. 82.*

**CAP. XXIX.** *Interdictum est Officiali & Rectori prouinciae uxorem ex eaducere quamdiu officium exercet & administrat, vel filio suo querere conditionem in ea, filia potest: imò & sponsare sibi, & despondere filio tempore officij & administrationis nihil vetat prouincialem mulierem. p. 87.*

**CAP. XXX.** *Nuptiae, quae per vim atrocem, vel metum maiorem extorcie sunt, ipso iure nulla sunt. p. 89.*

**CAP. XXXI.** *Nuptiae præproperè & festinanter contractae ab uxore captiui, vel peregrè profecti, aut militantis ante certum nuntiam de eius morte acceptum, ipso iure nulla sunt tam Iure Ciuili, quam Canonico. p. 91.*

**CAP. XXXII.** *Nuptiae inter parentes & liberos, & eos, qui parentum & liberorum loco sunt, prohibentur in infinitum, siue naturæ, siue adoptionis commento affinitatis nexu sint coniuncti. p. 94.*

**CAP. XXXIII.** *Nuptiae inter collaterales, siue proximi siue ulterioris gradus sint, permixtae sunt iure naturali, vel gentium; Iure Ciuili prohibita inter fratrem & sororem germanam, vel uterinam perpetuò, adoptionem verò ad tempus. p. 98.*

**CAP. XXXIV.** *De differentia, quae est inter cognitionem quasitam per adoptionem, & naturalem, & de effectu, qui inde con-*

# INDEX CAPITVM.

- sequitur.* p. 100.  
**CAP. XXXV.** *An matrimonium, quod initio rectè contractum fuit, si postea in eum casum deductum sit, à quo incipere iure non potuisset, dissolui debet.* p. 102.  
**CAP. XXXVI.** *An consobrinorum & consobrinarum instà & legitima sint coniugia.* p. 102.  
**CAP. XXXVII.** *An frater superstes fratris demortui uxorem ducere potest.* p. 106.  
**CAP. XXXVIII.** *Cognati viri affines sunt uxoris, & cognati uxoris affines sunt viri, non etiam utriusque coniugis cognati inter se affines sunt; quæ differentia valde notanda in causa nuptiarum, quibus contrahendis impedimento est affinitas vendicæque profecta sit, imò & propinquitas sine affinitate.* p. 108.  
**CAP. XXXIX.** *Deportatione contingente vni ex coniugibus matrimonium retinetur iure gentium, soluitur autem iure civili.* p. 113.  
**CAP. XL.** *Captivitate soluitur matrimonium statim iure veteri; iure novo post quinquennium, iure verò nonisimo non antequam constiterit captivum decessisse.* p. 115.  
**CAP. XLI.** *Divortio, siue repudio perpetui discidiij animo solemniter factò matrimonium dissolvitur.* p. 116.  
**CAP. XLII.** *Divortium, siue repudium permissum fuit ex quacunque causà lege Mosaica, sed deinde lege diuina coangustatum fuit ad solam adulteriij causam, quo casu non soluitur matrimonium, sed fit separatio coniugum.* p. 124.  
**CAP. XLIII.** *Matrimonium non soluitur ingressu monasterij post commixtionem corporum, copulà verò carnali non secata, soluitur, ideoque relicto marito in seculo licet aliam uxorem ducere, relicta mulieri alij nubere; secus primo casu, quia manet vinculum matrimony.* p. 125.

## OMISSA ET ERRATA.

**P**A G. 4. lin. 1. *addè* 2. p. 32. lin. 19. *addè non.* pag. 41. lin. 15. *lege,* matrimonij. p. 64. in fine tolle *de.* pag. seq. in prin. tolle, *rem.* p. 77. lin. 25. *lege,* queri. p. 92. lin. 24. *lege,* redire. p. 127. lin. 28. *lege,* sine. p. 128. lin. 4. *addè* inquit Festus. & lin. 5. *lege,* Hammecum.

DE



# DISSERTATIO

## DE SPONSALIBVS ET MATRIMONIIS.

PRÆFATIO.



*H*Æc de sponsalibus & matrimoniis suscepta  
Dissertatio composita & collecta est ex præ-  
ceptis Iuris Ciuilis & Pontificij: Multa si-  
quidem, quæ in ea tractantur, à fontibus  
Iuris Ciuilis sunt repetita; atque sine mix-  
tura vtriusque Iuris constare non posse euin-  
cunt plures Summorum Pontificum Epistola,  
siue Rescripta, quæ extant tit. 1. & seqq. lib. 4. Decretalium  
Gregorij IX. & aliis plerisque locis, idque tam euidenter de-  
monstrant, ut non falsò dici possit in hac Iuris parte Ius Ci-  
uile & Canonicum in vnâ ferè consonantiam esse iuncta.  
Et certè nulle magis iunctæ disciplinæ esse possunt, nisi fortè v-  
nam faciamus ex duabus, quàm hæ sunt duæ, quæ tam artè  
connexæ & coniunctæ sunt inuicem, ut in vnâ coalescere vi-  
deantur. Nec longè absimilis legum Francicarum & Romanarum  
iunctura & coherencia deprehenditur in eo Iure, quod  
vulgò Consuetudinarium appellatur, & Prouinciæ, quæ hoc  
utuntur, consuetudinariæ vocantur appositè ad exprimendum

A

*diuturnum & inueteratum morum suorum usum, cui iuri consuetudinario nominatim Celestinus III. in cap. vlt. de foro compet. in prima compilatione, opponit ius scriptum tam civile, quàm canonicum, qua duo iura ex Italia inuicta & delata, sensim inualuisse, & passim Regia auctoritate recepta fuisse in Gallia iam est obseruatum à viris doctis. Et Rigordus Gotus quæstiones tam Iuris Canonici, quàm Ciuilis acerrimè agitas fuisse in Academia Parisiensi recens constituta scribit in Ludonico Crasso; huiusque Iuris, quod ad differentiam consuetudinis, ius scriptum dici cæpit, etiam Proceres nostros peritissimos fuisse docet Ioannes Saresberienſis Episcopus Carnotensis in epist. 89. ad Alex. III. Rom. Pont.*

*Ferendi igitur non sunt, qui ex Scholis, & ex Foro leges Romanas eliminandas, & Iuris Ciuilis studia prorsus abiicienda & deserenda esse contendunt, sine quibus neque stare res, neque mores hominum constitui, componi, aut temperari vllò modo possunt, & sine quibus aqua & boni speciem vix unquam quisquam bene comprehenderit, nec si se dederit totum Grammatica, vel Philosophia, vel Theologia. Nam Grammatica est vocum interpretatio, non Iuridicina. Considerat Grammatica rerum sermonem. Ars legum rectum iudicium. Et sic, quia Grammatica considerat voces, sed non sensus, necessaria est ars legum, inquit Baldus l. vlt. Cod. de heredib. instit. l. 6 Cod. de testam. milit. Philosophia vniuersa tantum præceptaregenda reipublice nos docet, nec attingit singula quæque. Theologia verò est murus inexpugnabilis fidei Catholica, cap. vlt. ne clerici vel monachi. ex. Continet enim literarum sacrarum, & eorum, qua ad curam & salutem animarum spectant, informationem, diuinarumque rerum mysteria aperit, c. 4. de magistris. ex. pietatem docet, & verum Dei cultum, simplicitatem, equanimitatem, patientiam, contemplationem rerum humanarum. Diffidendum tamen non est illum, qui Grammatica, vel Philosophia, vel Theologia primos ætatis annos impendit, & postea transgressus est ad Iuris Ciuilis studium, in quo addiscendo diu magistrorum sapientia triuit limina, vel Grammaticum, vel Philosophum, vel Theologum & Iurisconsultum esse posse. An ignoramus Tertullianum Philosophum & Theo-*

logum fuisse eruditum, & Iurisconsultum egregium accenseri? D. Ambrosium nescimus raptum de Tribunalibus? & D. Chrysostomum apud Tribunalia educatum. Ecquis inscisciari potest Gregorium Ponticum nomen Iurisconsulti & Theologi meruisse, qui postquam studia Iuris Civilis multos annos peritè coluisset, ad sacrarum literarum studia se comparauit, excitatus famâ Origenis, qui sacras literas tractabat Cesarea Palestina, ut est apud Socratem, Tripartita historie lib. 8. c. 8.

At non satis probè, & veritati, cui præscribi non potest, conuenienter quidam putant sine adiumento & subsidio Iuris Civilis perfectam Iuris Pontificij cognitionem parari posse. Atque ut in tantis tenebris erroris & inscientie clarissimum lumen præferatur cacutientium hominum mentibus, aperiendum & insinuandum illis est, quid hac de re censuerit vir præstantissimus Iacobus Cuiacius, qui fuit utriusque Iuris scientissimus, & in cuius iudicio omnes boni & docti conquiescere solent sine ullo canillo. Quidquid præclarum est, inquit ad cap. 15. de sent. & re iudic. extra. in Iure Pontificio, ex Iure Ciuili est, nec illius interpret idoneus quisquam, nisi sit Iuris Ciuilis peritissimus. Et ad cap. 10. de restitut. spoliator. ex. Nemo potest Ius Pontificium bene interpretari sine summa cognitione Iuris Ciuilis. Et quamuis incomparabilis Iurisconsulti sententia suo sit semper valitura momento apud intelligentes & probè sentientes, eius tamen adminiculanda causa ratio hac fortasse non inconcinna reddi posse videtur, quia Ius Pontificium nihil fermè aliud est, quàm sequela & productio Iuris Ciuilis, illiusque magnum incrementum non usu modò necessarium, sed etiam cognitione pulcherrimum; atque in hac tractatione potissimum, quæ inchoanda est ab sponsalibus, sæpe hac iura, licèt alioqui disparata, manent colligata & adunata sine dissidio. Imò non minùs verè, quàm bellè dici potest Ius Pontificium esse Iuri Ciuili vicinum & finitimum, eiusque exemplo effictum & compositum; nam sicut Ius Ciuile ad rei publicæ statum & utilitatem singulorum spectat: ita Ius Pontificium Ecclesiæ disciplinam & mores informat, ad politiam Ecclesiasticam pertinet, & præscribit modum rationemque obeundi munia, ministeria, & officia, quibus clerici deputan-

*tur. Et nemo sine ope istius iuris diuini, ita vocatur in c. de priuilegiis. in 6. ut decet, ac conuenienter sacris Sanctorum Patrum institutis, Ecclesia præesse, eamque regere & gubernare idoneus esse creditur, ut post Hostiensem docet Panormitanus ad c. 32. de præbend. & dignitat. & c. tua. de clericis non residendis, cuius iuris nitorem sordescere, vel ipsius dignitatem turpitudinis labem sustinere per mixturam Iuris Ciuilis verè dici non potest, quia ciuilis sapientia res est sanctissima l. 1. ff. de variis & extraord. cognit. & ius ciuile neque inflecti gratiâ, neque perfringi potentiâ, neque adulterari pecuniâ potest, inquit M. Tull. in Orat. pro Cæcinnâ.*

*His, quæ certissima sunt, consequens est eos dumtaxat Antecessorio muneri obeundo, & implendo, cuius functio causam publicam contingit, præficiendos esse, qui utriusque Iuris peritiâ præstare possunt, ceteros verò, ne vilescat professio, quæ, cum sit magna dignationis, dehonestanda non est, arcendos & reprobandos, iuxta constitutionem Imperatoris Gordiani in l. 2. Cod. de Professor. & Medic. quibus non bene notum est Ius Canonicum, & penè incognitum Ciuile, cuius verborum ignari sæpe in salebris hærent, quod nocuum est & valde detrimentosum iuris studiosis: nam in iure si quid vel tantillum mutetur, deterius fit, ut est rectè obseruatum à domino Cuiacio ad l. 8. ff. de excusat. ex eâque verborum ignorance, quorum peritos & religiosos obseruatores esse oportet Antecessores, & ex prauo Iuris Ciuilis intellectu insignes Doctorum errores manarunt, quorum alios Romani Pontifices canone donauerunt in cap. 5. de procurator. in 6. & in cap. Raynuntius. ex. de testament. plerique transferunt in mores, & in regionum leguntur consuetudinibus, ut est animaduersum ab eodem viro magno ad l. 23. de minoribus lib. 11. Pauli ad Edictum, & lib. 22. obseruat. c. 16. Quare diligenter proficiendum & præcauendum est, quantum possibile est, ne impofterum inscitia Professorum, vel commentis iura turbentur, confundantur, aut temerè commisceantur: Estque multò diligentius curandum ne quis ad hunc honoris gradum euehat, nisi examine præmio, priusque ingenij tentamento facto, indicto certamine & virtute læcessita ab aduersariis strenuè consipientibus, & de palma*



ferenda magno molimine contendentibus in Lyceo Iuris, in Scholis huic disciplina & eruditionis experimento publicè faciendo destinatis, iuxta Constitutiones Principis, cuius iussa & mandata sunt reuerenter exequenda c. 5. ex. de rescriptis. illisque obuiare sacrilegij instar est, l. 5. Cod. de diuersis rescript. iuxta Decreta Senatus, qui curia, parsque ipsius Principis esse dicitur in l. 5. Cod. ad leg. Iul. maiest. & l. 5. de Dignitatibus lib. 12. Cod. atque more maiorum, iuxta statuta Vniuersitatum, & instituta usu inueterato stabilita, à quibus deuiandum non esse rescribit summus Pontifex in c. ex literis. 11. ex. de constitutionib. Si quis fulgore ingenij aliter tenebras, quibus offunduntur infelici sydere nati, fugauerit, me in hac luce cecutire non diffitebor.



## TRACTATUS PRIMVS.

## DE SPONSALIBVS.



SPONSALIA eo distant à nuptiis, quo spes distat à re ipsa, putà spes debitum iri ab eo, cuius pura & præsens est obligatio, §. sub conditione instit. de verbor. obligat. spes libertatis, libertas destinata, statuta, siue stata in diem, vel conditionem à præsenti libertate, l. 81. §. pen. ff. de legat. 1. l. 69. in prin. ff. de euiet. l. 9. in prin. & fine. ff. de statu liberis. & futurum matrimonium à iam contracto, l. 134. ff. de verbor. obligat. l. 191. ff. de verbor. significat. Nam sponsalia spes sunt nuptiarum, l. 6. ff. de sponsalibus. l. 13. §. Dini. ff. ad leg. Iul. de adulter. Sperata nuptia, l. vlt. versic. his illud. Cod. de sponsal. vnde sponsus & sponsa, speratus & sperata apud Nonium in verbo, speratam. futura matrimonia, d. l. 134. d. l. 191. & destinatio nuptiarum, l. 4. Cod. de sponsal. Apuleius Milesia 34. Foris nuptialibus pacto iugali destinatis. Licet esse

## CAPVT I.

Sponsalia quid sint, & quomodo distinguantur à nuptiis.

possit destinatio sine sponsalibus, ut cùm testamento pater filiam suam alicui destinat, vel etiam inter viuos absque conuentione: hinc desponsa & destinata distinguuntur in l. 36. & 66 ff. de ritu nuptiar. despondetur à patre filia per stipulationem, destinatur extra sponsonem, ut pluribus docuit dominus Cuiacius in comment. ad tit. de sponsal. Cod. ad d. l. 36. lib. 5. *Quæst. Pauli, & lib. 16. obseruat. c. 33.*

Definiri etiam possunt sponsalia pactum de nuptiis suis, vel alienis, l. 2. & 4. Cod. de sponsal. & alienis, ut cùm pater nomine liberorum paciscitur, dd. ll. 2. & 4. vel cùm aliqui sponsalia constituuntur per interpositas personas, l. 4. 5. & ult. ff. eod. tit. id est, per proxenetas, qui dicuntur etiam interpretes & sequestres, l. 1. Cod. Theod. de nuptiis. intercessores, siue conciliatores sponsalium, & pararij: nec ab simili formâ scriptum est apud Senecam lib. 3. de beneficiis c. 15. nomina fieri per tabulas interpositis parariis, qui quasi medij sunt inter duos; nam veteribus pares, id est, duo. Et Diodorus huiusmodi homines vocat μεσίτας τῆς ὁμιλογίας, id est, sequestres conuentionum. De proxenetis consulendus est dominus Cuiacius lib. 11. obser. c. 18. & in comment. ad tit. si Rector prouincia vel ad eum pertinentes sponsalia derint. Cod. Pactum verò, quoniam sufficit hodie solus consensus ad peragenda sponsalia, l. 4. & 11. ff. de sponsal. solo ergo consensu, id est, nudo pacto sponsalia fiunt, sed tamen plerumque amicorum etiam fide firmantur, l. 22. cod. de nupt. ex quo in idiotismo vsurpamus firmare pro spondere, l. 2. & 7. ff. de sponsal. vel sponsare, ut est in l. 38. ff. de ritu nupt. Cùm tamen veteribus in Latio (quæ est pars Italix inter Ostia Tiberis & Circeios, auctore Plinio lib. 3. c. 5.) moris fuisset stipulari & spondere sibi vxores futuras, vnde sponsi sponsæque appellatio nata est, l. 2. & 3. ff. de sponsal. apud Gellium lib. 4. c. 4. & Varronem lib. 5. & 6. de ling. Lat. D. Bernardus sermone de Virginib. Sponsa, vel sponsi nomen, inquit, ab eo, quod est spondere, Grammatici deriuant. Dicuntur autem sponsus & sponsa, quia se sibi alterutrum spondent, ut nec ille, nec illa alteri nubar.

**O**LIM in constituendis sponsalibus vtrunque fiebat stipulatio, repromissio, siue restipulatio, *ut M. Tullius loquitur in orat. pro Roscio Comædo*, per sponsus scilicet interrogacionem, *ut est in l. 7. ff. de verbor. signif.* id est, interrogacionem eius, qui vicissim rogabat & rogabatur hoc verbo, *spondes? spondeo*, & quæ inde oriebatur actio, ex sponsu dicebatur, teste Gellio loco citato, sponsus enim aut sponsio nihil aliud est, quàm promissio ad stipulationem, *l. 19. §. dictum ff. de edilit. edicto.* & contractus, qui de futuris nuptiis initus erat mutua stipulatione & sponsione intercedente, vocabatur sponsalia, *ut est apud Gellium & Varro- nem*; nec aliter perficiebantur sponsalia, quàm ex vtraque parte interpositis verbis, quæ ante *l. omnes. Cod. de contrah. & committ. stipulat.* erant solemnia & formalia. Prætermittere hic non debeo, si antiquitus contracta fuissent sponsalia absque stipulatione siue sponsione, puellam dici solitam non sponsam, sed speratam, vel dictam, vel pactam, vel promissam. *Arnobius 4. aduersus gentes. In coniugalia fœdera veniunt conditionibus antè quæstis: habent speratas, habent pactas, habent interpositis stipulationibus sponsas.* Nonius Marcellus lib. de nonnullis differentiis dictionum: *Inter speratam, & dictam, & pactam hoc interest: quòd virgo priusquam petatur, sperata dicatur* Plautus in Amphitruone: *Amphitruo uxorem salutat latus speratam suam.* Nunc autem etiam si nulla intercesserit stipulatio, & sponsalia & sponsa appellantur, retento scilicet veteri sponsionis nomine, sicut actiones passim dicuntur formulæ, *ut apud Vlpian. tit. de dominis, & tit. de fideicommissis*, & aliis locis notissimis, quamuis formulæ actionum sublatæ omnino fuerint à *Constantino tit. de formulis. Cod.* & emancipationes, licet nulla interueniat emancipatio, id est, nulla fiat imaginaria venditio, hodie in sponsalibus seruatur nomen, non seruata ratione nominis, solo enim & nudo consensu perficiuntur, nulla interposita stipulatione. Tandem ergo desierunt sponsalia fieri per stipulationem vel sponsionem, cœperuntque constitui repromissione, & nudo consensu, *l. 1. 4. & ult. ff. de sponsal.* hoc est pa-

cto, l. 2. & 4. *Cod. eod. tit.* & consequenter hodie sponsalium fides pactiois est, non consensus, efficacis scilicet ad producendam obligationem, c. 1. ex. de *sponsa duorum*. non fides contractus, ut est in l. 4. ff. de *manumissionibus*. Hæc enim astringit necessitate contrahentes, quæ nulla inest futurarum nuptiarum repromissioni: potest enim vni desponsata alij nubere, & antè quæsitæ conditioni liberè renuntiare, id est, absque metu pœnæ conuentæ, l. 1. *Cod. de sponsalibus*. l. 2. *Cod. de inutilibus stipulat.* l. 134. ff. de *verb. obligat.* idèmq; Iuro Pontificio est admissum etiam in casu difficiliore, nam, ut constat ex cap. pen. extra. de *sponsalibus*. qui sponsalia in futurum collata fecit, non prohibetur ire ad alia sponsalia de præsentì, licèt priora sponsalia iureiurando confirmauerit, periurij tantùm, aut fidei violatæ pœnitentiâ irrogatâ, non etiam pœnâ nummariâ, c. 29. *cod. tit.* cuius cap. sententiæ summa sumpta est ex d. l. 2. & d. l. 134. Ratio verò cur hoc casu insuper haberetur iusiurandum, est, quia iuramentum nihil addit fidei, *can. iuramentum*. 22. q. 5. nam, ut Diuus Hieronymus ait in caput 5. Evangelij Diui Matthæi, *Omnis sermo fidelis pro iuramento esse debet.*

CAPVT III.  
De medijs, quibus  
fides data in con-  
stituenda sponsali-  
bus firmatur, &  
iuxta vindicatur.

VETERIBVS præcipuæ curæ fuit ante vsum tabularum matrimonij cautiones sibi inuicem emittere, in quibus spondebant se consentire in iura matrimonij, & quò maior esset præstiti consensus & fidei datæ seruandæ necessitas, fideiussores dabant, vel pœnali stipulationi se subiiciebant, si quis eorum cessasset in nuptiis perficiendis, teste Gellio d. c. 4. quod & Veteres Latinos sequutos ex Seruio Sulpitio & Neratio Iurisconsultis refert ibidem, nimirum antequam Latini lege Iuliâ donarentur ciuitate Romanâ: Nam inter ciues Romanos & sponsalia & matrimonia semper fuerunt libera non tantùm à vi & metu, sed etiam à pœnæ vinculo, l. 2. *Cod. de inutil. stipulat.* l. 134. ff. de *verbor. obligat.* l. 71. §. 1. ff. de *condit. & demonstrat.* inhonestum siquidem visum est alienùmque moribus ciuitatis bene constitutæ vinculo pœnæ matrimonia obstringi, siue futura, aut iam contracta fuerint: futura ut contrahantur metu pœnæ, quæ

quæ conuentioni adiecta fuit, initio posita stipulatione, si alteruter impedimento fuerit nuptiis; iam contracta, ne distraherentur ex causa, veluti stipulatione ita concepta inter virum & vxorem, si diuortium feceris, tot dabis, *d. l. 2. & l. 134.* Et hoc quidem non solum de sponso & sponsa dicimus, sed & de parentibus, qui inter se despondent natos, quod propriè ostendit *d. l. 134.* ex qua norandum est esse quidem actionem ex hac pœnali stipulatione, sed moram & institutam infringi per exceptionem doli mali, quod & decretis Summorum Pontificum est comprobatum, *c. 17. & 29. de sponsalib. & matrim. extra.* Idque aded coniugij libertati conuenire visum est, vt nominatim & apertè veritum fuerit tabulis nuptialibus & instrumentis dotalibus huiusmodi stipulationem adscribi & inferi *Constitutione Alexij Comneni, quæ extat lib. 1. Iuris Orientalis.* Contrarium tamen placuit *Leoni Philosopho*, nam ex eius *Nov. 18.* restituto iure & more vetusto, quo solebant veteres stipulari sibi vxores futuras, sponsalibus subdi potest stipulatio pœnalis, & non sequutis nuptiis secundum fidem sponsaliorum, pœna conuenta exigi, vel, si pœna conuenta non sit, agi in id, quod interest, quo iure hodie vtimur in foro. Licet enim pio & coniugali affectu, non pœnæ vllius vinculo & matrimonium & spes matrimonij contineri dicantur, *d. l. 134. & d. c. 29.* vsu tamen & consuetudine obtinuit, vt pactum huiusmodi valeret, & stipulatione commissæ, pœna sponsalibus addita præstaretur, vt liquet *ex tit. 92. Leg. Longobardorum*, quod & multò antè ex consuetudine in ius transiuit *d. Nov. 18.* id visum est moribus ciuitatis, quibus inconstantius, aut mutabilius nihil, licitum, quod inhonestum esse ait Iurisc. in *d. l. 134.* nimirum pœnæ vinculo sponsalia & matrimonia obstringi posse, quod alienum est bonis moribus ciuitatis bene constitutæ, *d. l. 134.* Quinimo Ægyptiorum institutis est traditum custodiri solitum, vt ad fidem coniugij, & consortij mutui diuturnitatem firmandam fideiussores vtrinque adhiberentur, id testificante *Herodoto lib. 1.* quod & Iure Canonico receptum fuisse indicat *cap. 9. de eo qui cognouit consanguineam vxoris suæ. ex.*

Est ergo diligenter separandum ius, quo veteres Latini  
 vti sunt in contrahendis sponsalibus, ab eo iure, quod  
 legibus, moribusque populi Romani est introductum: illo  
 enim iure, fide rupta, erat actio ex sponso in id, quod  
 intererat uxorem accipi vel dari, & in pœnam igitur,  
 nam stipulatio, quæ quanti interest promissionem habet,  
 pœnam quoque recipit, *l. ult. ff. de prætoriiis stipulat.* vel  
 si stipulationi nominatim subdita fuisset pœna, eius petitio  
 erat: hoc verò iure neque in id, quod interest, agi potest,  
 neque ex stipulatione pœnali, si quæ sponsalibus fuerit  
 apposita, pœna, de qua convenit, peti potest, *l. 2. C. de  
 inutilib. stipulat. & d. l. 134.* quod & Iure Canonico com-  
 probatum fuisse constat *ex d. c. 29.* Possunt tantùm sponsæ  
 ex constitutione Iuris Ciuilis in casum repudij stipulari ar-  
 rhas, sponsi pœnam legitimam, quæ nunc est, putà du-  
 plum arrharum, vel eam, quæ fuit olim, putà quadruplum,  
*l. ult. Cod. de sponsal.* Iure Pontificio pœnitentia iniungi-  
 tur coniugi perfido, *c. 5. & 22. eod. tit. ex.* In foro con-  
 scientiæ is, qui est auctor dissidij, eamentiæ fidei pœni-  
 tentiam agere debet *d. c. 5.* Olim si per sponsam sterisset  
 quominus nuptiæ fierent, arrharum datarum nomine in  
 quadruplum tenebatur, *l. 1. Cod. Theod. si Rector pro-  
 uincia vel ad eum pertinentes. l. 1. Cod. Theod. si nuptia  
 ex rescripto pet. l. 6. Cod. Theod. de sponsal. & ante nupt.  
 donat.* hodie non quadrupli, sed dupli constituta est pœna;  
*d. l. ult.* quod genus pœnæ multùm differt à pœna, quæ  
 olim in stipulatum deducebatur, si nuptiæ non sequerentur;  
 & rectè *Leo in d. nou. 18. & Glossa in d. c. 29.* inter pœnam  
 & arrham sponsalitiæ faciunt differentiam. Est tantùm  
 exactio pœnæ legitimæ, non conuentionalis petitio; sicque  
 peritissimè discriminat dominus Cuius in comment. ad tit. de  
 sponsal. Cod. Plerumque tanquam pignus futurarum nu-  
 ptiarum fieri solet subarrhatio, id est, datio arrharum, *l. 3.  
 & 5. Cod. de sponsal. & l. 38. ff. de ritu nuptiar.* quo casu ma-  
 trimonium arrhis obligari dicitur tit. Si Rector provincie. Cod.  
 vnde frequens in Iure Canonico desponsare vel subarrhate,  
*Can. si quis uxorem & seq. 27. q. 2. & c. ult. iunctâ Glossa. ex.*

de desponsat. impuber. Subarrhantur autem sponsæ aut annulo pronubo, aut monilibus muneri missis, *ut docet dominus Cuiacius in d. c. ult. in cap. 10. de sent. & re iudic. ex lib. 11. obser. c. 17. & ad l. 36. de donat. inter vir. & vxor. lib. 36. Pauli ad Edict.* Interueniunt arrhæ in sponsalibus vice pignoris & in fidei sponsionisque securitatem dantur, ut si sponsalia non sequantur culpâ dantis, cedant sponsæ lucro: si culpâ sponsæ, duplicentur ab sponsa lucro mariti, *l. ult. Cod. de sponsal.* si verò neutrius culpâ soluantur, restituantur danti, & eo modo sublata est ex stipulatu actio, quæ competeat propter fidem non exsolutam sponsaliorum. Item sublata poena quadrupli, *d. l. ult.* Est & aliud argumentum sponsalium contractuum, aliudve symbolum & pignus nuptiarum futurarum, nempe osculum, *l. 16. Cod. de donat. ante nupt.* & *Nou. Alexandri* ait confirmari sponsalia datâ arrhâ & osculo. *Quintil. declamat. 273.* scribit vxorem aut maritum osculo tantum putari, & recte; nam quæ præbuerat tantum osculum, quod est argumentum pudicitiae veterum, erat quasi vxor, & plusquam sponsa. Si sponsa sponsum amplexata ab eo dona & mûnera accepisset; credibile enim est complexus hos osculo non caruisse.

*Cum dabit amplexus atque oscula dulcia figet.*

## CAPVT IV.

*An sponsalia fieri possint nudo pacto.*

NUNc videndum quâ ratione, quôve modo hodie constituentur sponsalia, in quo doctissimum Cuiacium variasse reperio; nam *in Parat. Digest. tit. de sponsalibus, & in expositione l. 2. ff. de obligat. & act.* existimat sponsalium obligationem hodie fieri nudo pacto, cuius opinionis fundamentum nititur auctoritate *l. 2. & 4. Cod. de sponsal.* At idem Iurisconsultus incomparabilis in *Commentario ad eundem tit. & cap. 33. lib. 16. obseruat.* disertè & literatè scribit nudum pactum sponsalia facere ne hodie quidem posse, e-ruditè discernens & separans nudum pactum à nudo consensu, quod placet magis, licet prior sententia rectè rueri possit. Et secundum hoc ius nouum, quo sponsalia expediuntur nudo consensu, non intercedentibus mutuis stipulationibus, ut antiquitus, puto accipiendam esse definitio-

B ij

nem Florentini in l. 1. ff. de sponsal. ut sponsalia sint mentio & repromissio futurarum nuptiarum, vel, ut est in Can. nostrates. 30. q. 5. futurarum nuptiarum promissa, & apud Symmachum lib. 9. ep. 40. promissa coniunctio. Et custoditè Iuriconsultus in d. l. 1. adiecit verbum, repromissio; nam mentio est primus sermo, qui præire consuevit sponsalia, & tractatus de nuptiis contrahendis, non contractus ullus, non pactum ullum. Et sicuti tractatus habitus de coeunda societate non est societas, sed conclusio tractatus facit societatem, l. 32. ff. pro socio. Ita etiam mentio de futuris nuptiis non facit sponsalia, sed repromissio, id est, pactum & conuentio. Hunc tractatum siue primum sermonem, qui habetur de contrahendo matrimonio, conuentam conditionem appellat Sextus Pompeius lib. 3. de verbor. significat. Conuenta conditio dicebatur, inquit, cum primus sermo de nuptiis & earum condicione habebatur. Quare si res steterit intra prima verba, sponsalia constituta non intelliguntur.

## CAPUT V.

An sponsalia substantiam capiant ex solo contrahentium consensu, absque ulla restitutione, siue adhibitione testium.

CONSENSVS verò contrahentium, ex quo solo & matrimonio & spes matrimonij consistunt, l. 4. & 11. ff. de sponsal. l. 30. ff. de regul. iur. Can. sufficiat. 27. q. 2. c. 14. 23. & 25. de sponsal. ex. exprimi potest non tantum verbis & vocibus lingua figuratis, sed etiam nutu citra sermonem ullum dd. cap. 23. & 25. & l. 73. ff. de iure dotium. Et quoniam sponsalia sicut nuptiæ perficiuntur & transiguntur non tantum consensu, oratione vel scripturâ declarato & explicito, sed etiam alio quocumque signo & demonstratione animi certâ & indubitâtâ, obtinuit ea peragi & contrahi posse à mutis, locis proximè citatis; nam in mutis, ut Quintilianus ait, nutus pro sermone est, quod etiam probatur l. 43. in prin. ff. de procurator. & l. 65. §. si pupillo. ff. ad SC. Trebell. idemque dicendum est de iis, qui auditus capaces non sunt, dd. cap. 23. & 25. & d. l. 73.

Quamquam autem hodie mutus & surdus sponsalia facere possint, quoniam hodie nudo consensu constituuntur & expediuntur, tamen iure morèque vetusto, cum non fierent nisi per stipulationem vel sponsonem ex utraque parte interpositis



verbis, consequens est dicere olim neque mutum neque surdum sponsalia facere potuisse, quod hac mascula & ineluctabili ratione verum esse euinci potest, quia stipulatio, quâ sponsalia constabant, neque concipitur, neque vires habet, nisi utroque loquente, & inuicem exaudiente, *l. 1. ff. de verbor. obligat. & l. 1. in fine ff. de obligat. & act.* quod de mutuo intelligendum puto, qui dari non potest, qui omnino amisit verba, non de balbo, aut blæso, aut atypo, qui explanatè non loquitur. Non de eo etiam, qui tardiùs loquitur, quia hi rectè verbis contrahunt obligationem, & proinde potuerunt etiam antiquitus sponsalia contrahere: ac similiter de surdo, qui omnino sensum aurium amisit, (quod rarò contingit, quoniam ut Iustinianus refert ex Iubentio Celsi vetere Iuriconsulto *in l. 10. Cod. qui testam. fac. poss.* nullus est adèò surdus, qui non exaudiat, si quis supra cerebrum illius loquatur; quod an verum sit, excutiendum relinquo Medicis) non de eo, qui minùs audiens dicitur in Iure nostro, *l. 2. §. minus. ff. de vacat. & excusat. muner.* eodèmq; moderamine adhibito temperare placet quod scripsit Ulpianus lib. singulari regular. tit. de testament. ideo non potuisse olim surdum vel mutum testari per æs & libram, quia mutus verba nuncupationis loqui non potest, surdus verò non potest audire verba solemnia familiæ emptoris. Non potuit quoque mutus testari iure prætorio, vel mixto, quia non potest accire & rogare testes; surdus verò, quia non potest audire verba testimonium sibi perhibentium, quod omnino desiderari in eo, qui testamentum facit, *Paulus docet lib. 3. sent. tit. 4. & confirmatur l. 21. §. pen. ff. qui testam. fac. poss. & l. pen. ff. unde cognati.* quod pari suffamine eget.

Quæri solet an in sponsalibus contrahendis necesse sit testes interuenire? *Diuus Ambrosius lib. ad Virginem lapsam c. 5.* decem testes adhiberi solitos ex veterum monumentis obseruauit. *Si inter decem testes,* inquit, *confectis sponsaliis, nuptiis consummatis, quauis viro femina coniuncta, &c.* Pontifex autem *in cap. 13. de sponsal. ex.* rescribit ad sponsalium fidem faciendam tres testes sufficere, ex quo cap. *apud B.*

*Hieronym. in obiurgatione in Susannam, illo loco, Si tredecim testibus sponsalibus consummatis quævis femina viro coniuncta &c. pro tredecim scribendum, tribus, docet dominus Cuiacius in expositione illius cap. quod sic accipiendum videtur, etiam nullis testibus aduocatis contracta sponsalia valere, dummodo id, quod actum est, aliis signis & argumentis possit deprehendi & coargui, & hoc est quod Paulus ait initio l. 7. ff. de sponsal. sponsalia fieri posse sine testatione atque scriptura vlla sicut stipulationem, ad differentiam scilicet nuptiarum, in quibus testatio desideratur, l. 4. ff. de fide instrum. In hoc igitur distant sponsalia à nuptiis, quòd in his necesse sit voluntatem suam edicere & palàm enunciare, testibus scilicet adhibitis, id est, testatione interposità licet sine scriptis habità, d. l. 4. Apuleius lib. 6. Asini aurei, cùm rationes tradit, quibus non videantur illi nuptiæ legitimæ inter Cupidinem & Psychem, eam quoque affert, quòd clam parentibus, nullòque adhibito teste factæ fuissent. Quæ testatio fieri etiam debet in concubinato, qui & nuptias imitatur, quia legitima coniunctio, utpote per leges nomen assumens, l. 3. ff. de concubin. Sponsalia verò rectè ritèque constituta credantur, quamuis nulla testatio interuenerit, hoc est, neque scriptura confecta fuerit, neque vlli testes adhibiti; quod tamen velim temperari isto moderamine, dummodo res acta aliunde probationem habeat, id est, constet & appareat aliis indiciis sponsalia esse contracta: Nam sicut non interpositis instrumentis iure contractum matrimonium non fit irritum, l. 13. Cod. de nuptiis. quia tabulæ non faciunt matrimonium, l. 31. ff. de donat. sed affectio contrahentium, l. 32. §. quòd si diuortium ff. de donat. inter vir. & vxor. Sic etiam semotis arbitris & testibus sponsalia iure facta tenent, quoniam ex nudo solòque consensu substantiam capiunt, nullà testatione habità l. 4. & 7. ff. de sponsal. & in hoc valde discrepant sponsalia à nuptiis, in quibus præter consensum exigitur testatio, & in aliis plerisque de quibus videndus dominus Cuiacius in Comment. ad tit. de sponsal. Cod. separantur.*

## CAPVT VI.

De differentiis val-  
de notantia inter  
sponsalia & ma-  
trimonium.

**I**N hoc potissimum sponsalia secernuntur à matrimonio, quòd matrimonium rem principalem statim conficiat mutuo & presenti consensu, sponsalia autem nudis & simplicibus verbis facta rem principalem differant in futurum tempus, *Can. lex. 27. q. 2.* & initia tantum quædam sunt & repromissiones futuræ societatis, quæ omni ex parte perficitur & completur nuptiis sequentiis, quæ, vt eleganter *D. Augustinus ait de bono coniugali, c. 6.* vnde desumptus est Canon quidquid 32. q. 2. *sunt prima humani generis in ista mortalitate societas*, de quo societatis & communionis genere exaudire oportet, quod est apud Bernardum sanctum, & eruditum Abbatem super Cantica sermone 7. *Non sunt*, inquit, *inuenta aquæ dulcia nomina*, quibus Verbi animæque dulces ad inuicem exprimerentur affectus, quemadmodum sponsus & sponsa, quippe quibus omnia communia sunt, nihil proprium, nihil à se diuisum habentibus, *una vtriusque hereditas, una domus, una mensa, vnus thorus, vna etiam caro.* Adde ex *Can. Ebron. 13. q. 2.* & *vnus sepulchrum.*

Certum itaque est sponsalia non esse præsens matrimonium, sed futurum, & non tam matrimonium, quàm spem matrimonij: Et ita interpretandum est quod est *in fine tit. si Rector prouincie, Cod. Theod.* matrimonium arrhis obligari, id est, matrimonij spem: Sicut *Vlpianus in l. 1. ff. pro dote.* sponsum esse ait eum, qui nondum maritus est, sed speratur; & *in l. 7. §. 1. ff. de iure dotium.* maritum futurum, & destinatam vxorem: Mariti enim & viri, quemadmodum coniugis & vxoris nomina sunt, quæ iam contractum matrimonium designant: sponsi verò & sponsæ speratas & destinatas nuptias demonstrant, & sicubi sponsi dicuntur, aut coniuges, vel sponsæ vxores, receditur à sermonis proprietate, & non tam iusti, quàm sperati mariti, speratæ & futuræ vxores denotantur, *vt in Can. genuit. 27. q. 2.* & è conuerso sumi nonnunquam sponso & sponsas pro viris & vxoribus plusquam manifestum est ex superscripto *B. Bernardi loco, & ex cap. 4. de sponsal. ex: vbi Alexander III.* dum ait legem Dei vetare, ne quis sponsam fratris du-

cat uxorem, accepit sponsam pro uxore more Hebræorum, cum lex Dei de uxore loquatur, non de sponsa, ut constat *Leuitici* 20. Licitum tamen veteres esse crediderunt ducere fratris uxorem, nuptiis fratris solutis, l. 2. Cod. Theod. de incestis nupt. nimirum si frater sine liberis vitâ decesserit, & *Deuter.* 25. quod tamen nusquam lex Romana admisit, & hoc nominatim l. pen. Cod. eod. tit. quâ mos ille ducendi uxorem fratris mortui sine liberis fuit sublatu, tribuit Ægyptiis, id est, Iudæis, sic enim passim omnes authores hæc nomina confundunt.

## CAPVT VII.

De diuisione sponsalium in ea, quæ in futurum tempus conferuntur, & illa, quæ præsentis temporis esse dicuntur, & de diuersis eorum effectibus.

**H**INC detegitur error opinantium Pontifices his vocalibus promiscuè & indiscriminatim vti, quod pleniùs vindicatum habetur à doctissimo Cuiacio ad Rubricam tit. de sponsal. eod. Nam etsi verba sponsalium collata sint in præsens tempus, quæ vulgò sponsalia de præsentis appellantur, Iuri Ciuili prorsus incognita, Iure Pontificio sponsa nondum vxor, sponsus nondum maritus est. Non potest quidem illa alij nubere, vel hic aliam uxorem ducere, nondum tamen vel illa vxor, vel hic maritus est, etiamsi præsentia sint sponsalia, non collata in futurum tempus, antequam inuocatum nomen Dei & benedictio sequuta fuerit, quâ etiam prima Ecclesia vsa est *Can.* 1. & 2. 30. q. 5. *Can. consanguineorum.* 3. q. 4. *Non. Leonis Philosophi* 74. & *Non. Alexij Comneni* relata ab Harmenopulo lib. 4. *Promptuarij tit.* 1. quo modo matrimonium assensu & auctoritate Ecclesiæ conciliari dicitur à *Tertulliano in fine lib. 2. ad uxorem.* cuius benedictionis accipiendæ causâ cum celebrare & apparatu sponsas duci in Ecclesiam olim receptum fuisse constat ex d. *Can.* 1. quo iure etiam hodie vtimur, & ex cap. 28. de sponsal. ex. cuius cap. Constitutio in 5. Collect. Decretal. morem notat, quo sponsæ antequam benedictionem acciperent ad valuas seu vestibulum Ecclesiæ sistebantur, ut fides earum exploraretur, & quia iam fortè obsoleuerat hic mos, Raimundus in compilatione Decretalium hæc verba, de more, omisit, ut est peritè obseruatum ab *Innocentio Cironio*, cuius opera & diligentia debemus prædictam Collect.

Decre-

*Decretalium.* præsentia igitur sponsalia matrimonium sunt, si inuocatum sit nomen Dei, & sequuta fuerit *iepołoxia*, sine qua nec matrimonium, nec nuptiæ consistere possunt, *d. Can. 1.* Tertull. lib. 2. ad vxor. & de pudicitia. D. Ambrosius epist. 70. ad Virgil. Vsq̃ue aded̃ autem visa est necessaria adhibitio benedictionis in nuptiis, vt Siricius Papa scripserit epist. ad Himer. Tar. c. 4. eam violari & omitti non posse sine sacrilegio, cuius vsum repetendum esse docuit Innocentius I. epist. 1. ab illa, quā Deus primos parentes benedixit his verbis, *crescite & multiplicamini*, quæ verba qualia sint, docet *dominus Cuiacius in c. pen. de sponsalibus & matrim. ex.*

Hæc verò sponsalia, quæ habent verba præsentia, quæ habent consensum præsentis temporis, de quibus *in cap. 9. eod. tit.* eam vim habent, vt possint soluere sponsalia atque nuptias deinde subsecutas, *c. ult. eod. tit.* non quòd sponsalia pura & præsentia pro matrimonio habeantur; ab eo enim sunt perpetuò distinguenda, sicut inchoatum & imperfectum matrimonium distinguitur à contracto & perfecto matrimonio, & sponsa ab vxore. Negari tamen non potest sponsalia quibuscumque verbis concepta, id est, siue per verba de præsenti, siue per verba de futuro contracta, dummodo sint legitima, loco nuptiarum esse in quibusdam causis notatis à *domino Cuiacio ad Rubricam tit. de sponsal. ex.* Summè autem notandum est, si sponsalia præsentanea contracta fuerint licèt sub conditione, copulam ante conditionis defectum subsecutam matrimonij præsumptionem inducere, *c. 6. de condit. appositis. ex.* ad quæ sola, non etiam ad sponsalia de futuro, caput illud pertinere innuunt verba hæc contextus, *mutuum de præsenti consensum*, cuius iuris ratio ea est, quia contrahentes dum inuicem commiscuntur, videntur à conditione apposita recessisse, sublata ergo conditione remanet matrimonium purè contractum, *d. c. 6.* Nec hoc mirum videri debet, cum etiam copulæ effectus hic sit, vt sponsalia de futuro in matrimonium transfundat, *c. 15. 30. & ult. de sponsal. & matrim. ex.* cuius non minor vis, quàm veri, *d. c. 30. & c. 3. de condit. appositis. ex.* Præsumptum

igitur matrimonium est non modò cùm sponsalia de præsenti sub conditione, honestâ scilicet, contracta sequitur corporum commixtio, sed etiam cùm sponsalia de futuro etiam sub conditione contracta eadem sexuum commixtio sequitur, quod erat difficilius, nam hoc casu, vt Panormitanus obseruat, copula duo operatur simul & consequenter, nam & purificat hæc sponsalia, vt loquuntur interpretes, id est, efficit vt suppressâ subductâque mentione conditionis, purè contracta videantur, atque eodem momento in matrimonium transfundit.

## CAPVT VIII.

*De matrimonio  
presumptio.*

**I**DEO verò Ecclesia ex illo corporum congressu consensum conjugalem præsumit, ne alioqui dicendum sit coitionem hanc esse fornicationem, ac proinde mortale peccatum, quod præsumi non debet, hocquæ commento adhibito, matrimonium, quod in rei veritate contractum non fuit, æquiparatur vero matrimonio, ideóque nec vlllo modo rumpitur, vel infirmatur posteriori matrimonio cum alia solemniter, id est, in facie Ecclesiæ contracto, sed illud potiùs matrimonium, quod de facto est postmodum subsecutum, nec verum, nec aliquod matrimonium esse censetur, *d. c. 30.* Rationem subiicit Gregorius IX. in eo cap. quia licet præsumptum primum matrimonium videatur, tamen contra huiusmodi præsumptionem non est probatio admittenda, quæ verba quamuis aperta sint & omnem omnino probationem excludant, non desunt tamen interpretes, qui existimant contra talem præsumptionem recipiendam esse probationem ex confessione ipsarum partium. Sed verior est diuersa sententia opinantium ne quidem ex confessione partium admitti debere probationem contra huiusmodi præsumptionem. Qui enim inter se matrimonio iuncti sunt, propter eorum confessionem tantùm separari & disiungi non debent, cùm & quandoque nonnulli inter se contra matrimonium velint colludere, *cap. 5. de eo qui cognouit consang. vxor. sue. ex.* Rectè tamen Panormitanus & alij notant interdum probationem contra huiusmodi præsumptionem esse recipiendam, si quis fortè paratus sit probare sponalibus fuisse renuntia-

tum, cāve propter affinitatem, aut aliquod aliud impedimentum fuisse nulla, vt latiùs idem Panorinitanus exponit in d. c. 30. Custoditè autem Pontifices in eo cap. & in d. c. 6. de condit. appositis. decernunt, vt matrimonium præsumptum dicatur, necessariam omnino esse commixtionem corporum interuenire, & subsequi sponsalia de præsentì, vel de futuro, quia conatus solus sine effectù, voluntas nuda & inanis, quæ citra effectum subsedit, matrimonij præsumptionem non inducit, *d. c. ult. de sponsal. & matrim.* Subarrhationem quoque inducere præsumptionem matrimonij patet *ex cap. 10. iunctâ Glossâ in verbo subharraſet. de sent. & re iudic. ex.* ad quam commodiùs apriùsque referri possunt verba hæc, *vel alium quemlibet modum, cap. vn. §. idem quoque de desponsat. impuber. in 6.* quàm ad oscula, vel amplexus, vt malè facit Glossa. Aut potiùs ad nouum consensum de præsentì, qui quoad inducendam matrimonij præsumptionem commixtioni carnis comparatur, *c. 3. de condit. appositis. ex.* vt hic sit sensus d. §. idem quoque. Sponsalia ea, quæ Iuris interpretatione dumtaxat sunt sponsalia de futuro, non transire in matrimonium nisi per copulam subsecutam, aut nouum consensum præstitum apparuerit contrahentes in eadem voluntate vsque ad tempus pubertatis perseuerasse.

**S**I V E autem sponsalia verbis præsentem consensum significantibus, siue in futurum tempus collatis, nudis & simplicibus fuerint constituta, non sufficit mutuum, liberum, & solum consensum vtriusque partis interuenisse; oportet enim insuper vt ambo contrahentes certæ ætatis fuerint, quæ multiplex est; nam per septem ætatum cursus vita hominum vsque ad senectutem transcurritur, vt ex Hippocrate Medicinæ magistro docet *B. Ambrosius Enarratione 2. in Genesim, ad Horontianum.* Prima ætas infantia est, secunda pueritia, tertia adolescentia, quarta iuuentus, quinta virilis ætas, sexta æui maturitas, septima senectus. Et, vt ex hac ætatum serie & ordine id tantummodò sumamus, quod facit ad propositum, obseruare placet intra primam ætatem, quæ procedit vsque ad emissionem dentium, quibus quis

## CAPVT IX.

*De ætate, intra quam sponsalia contrahi valent.*

conficiat cibum, sermonemque distinguat, ut possit effabilis videri, sponsalia peragi non posse, non quod sponsalibus contrahendis certa ætas sit definita, sed quia aliter consistere non possunt, quàm si sponsus & sponsa intelligant quid agatur, quod non contingit ante completum septimum annum, qui finis est infantia, *l. 14. ff. de sponsal. Nou. Iustiniani 109.* quod recentatum fuit *Nou. Alexij Comneni Imperatoris*, ut docet *Harmonopulus lib. 4. tit. 1. in epitome Iuris Civilis*, quod & Ius Pontificium subsecutum fuisse probatur *cap. 3. de sponsal. c. 14. de restitut. spoliator. ex.* & confirmant epistolæ decretales, quæ repositæ sunt sub titulo de desponsat. impuber. Infantis, id est, nondum septuennis in primordio ætatis, in cunabulis constituti, ut loquitur *Alexander III. in cap. 4. integriore de desponsat. impuber.* quod extat in breuiario Bernardi Papiensis, status & habitus non multum abhorre dicitur à conditione furiosi, cuius nulla est voluntas, nulla scientia, nulla intelligentia, *l. 209. de verbor. signif. l. 12. ad leg. Cornel. de sicariis. l. 60. de re iudic. ff.* Imò & puella infans desponsari potest, si malitia suppleat ætatem, modò illa proxima fuerit septennio, exemplo eius, quæ proxima est pubertati, quam constat rectè nubere posse *ex cap. 9. ex. de desponsat. impuber.* quia, ut Aristoteles ait, *quod parum abest, de eo sentimus, ac si nullo modo abesset.* *Augustus Imp.* constituit ne minor decem annis sponsa haberetur, ut *Dio & Zonaras* scribunt; sed alio iure vitimur, nam, ut iam dictum est, post septimum annum sponsalia contrahi possunt sine vlla sexus distinctione. Ergo intra secundam ætatem, id est, pueritiam, quæ usque ad annos pubertatis procedit, & genitalia tentamenta, ut loquitur *D. Ambrosius* loco citato, effici possunt sponsalia, *d. l. 14. c. 4. & 5. ex. de desponsat. impuber.* Et quæ desponsata est, cum septuennis non esset, sponsa legitima non censetur priusquam maior facta sit septem annis, *d. c. 4. & 5.* atque ex eo, quod sponsa legitima non sit, nisi quæ excessit infantiam, aut quæ proxima est ætati legitimæ, id est, septennio, aut cuius malitia, vel intelligentia supplet ætatem, quibus casibus exemplo matrimonij sponsalia valere dici



potest *arg. c. 9. cod. tit. & c. 8. de sponsal. & matrim. ex.* consequens esse videtur iuuenem, qui in cap. 3. cod. tit. proponitur puellam immaturam, hoc est, minorem, quàm septem annorum quasi vxorem duxisse domum, eâ mortuâ rectè nuptias contrahere posse cum consobrina illius, nec ab ea iam ducta in matrimonium disiungi debere, *c. 6. de eo qui cogn. consang. vxoris sue. ex.* cum prior nec vxor, nec sponsa fuerit, ac proinde nulla affinitas contracta dici possit cum ipsius cognatis.

## CAPVT X.

*Per sponsalia, cuiuscunque generis sint, inducitur affinitas, qua est impedimento matrimonio contrahendo cum iis, qui sunt affines.*

**F**ATENDVM quidem est ex sponsalibus, siue in præsens, siue in futurum tempus concepta sint, acquiri & propagari affinitatem inter vxorem & cognatos sponsi, & retro inter maritum & cognatos sponsæ, videlicet si cum ea contracta sint, quæ & sponsa, & vxor esse potuit, non si cum ea, quæ per ætatem neque sponsa, neque vxor esse potuit, vt in specie d. c. 3. Ibi tamen Eugenius III. rescripsit iuuenem defunctæ puellæ consobrinam in matrimonio habere non posse; primò quia quamdiu vixit, vxor eius esse dicebatur, vel æstimabatur. Hæc est prima ratio, quam cum videret Summus Pont. esse valde infirmam & fragilem, eam, ne labasceret, aliâ multò idoneiore & fortiore communiuit, more Iurisconsultorum nostrorum, quos etiam imitatus est *Alexander III. in cap. 8. ex. de donat.* hi enim sæpè solent sententias suas duplici ratione fulcire *ἐνστάσις & ἀνταρξασις*, vt Græci Rhetores loquuntur, cuius rei exempla habemus in l. 27. §. à père ad SC. Trebell. l. 14. de seruitutibus. l. 17. de auctoritate tutor. l. pen. de seruis exportandis. l. 24. ad leg. Iul. de adulter. l. 22. §. si procurator. rem ratam haberi ff. hanc nempe subiecit, quæ instat & vrget omnino, quia etsi neque sponsa, neque vxor fuerit, suspicio tamen subest illam deintegratam & deuirginatam fuisse: potuit enim sponsus stultus & intemperans indomitâ & infrenatâ quâdam libidine cum ea immaturè rem habere, licèt apta non esset ad viriles complexus, & cum in re dubia iuuenilis ætas verosimilius id faciat, congressum scilicet subsecutum fuisse, nec conatum tentamentumque genitale citra effectum subse-

C ii

disse, certius & modestius sequendum esse definit Pontifex in d. c. 3. propter honestatem, inquit, Ecclesiæ, quâ ratione sæpe Pontifices vtuntur in nuptiis prohibendis, c. 7. *de sponsat. impuber. c. 6 & pen. de eo qui cogn. consang. vxor. sue. ex.* quod cum Iure Ciuili congruit, quo cautum sancitumque est in contrahendis matrimoniis publicam honestatem inspiciendam esse, & pudorem, l. 14. §. *seruiles. ff. de ritu nuptiar.* pudorem, inquam, & verecundiam, quæ libidinis moderatrix est. Contra pudorem est autem eius consobrinam ducere, cum qua coniunctio, siue congressio interuenisse creditur, licet reuera non interuenerit: visa siquidem est hæc suspicio coitionis sufficiens causa ad inducendam & propagandam quasi affinitatem inter iuuenem & cognatos puellæ, cum qua & tentasse & aliquid patrasse præsumitur; ideoque honestius & modestius esse Pontifex ait, ne cum ipsius consobrina matrimonium contrahat, quia & cum consobrina eius, quam stupro cognouit, veritæ sunt nuptiæ, quamuis congressus ille citra ius vxorem vel sponsam non fecerit, c. 7. *de eo qui cogn. consang. vxor. sue. ex. Can. nec eam. 35. q. 2.*

## CAPVT XI.

*Sponsalia licet solo consensu contrahantur, tamen solo contrario consensu non distrahuntur Iure Ciuili, secus Iure Canonico.*

**H**ACTENVS abundè satis egimus de constituendis & conciliandis sponsalibus, deque iis, quæ illa ambiunt & circumstant. Nunc sequitur vt accuratâ breuitate expendamus; an quemadmodum ex traditionibus Iuris vtriusque certissimis solo consensu contrahentium fiunt, nudâ etiam eorum voluntate dissoluantur. Et certè in hoc articulo non sunt bene concordantia ista duo iura: Iure siquidem Ciuili, vt sponsalia dirimantur, præter vtriusque partis consensum, opus est etiam aliquo ritu solemnî, l. 6. & 10. ff. *de sponsal. l. 2. ff. de diuortiis.* Nam oportet renuntiationem interuenire in sponsalibus discutiendis, vel, vt *Plautus loquitur in Aulularia*, repudium renuntiare, quod propriè in sponsos cadit, l. 101. §. *diuortium* & l. 191. ff. *de verbor. signif.* idque verbis istis typicis, solemnibus, & formalibus fieri ostenditur, d. l. 2. *conditione tua non vtor.* Hæc autem renuntiatio quæ nihil aliud est, quàm discussio sponsalium, d. l. 2. suæ

repudiatio futuri matrimonij, *d. l. 191. rata non est*, id est, pro infecta habetur, nisi fiat secundum legitimam obseruationem, *l. 35. ff. de donat. inter vir. & vxor.* ea enim quæ lege præscripta sunt, adamussim sunt custodienda. Et ita Pontifices statuunt *in c. 5. & pen. ex. de renuntiat.* non videri amissum beneficium, nisi ille, qui renuntiat, omnia solemnia, quæ in cessione, vel renuntiatione desiderantur, ritè perfecerit. Vt verò renuntiatio, quæ interponi debet ad finienda sponsalia, *d. l. 2. legitimè & solemniter facta esse* censeatur, adhibendi sunt septem testes ciues Romani, puberes, liberto, per quem libellus repudij mittitur & repudium renuntiatur, non computato in numerum, *l. 9. ff. de diuort.* vel si forè deficiat libertus, dari debet libellus repudij nuntio, *l. 6. & 10. ff. de sponsal. l. 3. Cod. de repudiis.* quem scilicet offerat & tradat sponso, sponsæve, cui mittitur repudium, *d. l. 3. & 6. eod. tit. l. 7. ff. de diuortiis.* Ideo autem in hac causâ renuntiationem dicere solemus, *d. l. 2. eod. tit.* ut etiam nuntium remittere, *d. l. 10. l. 2. Cod. de repudiis.* quia ut interpositis personis, & per internuntium sponsalia plerumque expediuntur, *l. vlt. ff. de sponsalibus.* ita quoque finiuntur eodem modo in contrarium actio iuxta regulam *l. 135. ff. de regul. iur.* nihilque interest præsentis, an absenti renuntietur, *d. l. 2. de diuortiis.* Sicut parui refert præsens præsentis, an absens absenti despondeatur, *l. 4. ff. de sponsal.* Hinc manifestè & enucleatè constat maioribus auspiciis opus esse in distrahendis, quàm in contrahendis sponsalibus. Contrahuntur nudo consensu, non etiam nudo consensu distrahuntur. Et hæc quidem vera sunt Iure Ciuili, non utique Iure Pontificio: Isto enim iure, ut patet *ex c. 2. de spons. ex.* sponsalia discutiuntur & dissoluuntur contrario consensu, id est, mutuo dissensu absque vlla renuntiatione solemnî, quam tamen leges Romanæ exigunt ad tollendam nuptiarum spem, (quod Innocentius III. cuius rescriptum extat in *d. c. 2.* non ignorauit, nam fuit Iuris vtriusque peritus) sponsalia scilicet collata in futurum tempus, etiamsi purè & sine omni conditione contracta fuerint, non sponsalia præsentis temporis, quia hæc matrimonium imitantur: & dirimuntur mutuo dissen-

fu puberum, non impuberum, nam quamdiu impuberes sunt, qui constituerunt sponsalia, vel vnus eorum, vtroque, vel altero, qui impubes est, dissentiente sponsalia dissolui iure non possunt, quia impuberes neque consentire, neque dissentire, nec quicquam ante pubertatem scire, vel intelligere existimantur, *c. 7. & 8. de desponsat. impuber. ex. l. ult. ff. de iuris & facti ignorat.* Post pubertatem dissensu ex vtroque latere præstito, vel eius renuntiatione, qui impubes erat sponsalium tempore, ritè ea dissoluentur, adhibito scilicet, vt est in d. c. 7. iudicio Ecclesiæ. Atque vt Summus Pontifex confirmet sponsalium discussionem pendere ex mutuo partium dissensu, vitur in d. c. 2. de sponsal. aptissimo societatis exemplo, quam certum est contrariâ voluntate & renuntiatione resolui posse, *l. 4. & l. 65. §. renuntiare. ff. pro socio.* Nam sponsalia futuræ societatis repromissiones sunt, aut societatis initia quædam, id est, matrimonij, quod, vt relatum est ex *Dino Augustino in Cap. quidquid 32. q. 2. est prima humani generis in ista mortalitate societas*, vel, vt *Modestinus* definit in *l. 1. ff. de ritu nupt. consortium omnis vitæ*. Et quemadmodum legibus sæcularibus & mundanis constitutum fuit consortes mutuo consensu se inuicem absoluerè, & communionis vinculo, quo tenentur obstricti, liberare posse, ne si inuiti cogerentur manere in societate, inde discordiæ & rixæ nascerentur, quod ne accidar publicè interesse visum est, *l. 14. & 70. ff. pro socio*. Ita etiam legibus Ecclesiasticis permittitur sponis sponsalia dissoluere contrario consensu, ne si volentes nolentes compellantur verba sancire re ipsa, & fidem inuicem datam implere, aliquid deterius inde contingat, quæ fuit ratio emittendi rescritti, de quo in d. c. 2. ne, vt est in *c. 14. eod. tit.* sequatur exitus, qui de inuitis solet nuptiis prouenire, quæ verba *Alexander III.* author illius cap. detorsit ex hisce *D. Ambrosij in Comment. ad Epistolam primam ad Corinth. c. 8. Inuite nuptiæ solent malos prouentus habere*, aut, vt est in *c. 17. eod. tit. difficiles & periculosos exitus*, putà noxas siue noxias, id est, iurgia & similitates, ne quid grauius & asperius dicam.

**R**ELIQUVM est vt aperiamus cui bono introducta sint sponsalia, & quare soleant præcedere nuptias, dato videlicet & interposito aliquo temporis spatio: dies enim certus dici solet nuptiis celebrandis: Pacuuius apud Nonium cap. de doct. indag. *gnatam despondit, nuptiis hanc dicit diem.* Terentius in Andria: *Eremes venit cum dote summa filio uxorem vt daret, placuit, despondit, his nuptiis dictus est dies.* Huius moris & instituti non vna, sed plures rationes afferri possunt. *Constantinus Harmenopolus hanc suggerit libro 4. Promptuarij Iuris tit. 1. in prin.* vt possint sponsi sponsæque providere ac præmunire, præparareque id, quod postea sit futurum, & rem aliquam ad sese pertrahere & transferre. Hotomanus 3. de nupt. 5. existimat ideo inter Christianos non satis piè sine præcedentibus sponsalibus nuptias copulari, quodd tanti momenti obligatio non protinus, sed duobus demum distinctis gradibus bene obligetur, & vt medio temporis interuallo tempestiuè dispiciatur, num aliquid fortassis sit, quod consummationem matrimonij impediat, & semper ne ad concubitum effreni libidinis impetu coniuges ruant.

Alia peti potest ex his *B. Bernardi verbis, sermone de virginibus.* Porro inter diem desponsationis interponitur aliquando breue spatium, aliquando productum, & tamen definita, ac denominata est dies, quâ debent conuenire: quod quidem sapienter atque utiliter statutum est, vt interim mutus amor augetur & crescat, & impatiens desiderium cupitæ copulæ, quo amplius differtur, ignescat. Ideo etiam D. Augustinus lib. 8. Confessionum c. 3. institutum esse ait, vt pactæ promissæque non statim tradantur, ne vilem habeat maritus datam, quam non suspirauerit sponsus dilatam, vt est relatum in Can. institutum. 27. q. 2.

Addi insuper hæc ratio potest, quæ mihi præcipua videtur, vt interim vltro citroque ingenium & mores probeantur, quorum potius habenda est ratio in nuptiis, quam corporis pulchritudinis, aut dotis magnitudinis, auctore *Plutarcho in præceptis connubialibus.* D. Ambros. lib. 1. de Abraham, c. 24. *Disce quid in uxore queratur: non aurum,*

D

CAP. VLTIMUM.

*Rationes quadam recensentur, ob quas sponsalia sunt introducta, eorumque executioni. scilicet matrimonio celebrando dies certa præstituta est & definita.*

*non argentum quasuit Abraham; non possessiones, sed gratiam bona indolis. & cap. 2. Non tam pulchritudo mulieris, quàm virtus eius, & gravitas delectat virum. Qui suavitatem querit coniugij, non tam superiorem censu ambiat, quàm necessitates non terreant maritales: non monilibus ornatam, sed moribus quia, ut rectè Aufonius,*

*Sapè in coniugij fit noxia, si nimia est dos.*

Imò satius plerumque est vxorem sine dote ducere,

*Nam quæ indotata est, ea in potestate est viri,*

*Dotata mactant & malo & damno viros.*

ut est apud Plautum in Aulularia. Et prudenter lege Voconia institutiones feminarum sunt coarctatæ, & ratione Voconianâ, id est, ratione ductâ ex ipsa lege Voconia, earumdem successiones ab intestato sunt angustissimis finibus conclusæ, ne ditescerent, ac se proinde elatæ æquarent viris, & inflatæ nimîâ habentiâ, impotentis sexus fragilitate omnia fufdèque haberent.

Quoniam verò morum experimentum pender maximè ex familiari & quotidiano simul viuendi vsu & consuetudine, receptum erat iure Iudaïco, ut pactæ, promissæque sponsis traderentur custodiendæ, donec matrimonium contraheretur, quò scilicet intra has moras diligenter obseruatâ pudicitîâ, & sæpius tentatâ, nunquam victâ, aut ruptâ, fides sponfarum firmiùs ligaret & neceret fidem sponforum, ut testatur D. Bernardus in laudibus Virginis Matris. Mos Iudeorum, inquit, erat, ut à die desponsationis sue, usque ad tempus nuptiarum, sponsis sponsa traderentur custodienda, quatenus earum ipsi eo sibi pudicitiam seruari, quò sibi ipsi fideiores existerent. Quæ omnia sunt summè notanda, quia vulgò non occurrunt animaduersa.





## TRACTATVS SECVNDVS

### DE NVPTIIS, SIVE MATRIMONIIS.



UPERIORI Tractatui hunc, qui est longè altioris disquisitionis, & subtilioris indaginis, subnectere operæ pretium visum est. Et, ne committam, ut non bene prouisa & diligenter explorata principia ponantur, quod maxime cauendum docet Tullius, institui ante omnia stabile primordia, & quasi præcurrentia matrimoniorum iura, quorum vera disquisitio, & intelligentia præcipue pender ex interpretatione verborum, quibus nuptiarum definitio concepta extat apud Modestinum in l. 1. ff. de ritu nuptiarum.

*Nuptia*, inquit, *sunt coniunctio maris & feminae, & consortium omnis vite: diuini & humani iuris communicatio.* quæ verba sunt accuratè & singillatim enucleanda: plus enim difficultatis habent in recessu, quàm in fronte.

QVAMVIS nuptiarum & matrimonij vocabula interdum promiscuè vsurpentur, ut in §. 1. *Inst. de patria potestate.* l. 10. 11. 65. ff. *de ritu nuptiar.* l. 32. §. *si mulier.* ff. *de donat. inter vir. & vxor.* l. 13. *Cod. de nupt.* Et ita in d. §. *si mulier.* & l. 15. ff. *de condit. & demonstrat.* & l. 30. ff. *de regul. iur.* traditor nuptias, siue matrimonium fieri non concubitu, sed consensu, & affectione contrahentium; placet tamen sententia opinantium aliquid interesse inter hæc duo, quod & rectè obseruauit dominus Cuiacius in posterioribus notis ad d. §. 1. ex dd. ll. 10. & 11. & ex §. *si aduersus.* *Instit. de nupt.* nempe ut matrimonium sit nomen generis, quo & nuptiæ & matrimonium specialiter dictum contineantur, & consequenter ipsæ nuptiæ sine matrimonio esse

#### CAPVT I.

*An aliquod discrimen constituendum sit inter nuptias & matrimonium.*

non possint; matrimonium verò sine nuptiis esse possit, videlicet cum solo consensu contrahitur sine vlla solemnitate & pompa, vel alia quacumque nuptiarum celebritate, *l. 21. & 22. Cod. de nupt.* quæ nuptiarum festiuitas appellatur, *l. 24. cod. tit. Quintil. Declamar. 3. Vis scire quid sint nuptiæ? aspice illam virginem, quam pater tradidit euntem die celebri comitante populo.* Quam differentiam indicasse videtur *Caius tit. 4. de matrimoniū*, cum scripsit legitimas esse nuptias, si Romanus Romanam vxorem ducat, nuptiis interuenientibus, vel consensu; hæc enim est Caij mens, vt nuptias intelligat, quæ solemnî ritu celebrantur, putà illo, qui exprimitur *l. pen. §. 1. ff. de donat. inter vir. & vxor.* Consensum verò, cum nulla solemnia adhibentur, quod propriè matrimonium dici videtur; nam matrimonium magis naturale nomen est, quod à matre trahi, quæ sola naturâ est certa, innuitur *cap. 2. ex. de conuers. infidelium.* & euidenter ostendit Cornelius Fronto vetus Grammaticus. *Matrimonium*, inquit, dictum est à matris nomine spe atque omine. Gellius lib. 18. c. 6. *matrimonium dictum esse scribit à matris nomine non adepto iam, sed cum spe & omine mox adipiscendo*, vnde ipsum quoque matrimonium dicitur. Et hoc sensu in *l. 13. Cod. de nupt. in prin. tit. de patr. potest. Inst.* & alibi sæpè nuptiæ & matrimonium pro eodem sumuntur.

Matrimonium igitur propriè loquentibus est ipsa maris & feminæ coniunctio, quæ non temerè contrahitur ab hominibus, sed habitâ ratione pudoris & honestatis, *l. 14. §. 1. ff. de ritu nupt.* &, vt S. Thomas definit, *relatio duorum ad vnum maritalis coniunctio.* Nuptiæ verò sunt celebratio & festiuitas matrimonij, & ita nuptias in conditionibus accipi vult *l. 24. Cod. de nupt.* Matrimonij enim olim fuisse solemnia quædam docet Iuriscoñ. in *d. l. pen. §. 1. à quibus & nuptiarum denominatio est deducta, Can. nec illud. 30. q. 5. apud Varronem in fragment. & Isidorum lib. 9. originum, c. 8. B. Ambros. lib. 1. de Abraham, c. ult. in fine.* vnde compositus est *d. Canon. nec illud.* Nuptiæ dictæ fuerunt à nubendo, quòd pudoris gratiâ puellæ se obnuberent, & ita Rebecca iam desponsata designatum maritum aperto capi-



te non putauit videndum, & simul ac conspexit suum Isaac, pallio caput obnubuit, *Genes. c. 24. Tertullianus de velandis virginibus tradit* nouas nuptas capite velato domum vi-ri deduei solitas, sumpto scilicet flammeo, quod erat velamen capitis flammei & rutili coloris, quo pudor nouæ nuptæ tegebatur, *ut scribit Festus in verbo, flammeum. Plinius lib. 21. c. 8. Lutei coloris video, honorem antiquissimum in nuptialibus flammeis totum mulieribus concessum.* Ideo mulieres dum maritantur, velantur, vt nouerint se semper maritis suis subditas esse & humiles. *Can. femina. 30. q. 5.* His autem solemnibus sublatis cœperunt Authores nostri matrimonium nuptias appellare, & tandem sine vlllo discrimine vnum pro alio vsurparunt eodem significatu.

**C**ONNUBIUM quoque, verborum proprietate seruata, quam Iuris conditores vbique, quantum fieri potuit, affectarunt, non significat nuptias, sed facultatem vxoris iure ducendæ, *auctore Vlpiano lib. singulari regular. tit. 5. vel ut vult Seruius lib. 1. Aneid. ad hæc verba, connubio iungam stabili, propriamque dicabo*, ius legitimi matrimonij: quod ius & facultatem habent quidem ciues Romani cum ciuibus Romanis *Cod. Theod. de nupt. gentil.* at cum Latinis, vel Peregrinis non habent, nisi fuerit concessum, *ut docet Vlpianus d. tit. 5. Atque in l. 45. §. 2. & 4. ff. de ritu nupt. & l. 1. ff. de concubinis.* accipitur connubium, facultas nempe, quam liberta habet alij, quàm patrono nubendi. Peregrinis quibusdam communio Iuris Ciuilis aliquatenus permixta est, putà ius connubij, ius commercij, ius testandi, *Vlp. d. tit. 5. tit. 19. & 20.* Item etiam ius togæ, quod non facit legitimum ciuem Romanum, sed velut ciuem, *l. 32. ff. de iure fisci.* quæ iura cum Latinis quibuscumque communicata sunt, qui quamquam ciues Romani non essent, peregrini tamen dici non poterant, *Vlp. dd. tit.*

Est igitur connubium inter solos ciues Romanos, cum peregrina est simpliciter matrimonium, non connubium, *ut docet fragmentum Papiniani à domino Cuiacio adnotatum in poster. Notis ad principium tit. de nup. Inst.* matrimonium

D iij

CAPVT II.  
*Quid sit connubiū,  
an sit aliquid dif-  
finitum à nuptiis  
& matrimonio, &  
inter quos esse possit.*

iure gentium; non iure ciuili, nisi, vt iam ostensum est; concessum sit connubium: Indulgebatur autem hoc beneficium vel lege, liberâ Republicâ, vel à Principe, populi potestate ad imperium vnus reuolutâ; idque dupliciter, vel datâ ciuitate Romanâ, quam in consequentiam sequebatur connubium, nam ciuibus Romanis inter se ius est connubij, saluis scilicet legibus, quæ impar matrimonium verant: vel concedebatur sine ciuitate, Latinis nempe, aut peregrinis, vt *Vlpian. scribit d. tit. 5. & Boëtius ad Topica Ciceronis in loco à consequentibus*, idque aut populatim, id est, in populos, aut per ciuitates, vel oppida vniuersis eius ciuitatis, aut oppidi municipibus: vel viritim certo Latino, aut Peregrino, datâ ciuitate, vel sine ciuitate, connubio. Quamuis autem ciuibus Romanis competat ius connubij inter se, interdicitur tamen eis cum gentilibus, ac barbaris, id est, Romano imperio non subiectis, *l. vn. Cod. Theod. de nupt. gentilium*. Ita & temporibus Iustiniani hominum liberorum dumtaxat connubium erat, qui essent sub ditione Romanorum, neque liber homo sub ditione Romanorum constitutus barbaram, id est, eam quæ non esset sub imperio Romanorum, ducere poterat. Imò etiam aliquando inter Patres & plebem prohibita fuere coniugia, donec lata fuit à Caio Canuleio Tribunopleb. rogatio de promiscuo Patrum cum plebe connubio, vt refert *Liuius lib. 4.* sic Athenienses non nisi inter se poterant iustas nuptias contrahere, *Demost. in orat. contra Nearam*, nec Iudæi nisi inter se inire connubia, *Exodi 34. Deuter. c. 7.* poterant.

## CAPVT III.

Contubernium est seruilem personarum coniunctio, distincta à nuptiis & matrimonio, cuius capaces non sunt Iure Ciuili, aliud seruatur Iure Pontificio.

**N**ON est etiam cum seruis connubium, aut matrimonium, sed contubernium, *l. 14. §. idem tamen. ff. de ritu nuptiarum. l. 3. Cod. de incestis nup. l. 3. Cod. ad l. Iul. de adulter. Paul. lib. 2. sent. tit. 19.* Notum est illud Plauti in *Afinaria*: *Quid illud? seruiles nuptie, serui uxorem ducere possensne sibi?* neque enim seruorum coniuges uxores vocantur, sed contubernaes, *l. 39. §. codicillis, & §. concubina. 4. de leg. 3. & eorum liberi non dicuntur iusti, sed naturales, l. 8. Cod. de suis & legitimis.* Hoc seruando, vt ne cognat

tionum & affinitatum sancta nomina nefariis comixtionibus incestentur, & suus naturæ pudor castè seruetur æquè in contubernio, ac in matrimonio, *d. l. 14. quia ex iure naturæ descendit maris & feminæ coniunctio*, quod est matrimonium, §. 1. *Inst. de iure naturali.* cuius iuris serui incapaces non sunt. Est quoque Iure Ciuili illicitum coniugium inter seruum & feminam liberæ conditionis, quod vsque adèdò verum est, vt si mulier libera seruili amore bacchata contubernio alicuius serui se subdiderit, deducatur in seruitutem, *l. vn. Cod. de S C. Claud. toll. & l. 4. Cod. Theodos. ad S C. Claud.* qua de re videndus omnino *dominus Cuiacius lib. 21. obser. c. 16.* Atque inter ingenuas dumtaxat & pares conditione personas nuptias consistere posse probatur insuper Papæ Leonis primi epist. ad Rusticum Narbonensem in Respons. ad inquisit. 4. lib. 1. *Nuptiarum*, inquit, *fœdera inter ingenuos sunt legitima. & inter æquales. Multò prius hoc ipsum Domino constituyente, quàm initium Romani iuris existeret.* Iure Pontificio coniugium est receptum inter seruum & liberam mulierem, *toto tit. de coniugio seruor. ex. Can. si quis liber. & Can. si femina. 29. q. 2. atque ex Nou. 22.* si sciente aut dissimulante domino, seruus, vel ancilla liberæ personæ matrimonio se coniunxerit, iustum est matrimonium, quasi contractum inter ingenuos, nam seruus tacito iure ingenuus fit. Hòcque iure si sciens homo liber ancillam, vel libera mulier seruum sibi copulauerit, valet matrimonium, nec ob disparem statum infirmatur, *d. Can. si qua femina.* quod etiam confirmatum *Constitutione Caroli Magni lib. 5. Capitularium, c. 18. & lib. 6. c. 94.* Quæ olim dicebantur contubernia, nunc vera sunt matrimonia, *c. 1. de coniugio seruor. ex.* quamobrem *Alexius Comnenus Nou. 5.* iussit seruos, qui vxores ducerent, & sacras benedictiones participarent, iure fieri coniuges, licèt nunquam ad libertatem peruenissent. Aliæ igitur sunt leges Romanorum Imp. aliz Summorum Pontificum in contrahendis nuptiis. Illorum legibus soli inter se ciues Romani iustas nuptias contrahunt, cum exteris & peregrinis ius connubij non est, vt est iam apertè demonstratum, & probatur insuper his Senecæ

verbis lib. 4. de benefic. c. 35. *Promisi tibi filiam in matrimonium, postea peregrinus apparuisti, non est mihi cum externo connubium, eadem res me defendit, quæ vesat.* Illorum verò sanctonibus omnes, qui consentire possunt, ius inter se connubij habent, id est, facultatem iure ducendæ vxoris, nullo discrimine habito gentis, nationis, conditionis, dignitatis, quia nempe hi matrimonium ad ius gentium referunt, quo cum peregrinis rectè contrahitur matrimonium, aut saltem ad ius diuinum, quo nulla admittitur in sacramentis personarum acceptio, *Can. 1. 29. q. 2. c. 1. de coniugio seruorum ex.* hoc ergo iure, quo maximè matrimonia reguntur, neque cum seruis, neque cum alienigenis miscere coniugia prohibetur, dummodo non sint alieni à fide, *Can. cauc. 28. q. 1. l. 6. Cod. de iudeis.* propter promiscuum vsum & beneficium sacramenti, licèt alioqui rectæ & arctæ nuptiæ ingenuitatem dicantur requirere, vt est lib. 7. *Capitular. Caroli Magni, c. 80.* tum quòd omnium sit communis natura, l. 12. §. *ult. ff. de accusat.* Dici quoque potest fortasse non inconcinne iure Canonico hoc colore interdictum fuisse matrimonium inter seruiles personas, vt seruos secundum ius naturale acceperit, pro liberis scilicet hominibus, quales sunt omnes illo iure, non autem secundum ius gentium pro seruis, quia ita non potuisset consistere hæc species coniunctionis, seruitus quippe & dominatio ex iure gentium introducta est, §. *seruitus. Inst. de iure personarum. l. 64. ff. de condit. ind. b.* & eo iure seruorum conditio eadem, quæ iure Ciuili, l. 1. ff. *de his qui sui vel alieni iuris sunt.* At iure Ciuili serui pro nullis ac ferè pro mortuis habentur, l. 32. l. 209. ff. *de regul. iuris.* nec statum habent, nec genus, nec gentem, l. 1. ff. *de probat.* nec matrem, aut patrem ciuilem, l. 12. §. *pen. ff. de accusat.* nec personam ciuilem, l. 3. §. *ult. l. 4. ff. de capite minus.* *Nov. Valentiniani de competitoribus. l. 10. ff. de opt. legata.* sed ex persona domini æstimanatur, initio tit. de stipulat. seruor. Inst. sed aliud obtinet iure naturali, hoc enim iure, & personam & statum habere videntur, d. l. 32. Natura non nouit seruos, ius gentium & ius ciuile discernunt liberos à seruis, l. 4. ff. *de inst.*

& iure. l. 5. ff. de statu hom. l. pen. Cod. Theod. ad SC. Claud. l. 40. ff. de liberali causa. l. 2. C. Theodos. eo tit. Seneca epist. 31. Quid est eques Romanus, aut libertinus, aut servus? nomina ex ambitione, aut ex iniuria nata. Non sunt igitur Pontifices sequuti strictam rationem, sed coniuncto utroque iure, naturali & gentium, constituerunt matrimonium etiam inter serviles personas contrahi posse, vel, ut apertius loquar, non toto negotio inspecto secundum ius naturale, ex quo servus liber est, sed assumpto iure gentium, ex quo est maris & feminae coniunctio, quæ matrimonium appellatur in prin. tit. de iure naturali. Inst. & habitâ ratione pudoris & honestatis contrahitur, l. 14. §. 2. ff. de ritu nups.

## CAPUT IV.

Concubinatus constituit coniunctionis speciem vicinam & finitimam matrimonio.

EST & aliud genus coniunctionis à nuptiis vel matrimonio longè diuersum, qui concubinatus vocatur, de quo consulendus omninò dominus Cuiacius ad tit. de concubin. Cod. in utroque Parastilo, lib. 5. obser. c. 6. in Nou. 12. 18. & 22. Atque hæc duæ posteriores coniunctionis species non cadunt in definitionem nuptiarum siue matrimonij, quamvis concubinatus olim fuerit licita coniunctio, toto tit. ff. & Cod. de concubinis. necnon Iure Pontificio, Can. is, qui. Can. Christiano. & Can. audite. 34. dist. Sed iuxta distinctionem, quæ habetur in noua notatione ad d. Can. audite. Hodie concubinatus omnino prohibitus Concil. Trident. sess. 24. c. 8. & iam etiam olim Nou. Leonis Philosophi 91. & Aurelianus Imperator antea, auctore Vopisco, consuetudines eiusmodi cum ingenuis mulieribus habere vetuit, sed ex l. 3. ff. de concubinis. etiam ingenua maximè obscuro loco nata in concubinato esse potest. Olim iure populi Romani inter vxorem & concubinam nihil intererat, nisi honore & dignitate, l. 16. §. 1. ff. de his quibus ut indign. l. 49. §. parui. ff. de legat. 3. id est, vxorem & mulierem, quæ vxoris loco sine nuptiis in domo erat, quæ honesto nomine concubina appellabatur, l. 144. ff. de verbor. signif. Concubina iustam vxorem imitatur, & est species quædam vxoris, iure, legibus permessa, concubina nomen per leges assumpsit, d. l. 3. de concubinis. & distinguitur ab amica, cuius nomine signi-

E

ficatur illa, quæ pudicitiam substernit alteri, *d. l. 144. Et ex Nov. Justin. 89. §. at si quis. & l. ult. Cod. communia. de manumissionibus.* indiuidua vitæ societas concubinato continetur, estque magnus fauor ancillæ à domino loco concubinæ habitæ, & liberorum ex eo complexu natorum. Nuptias facit maritalis honor & affectio, *l. 32. §. si mulier. ff. de donat. inter vir. & vxor.* plenus honor, *d. l. 16. §. 1. ff. de his quæ ut indignis aufer.* quo solo secernitur concubina ab vxore, *d. l. 49. §. parui.* honor est in ipsa appellatione, *Nov. 74.* vxor, materfam. domina, nomina sunt dignitatis, concubina quasi nomen est voluptatis. Hactenus satis de variis modis & rationibus inducendæ maris & femine coniunctionis, sequitur ut reliqua verba suprâ scriptæ definitionis expendamus.

## CAPUT V.

*Quid coniunctio-  
nis nomine signifi-  
cetur, & an in pro-  
posito restringendū  
sit ad coniunctionē  
animorum, an e-  
tiam producendum  
ad corporum com-  
plexus.*

**C**ONIUNCTIO est naturale nomen, & pertinet tam ad homines, quàm ad bruta; instinctus enim sobolis procreandæ & alendæ est à natura ipsa non minùs brutis, quàm hominibus insitus: Matrimonium pertinet ad homines tantum, quia homines eam coniunctionem suscipiunt cum ratione & fide, cum pudore & honestate, *d. l. 14. §. 1. ff. de ritu nupt.* & eo voto, ut firma & stabilis sit, ut indiuidua, atque perpetua, *l. 1. ff. de iure dot. & in prin. tit. de patr. pot. Inst.* Est igitur iuris gentium, nam hoc iure modus ille additus est, quem si detrahas, remanet simplex ius naturale, quo primi homines, nondum adultâ ratione, utebantur: sed si addas nuptiarum solemnia iusta à Iure Ciuili inducta, connubium est. Et ita ius, quo in nuptiis vitur Romana ciuitas, comparatum esse apparet ex præceptis naturalibus, gentium, & ciuilibus, vel, ut explicatiùs dicam, constare iure naturali, inspectâ scilicet commixtione corporum, gentium, habitâ ratione verecundiæ, pudoris, & honestatis, Ciuili denique, quatenus ritus quidam & solemnitas adhibetur. Non morarer diutiùs in excutiendis his verbis, *coniunctio maris & femine*, quæ initium dederunt definitioni nuptiarum siue matrimonij traditæ à *Modestino in l. 1. ff. de ritu nupt.* à *Iustiniiano in prin. tit. de patr. pot. & à Summo*

*Pont. in c. 11. de præsumpt. extra.* nisi animaduverterem non conuenire inter Doctores de illorum vero sensu & intellectu.

Quidam enim putant ea eoangustanda esse ad animorum coniunctionem, non etiam porrigenda ad corporum coitionem, quorum opinio niti videtur *l. 32. §. si mulier. de donat. inter vir. & vxor. l. 15. de condit. & demonstrat. l. 31. de donat. l. 30. de regul. iur. ff. Can. cum initiatur. Can. coniuges. 27. q. 2. c. 14. 23. & 25. ex. de sponsal. & matrim. c. vlt. ex. de sponsa duorum.* Ex quibus omnibus locis inuicem collatis & comparatis confurgit hæc Iuris traditio certissima, matrimonium rectè & secundùm præcepta legum Romanarum & Canonicarum sanctionum contractum censerì, modò ex vtraque parte consensus interuenerit, quamuis congressus virilis secutus non sit, quod & bellissimè confirmari potest *l. 6. cum l. seq. ff. de ritu nupt.* vbi matrimonium, virum, & vxorem esse dicitur, licèt puella, quæ ducta est, deintegrata non fuerit à marito morte præuento, aut alio tristiore casu contingente, remque summam agere impediente, quia, vt ait *B. Bernardus sermone 66. super Cantica, maritalis copula corporum non requirit integritatem, sed sexuum aptitudinem.* Denique huius opinionis communiendæ causâ validissimum & aptissimum argumentum præbet *l. pen. Cod. de incest. nupt.* quæ nominatim ait reprobatum fuisse iudicium eorum, qui volebant matrimonij substantiam ex solo consensu & affectione maritali pendere, sed præterea exigebant concubitum. Vetus opinio Ægyptiorum, id est, Iudæorum erat, vt matrimonium non crederetur, nec nuptiæ existimarentur contractæ, nisi corporum commixtio intercessisset, tunc enim re contractas nuptias dicebant, quod merito damnat *Zeno in d. l. pen.* Nam sicut separatio corporum diuortium non facit, sed animorum: ita nec matrimonium coniunctio facit corporum, sed voluntatum, *Can. matrimonium. 27. q. 2. Nou. Iustiniani 27. & l. 30. ff. de regul. iuris.*

Alij, quorum sententia placet magis, illa verba non de sola animorum, sed & de corporum etiam coniunctione ac-

E ij

cipienda esse arbitrantur, *ut l. 1. ff. de iustitia & iure*. Nam  
 in nuptiis siue matrimoniis duplex coniunctio desideratur,  
 vna animorum, altera corporum: illa est perfectio nuptia-  
 rum, ista complementum. Coniunctio animorum, siue con-  
 sensus perficit nuptias: coniunctio corporum, siue comple-  
 xus conjugalis consummat, quæ discretio non est otiosa &  
 inefficax, idque ex eo euincitur, quòd matrimonio quidem  
 perfecto consensu præstito ex utroque latere, sed nondum  
 consummato per copulam carnalem, possit alteruter coniu-  
 gum altero etiam inuito monasticam vitam profiteri, *c. 2. de conuers. coniugat. & c. 6. de raptoribus. c. 16. de sponsal. ex.* sed is, qui remanet in sæculo, alias nuptias ambire po-  
 test, *c. 2. 7. & 14. de conuers. coniug. ex.* & in eo congruit  
 Ius Canonicum cum Iure Ciuili, & *Non. Leonis 33.* Ratio verò  
 cur etiam Iure Pontificio id permittatur remanenti in sæ-  
 culo, est quia copulâ carnali nondum secutâ, non sunt vna  
 caro simul effecti *d. c. 2.* Aliud est, si consummatum sit,  
 tunc enim si alteruter coniugum velit monasterium ingredi,  
 relictî in sæculo coniugis consensum conuersio hæc requi-  
 rit, vsque eò vt renitenti & reclamanti marito vxor etiam  
 velata restituatur, *Can. Agathosa. 27. q. 2.* Et licet olim con-  
 sensus à marito præstitus vxori præferenti matrimonio mo-  
 nachismum, afflatu & instinctu diuino eam ad id impellen-  
 te, aliter non sufficeret, quàm si & ipse conuerteretur, *Can. qui uxorem. 33. q. 5.* id est, ductus lege priuatâ, vt loquitur  
*cap. 16. ex. de sponsal. & matrim.* id est, conscientia propriâ  
 quasi diuinitus vrgente vitam solitariam & monasticam am-  
 plecteretur, pari inflammatione animi commotus: ne, cùm  
 vtriusque coniugis vnum & idem sit corpus, *d. Can. Aga-  
 thosa.* eius pars alia in monasterio, alia in sæculo ageret, *c. 13. de conuers. coniugat. ex.* Hodie tamen nihil vltra à ma-  
 rito requiritur, quàm vt voueat continentiam, quod etiam  
 viris iis remittitur, qui ætate iam sunt grandiores eo vitæ  
 proposito & integritate, quæ libidinis suspicione careat, *c. 11. & 13. cod. tit.* vel talis sit persona, cui incontinentiæ no-  
 ta, vel suspicio inuri non potest, veluti si grauetur infirmi-  
 tate, defectu, vel senectute *d. c. 13. & c. 8. cod. tit.*



Quod autem diximus astipulandum potius esse iis, qui existimant prædicta verba esse referenda non ad solam animorum, sed & ad corporum coniunctionem esse producenda, ita exaudiendum non est, ut non aliter matrimonium consistere possit, quàm si corpora inuicem commisceantur: sufficit enim eos, qui nuptias contrahunt, huius coitionis capaces esse, ut à contrario sensu probatur, *l. 39. §. ult. ff. de iure dot. Nou. Leonis 97. l. pen. ff. quando dies legat. vel fideicom. cedat.* & confirmatur loco D. Bernardi proximè citato. Matrimonium quidem eo animo contrahitur, ut corpora coniungantur, & ex illa coniunctione iusti & legitimi liberi procreentur, quibus ciuitates repleantur, *l. 1. ff. soluto matrimonio. Can. quidquid. 32. q. 2. D. Ambros. lib. 1. Comment. in Euangelium Luca c. 1 in fine. Pudor est feminis nuptiarum præmia non habere, quibus hæc sola est causa nubendi.* Manet tamen vinculum nuptiarum, etsi proles, cuius causâ initum est, manifestâ sterilitate non subsequatur, *Can. tantum. 32. q. 7.* cui præcipuè fini, hoc est, in conseruationem humani generis Deus, qui matrimonij dicitur institutor & auctor, *c. ult. ex. de frigidis.* matrimonium in Paradiso instituit, ideòque his verbis benedixit, *crescite & multiplicamini*, ad quem finem referri debet maritalis coniunctio, ex præcepto Domini in *cap. 1. Genes.* quo præcepto videtur imbutus Callistratus dum in *l. 220. ff. de verbor. signif.* scribit parentes pios liberorum procreandum animo & voto uxorem ducere; & D. Augustinus in *d. Can. tantum.* sociale vinculum coniugum causâ procreandi colligari; & D. Ambros. partum esse præmium coniugij, & gratiam nuptiarum, feminisque hanc solam causam esse nubendi, *Can. 1. 32. q. 2.* quas etiam, si Iustiniano credimus, ad hoc natura progeniuit, ut partus edant, vnde & maximam eis cupiditatem in eo constitutam esse ait *l. 2. Cod. de inditâ viduit. toll.* ideòque nubunt ut matres fiant, *Authore Gellio lib. 18. c. 6. & c. 1. de frigidis & maleficiat. ex. vbi coniux ad Episcopum proclamat, Volo esse mater, volo filios procreare, & ideo maritum accipi.* Atque hinc ortus ille mos, quo antiquitus hoc nominatum in tabulis nuptialibus inferi solebat, liberorum

procreandorum causâ vxorem duci, *d. l. 2. quod & aliis ple-*  
*risque testimoniis confirmat dominus Cuiacius ad c. ult. ex.*  
*de conditionibus apposis in desponsat. ad Nou. 22. & ad l. 104.*  
*ff. de verbor. signif.*

## CAPVT VI.

*Matrimonij insti-*  
*tuendi & compa-*  
*randi primaria &*  
*praecipua causa fuit*  
*procreatio liberorū,*  
*secunda subleuan-*  
*da infirmitas fue-*  
*runt & alia iure*  
*politico recepta.*

**H**ANC igitur coniunctionem maris & feminae, quod  
 matrimonium appellatur, æstimare oportet non ex lu-  
 xuria, à qua omnino abhorret illa necessitudo & coniunctio,  
 quam sanctitatem appellat *l. ult. Cod. Theod. de legit. he-*  
*red.* sed ex affectu honesto, non ex deliciis, sed ex iustis af-  
 fectionibus, *Can. nuptiarum. 27. q. 1.* & ita Iustinus Martyr  
 ad Antoninum Pium ait Christianos procreandorum tantum  
 liberorum causâ vxores ducere: cum cæteri voluptatis causâ  
 sibi adsciscant. Et quoniam matrimonium sui naturâ non fit  
 rectè, aut iure, nisi liberorum procreandorum causâ, & con-  
 tractum dirimitur deficiente spe futuræ sobolis, *l. pen. Cod.*  
*de repudiis. l. 60. §. ult. cum duabus legibus seqq. ff. de do-*  
*nat. inter vir. & vxor. & toto tit. de frigidis & maleficiat.*  
*ex.* hinc fit vt si in eo constituendo inserta & appositâ fue-  
 rit hæc conditio, *accipio te in vxorem, si nullos mihi liberos*  
*procreaueris.* vel, *si id egeris, ne ullos mihi liberos procrees,*  
 vitietur matrimonium, *c. ult. ex. de condit. apposit. in de-*  
*sponsat.* Idem dicendum est de adiunctione istius conditionis,  
*si debitum coniugale negaueris,* quia hæc conditiones sunt con-  
 tra substantiam coniugij. Nam, quod summè notandum,  
 post primi parentis peccatum, matrimonium, quod libero-  
 rum procreandorum causâ fuerat institutum, cæpit esse in-  
 firmitatis remedium, *d. Can. nuptiarum.* vt infirmitas pro-  
 na in ruinam turpitudinis honestate coniugij exciperetur: vn-  
 de etiam effectum est, vt coniugati sibi debeant non solum  
 ipsius sexus sui commiscendi fidem liberorum procreando-  
 rum causâ, verum etiam infirmitatis inuicem excipiendæ ad  
 illicitos concubitus euitandos mutuam quodammodo serui-  
 tutem, *d. Can. quidquid. 32. q. 2.* atque primam humanæ con-  
 iunctionis societatem, nuptiis conciliatam fuisse liquet *ex d.*  
*Can. quidquid.* coniugiumque sic esse comparatum naturâ, au-  
 ctore Xenophonte scribit M. Tullius apud Columellam, vt

non solum iucundissima, verum etiam vtilissima vitæ societas iniretur, & ne genus hominum temporum longinquitate excideret. Idemque ingenitum est à natura animantibus, nam ne eorum genus periret, stimulum coniunctionis procreandi causâ illis indidit, ut per generationem se perennia, & quasi perpetua redderent, ut ait Theophilus, & Callistratus in l. 220. in fine. ff. de verbor. signif. tradit idcirco homines filios, filiasve concipere & edere, ut ex prole eorum, earumve diuturnitatis memoriam in ævum relinquant. M. Tullius 2. de natura Deorum, naturam vtrumque sexum perpetuitatis causâ machinatum fuisse scribit. Lactantius de falsa relig. In hominibus cæterisque animantibus diversitatem sexus, & coitionem, & generationem nullam aliam rationem habere censuit, nisi ut omnia genera viventium, quando sunt mortalitatis conditione moritura, mutuâ possint successione servari. Itaque oportet aliam ex alia generando sufficere prolem. Hæc quoque fuit causa huius societatis coeundæ inter homines, ut ex ea illis adiutoria senectutis, atque propugnacula quærentur. Vnde Quintilian. declam. 368. *Matrimonia, inquit, sunt ab ipsa rerum natura inuenta, sic mares feminis iunguntur, ut imbecillior sexus presidium ex mutua societate sumat.* Sed & Aristoteles ait appetitum maris & feminæ non solum prolis procreandæ causâ ingeneratum esse, sed etiam ut parentes effectos ætate liberi alerent, ut est in l. 5. ff. de liberis agnoscendis, vel alendis parentibus. Liberi enim non solum reuerentiam, sed & subsidium vitæ eis exhibere debent, l. 5. c. de patria potest. Aristoteles lib. 9. Ethic. c. 2. Cassiodor. lib. 2. Variar. epist. 14. Plin. lib. 10. naturalis histor. cap. 23. Ex his apparet non vnam sed plures fuisse causas huius societatis constituendæ, quarum primaria & præcipua affertur in d. l. 220.

**M**ATRIMONIUM non tantum inducit & creat coitionem, & coniunctionem maris & feminæ, sed præterea inducit inter coniuges societatem omnis vitæ & fortunæ siue prosperæ, siue aduersæ, l. 1. ff. de ritu nupt. ut apertè demon-

## CAPUT VII.

*Matrimonium est consortium & societas omnis fortunæ tam prosperæ, quàm aduersæ.*

strant hæc Taciti verba : *Malè eripiuntur maritis consortiâ rerum secundarum, aduersarumque.* Sed & Tertullian. in Apologetico, cum adfert causam, cur Christiani communes inter se fratres se appellant, de hoc consortio ita scribit : *Communia omnia indiscreta sunt apud nos præter uxores. In illo consortium soluimus, in quo solo ceteri homines consortium exercent, qui non amicorum solummodo matrimonia usurpant, sed & sua amicis patientissimè subministrant.* Et rectè accommodatur huic loco, quod circumfertur de Theogena, quæ uxor fuit Agathoclis Regis Siciliæ; hæc enim dicere solebat se iniisse societatem nubendo non prosperæ tantum, sed & aduersæ fortunæ, ut refert *Iustinus ex Trogo lib. 23. historia.* Debet enim sequi virum suum uxor in vita & in morte, ut est in *Can. vnaqueque. 13. q. 2.* Atque hoc uxorum officium & munus esse contestatæ sunt nobiles illæ matronæ, quarum meminit *B. Hieronym. lib. 3. Comment. in Epistol. ad Ephesios c. 5.* Et eleganter Iurisconsultus in *l. 22. §. si maritus, ff. soluto matrim.* Quid tam humanum est, quàm fortuitis casibus mulieris maritum, vel uxorem viri participem esse. Videndus *Valerius Maximus lib. 4. c. 6. de amo. coniug.* Sic quoque interpretari licet *ex prin. tit. de patr. pot. Instit. & ex c. 11. de præsumpt. ex.* consortium omnis vitæ, id est, indiuiduam vitæ consuetudinem, quod vitæ societatem appellat Iuriscon. in *l. 52. de re iudic. & l. 1. de act. rer. amot. ff. quo sensu, ut est relatum ex D. Augustino in d. Can. quidquid. 32. q. 2.* matrimonium dicitur esse prima humani generis in ista mortalitate societas. Dicitur autem matrimonium consortium, siue societas omnis vitæ, non quòd non possit aliquo casu dissolui, sed quia eâ mente, eo proposito, & voto contrahitur, ut perpetuò duret indiuidua & indiuisa, quæ est *sententia Glossæ in verbo, indiuiduam. 27. q. 2. in prin. & ad tit. de patr. pot. Instit.* Atque ex eo, quòd matrimonium sui naturâ indiuiduum sit, & perpetuum, rectè colligit Summus Pontifex in *d. c. 11. de præsumpt. mulierem, quæ temerè à viro discessit, ad illum redire compellendam esse.*

Ex

## CAPVT VIII.

**E**T eadem ratione motus Pontifex decernit *in cap. ult. de condit. apposit. in desponsat. ex.* nullarum vitium esse matrimonium, cui hæc conditio est apposita, *Contraho tecum donec aliam inuenero digniorem honoribus & facultatibus meis, ut Can. solet. in fine. 32. q. 2.* quia huiusmodi conditio contraria est naturæ & substantiæ istius mutuæ conien-tionis, in qua vir & mulier sibi inuicem indiuiduam vitæ societatem promittunt. Hæc conditio sine dubio resolutiua est; qui enim sub ea matrimonium contrahit, interim qui-dem vult contrahere matrimonium, sed illud resoluti desi-derat existente eâ conditione, cuius adiectio impugnat na-turam & substantiam matrimonij, & non tam ipsa frangi-tur, quàm contractus matrimonialis; idémque dicendum est de conditione suspensiua contra naturam & substantiam ma-trimoniis insertam, vt rectè Panormitanus & cæteri Inter-pretēs obseruant *ex cap. ult. de conditionibus apposis. ex.* Quid iuris erit, si conditio turpis vel impossibilis fuerit ad-iecta? Et Gregor. IX. *in d. c. ult.* statuit tam turpem, quàm impossibilem conditionem in matrimonio appositam, mo-dò non sit contra substantiam coniugij, pro non adiecta ha-beri, eaque suppressâ contractum matrimonialem purum & liberum ab omni conditione remanere. Sciendum autem est duplicem esse impossibilitatem, aliam naturæ, aliam iu-ris. Impossibile naturâ est, quod natura fieri non patitur, veluti digito cælum tangere. Impossibile iure est, quod ius fieri prohibet; sed & illud, quod contra bonos mores est, impossibile iure dici potest: rectè enim Papinianus *in l. 15. ff. de conditionibus institutionum.* *Quæ facta ledunt pietatem, existimationem, verecundiam nostram, & vt generaliter dixe-rim, contra bonos mores sunt. nec facere nos posse credendum est.* Vox est Christiano digna, sicut & illa, quæ fuit emissâ ab Vlpiano *in l. 4. ff. de alienat. indic. mut. cau. facta.* *Verecundia & cogitatio eius, qui lites exsecratur, non est vitu-peranda, imò laudanda.*

*Conditiones in ma-trimonialem contra-ctum appositæ, qua-rum adiectio impu-gnat substantiâ matrimonij, vi-tiant contractum, cætera circumscri-buntur licet turpes & impossibiles, con-sistente & effectum suum habente con-tractu.*

## CAPVT IX.

Rerum omnium  
constante matrimo-  
nio promiscuus est  
usus inter virum  
& uxorem, eorum-  
dem tamen rerum  
non inducitur com-  
munio Iure Civili.

**P**OSTREMA hæc verba definitionis nuptiarum traditæ à Modestino in l. 1. ff. de ritu nuptiar. (*diuini & humani iuris communicatio*) iuncta præcedentibus indicant varios esse gradus societatis in matrimonio, quod & euidenter declarat M. Tull. lib. 1. *Officiorum*. *Prima societas*, inquit, *in ipso coniugio est: proxima in liberis: deinde una domus, communia omnia*. Fiunt enim coniuges consortes & socij rei humanæ atque diuinæ, l. 4. *Cod. de crimine expilata hereditat.* quod ab ipso Romulo introductum fuisse innuere videtur Festus, qui in Romuli tabulis hæc verba scripta fuisse ait: *Mulier legitimè coniuncta fortuna & sacrorum socia esto, & ut dominus vir appellatur, ita etiam mulier domina vocetur*. quod & in XII. tabulis fuisse videtur, vt Balduinus expressit. *Mulier viro legitimè iuncta, fortunarum & sacrorum socia illi esto: utque dominus ille domus, ita hæc domina*. Et hoc fusè tradit D. Chrysostom. 1. *Corinth. hom. 20.* de ista societate, & vxoris quoque dominio, eoque alluisse videtur Catullus, cum ait, *ad domum dominam voca Coniugis cupidam noui*. & Iurifcon. in l. 41. ff. de legat. 3. *peto à te domina vxor*. Virum autem dominum dictum esse docet Virgil. lib. 4. *Aneid.* *Ac dominum Æneam in regna recepit*. Ouid. lib. 1. *Fastor.* Lucretiam ita loquentem inducit, *mittenda est domino nunc nunc, properate puellæ*. Et Paul. in l. 1. ff. de act. rerum amot. ait ideo cum ea, quæ vxor fuit, agendum non esse furti, sed rerum amotarum iudicio, quia societas vitæ quodammodo dominam eam faceret rerum maritalium, quas amouit. Hoc verò consortium & comunionem omnium bonorum inter coniuges eleganter depinxit B. Bernardus super Cantica sermone 7. vt suprà adnotaui in tractatu de sponsalibus, & Columella lib. 12. his verbis: *Nihil conspiciebatur in domo diuiduum, nihil, quod aut maritus, aut femina proprium esse diceret, sed in commune consecrabatur ab utroque*. Lactantius lib. 2. c. 21. *Qui seruari potest charitas, nisi deuota mens, & seruata inuicem fides indiuiduam fecerit charitatem*. Imò ipsa amicitia coniugalit non est aliud, nisi omnium diuinarum humanarumque rerum cum beneuolen-

tia & charitate consensio. Nulla igitur res est siue diuini, siue humani iuris, quam alter alteri non communicet, & cuius inter eos promiscuus vsus non sit, quod tamen accipere non oportet de vera & legitima bonorum communione, qualis describitur *sic. de societate. Inst. & consimili tit. ff. & Cod.* quamuis id veteribus Romanorum legibus constitutum fuisse *Dionys. Halicarn. scribat lib. 2. Annal.* vbi nominatim ait mulierem, quæ in manum viri conueniebat, lege Regiâ fieri participem possessionum & bonorum mariti.

Iure verò Ciuili ne in rebus quidem dotalibus hanc communionem receptam fuisse patet *ex l. 7. §. si fundum. l. 24. §. si maritus. l. 7. §. si res. & l. 75. de iure dotium. l. 21. §. idem respondit. ad municipalem. ff. & multò minus in cæteris bonis, quæ sunt extra dotem, & à Græcis ~~ἐξέπρω~~ vocantur, *l. hac lege. de pact. conuent. tam super dote. & l. cum maritum. de solut. Cod.* hoc tantum admissum est commisceri viri & vxoris familiam, *l. pen. §. ult. ff. quod falso tutore auctore. & vnam domum fieri, l. 1. §. si vir. ff. de SC. Sillaniano. vxorem rei diuinæ & humanæ sociam domum mariti suscipi, d. l. 4. de crimine expilate hereditat. l. 9. ff. ad leg. Iul. peculatus. in quam est ducenda, l. 5. ff. de ritu nups. & in familiam, d. l. pen. §. ult. necnon sacrorum participem fieri, auctore Dionys. Halicarn. loco citato. atque eodem foro & domicilio, iisdemque honoribus vti & priuilegiis, l. ult. de incolis. l. mulieres. de dignitat. l. 10. de nups. Cod. l. 65. ff. de iudic. quamuis maneat in potestate patris, l. 20. ff. ad l. Iul. de adulter. & l. 12. de collationib. vbi rescriptum est filias à patribus in matrimonium collocatas retineri in sacris ipsorum patrum. Hæcque omnia retinet vidua, donec transierit ad alias nuptias, *l. filij. §. 1. ff. ad municipalem. & iisdem legibus alligatur, quibus maritus obligatur, l. ult. ff. eod. tit.***

**F**ERENDVS non est error Accursij existimantis hanc communicationem diuini iuris, quam Modestinus viro & vxori attribuit, accipiendam esse de religione, vt Iudæa Iudæo nubat, Christiana Christiano: Neque enim Mode-

CAPVT X.  
Matrimonium cō-  
trahi non potest se-  
cundum præcepta  
Iuris Pontificij in-  
ter personas diuersæ  
religionis.

stinum, qui Ethnicus erat, hac de re cogitasse verosimile est. Iure Pontificio oportet mulierem Christianam tantum in Domino nubere, hoc est sine suspitione turpitudinis nubere, & religionis suæ viro nubere, quod est in Domino nubere, ut docet *B. Ambros. Comment. in Epist. 1. ad Corinth. c. 8.* id est, in nomine Domini, quod est indubitatè Christiano, non pagano nubere, quā etiam conditione adiectā Apostolus viduæ permittit, ut nubat cui voluerit, Christiano scilicet, non pagano, *c. pen. & ult. ex. de secundis nupt. D. August. epist. 234. Tradi à nobis, inquit, Christiana nisi Christiano non potest.* Et in *Can. 9. 28. q. 1.* hoc dicitur Domini præceptum tam in veteri, quàm in nouo testamento, ut non nisi vnius religionis & fidei coniugia fiant. *D. Hieronym. 1. contra Iovinianum. Qui secundas cum ethnico nuptias prohibet, usque & primas prohibet.* Denique vetita sunt coniugia inter alienigenas & diuersæ religionis homines, *Can. 9. dist. 1. Can. 15. dist. 32. Can. ult. 28. q. 1. & l. 6. Cod. de Iudeis.* Imò nominatim Concilio Agathensi definitum est miscenda non esse connubia cum hæreticis, *Can. 16. 28. q. 1. Concilio Eliberitano c. 16. Synodo Laodicensi c. 31. Synodo in Trullo c. 72. & Synodo Chalced. c. 14. & multò magis prohibentur coniugia inter Christianos & Iudeos, Concilio Aurelianensi II. c. 10. & Aruernensi c. 16. iuxta constitutionem Imp. Valent. Theodosij & Arcadij, quæ extat in l. 5. Cod. de Iudeis.* Christiano cum pagana vel Iudæa connubium non est. *Nec, ut D. August. ait in lib. de fide & operibus, Christiani hominis est ab infideli coniugia petere.* Ratio hæc est, quia nullus est eorum affectus fidus, quorum diuersa est fides. *Hier. Matth. 10.* nec anima vna potest esse dissidentium, nec vna caro, si anima non sit vna, quæ est lex instituti matrimonij, *erunt duo in carne vna.* Si tamen inter infideles coniugium contractum sit, ab eo abire fidelis non poterit, id est, propter conuersionem vnius ex maritis matrimonium non disiungitur, *Tertull. lib. 2. ad Vxor. D. Chrysost. 1. Corinth. hom. 20.* licet eo gradu sint cognati, quo Christiani inter se matrimonio iungi non possunt, *capite 4. de consang. & affin. & c. 8. de diuersi.*



ex. quia quod ab initio ritè contractum est matrimonium, ex pòst facto dissolui non potest, vt crudelitissimè docuit *dominus Cuiacius lib. 25. obser. c. 3.*

**E**T, ne quid in proposito non satis discussum superesse videatur, prætermittere non debeo, quod & pericissimè obseruatum est à domino Cuiacio, morem hodiernum, vt coniuges sint socij in bonis quæsitis constante matrimonio, iamdiu in hoc regno inualuisse, *ex cap. 2. de donat. inter vir. & uxor. ex. vbi Urbanus III. mulieri concedit dimidium bonorum, quæ manente matrimonio in commune quocumque titulo adquisita sunt; hæc ergo bonorum communio est primitus inducta Iuris Canonici constitutione, & frustra sunt qui eam referunt ad Ius Ciuile, cum eo mulier constante matrimonio nihil acquirat ad vitandam turpis quæstus suspicionem, l. 51. ff. eod. tit. Nen est ergo Iuris Ciuilis, sed consuetudinis, quæ in Neustria primùm obtinuit; est enim d. c. 2. scriptum ad Decanum & Capitulum Lexouienſe, vulgò *Lisieux*, quod est in Normandia. Moribus & institutis quarundam gentium, bonorum, quæ durante & consistente matrimonio quæſita sunt, mulier nunc dimidium, vt d. c. 2. nunc tertiam partem capiebat, quæ tertia collaborationis vocatur, de qua tit. 9. lib. 4. Capitularium Caroli Magni, tit. 39. Legis Ripuaria, & lib. 4. Legis Francica, tit. 99.*

**R**ECOLERE, iterumque tractare oportet, an aliquid amplius in nuptiis desideretur, quam consensus: atque inprimis videndum, an verum sit Iure Ciuili nihil aliud desiderari; nam in omnibus ferè locis, in quibus de nuptiis contrahendis agitur, mulierem, quæ nubet, in domum mariti vel sponsi ducendam esse ostenditur, *l. 5. de ritu nupt. l. pen. §. virgin. de donat. inter vir. & uxor. ff. & ideo scribit Paulus in d. l. 5. & lib. 2. sent. tit. 19. mulierem absentem non posse nubere, virum autem absentem ducere uxorem posse, cum ea à parentibus deducitur in domum viri, quæ est domicilium mariti. Eodem pertinet l. pen. in fine.*

F iij

## CAPVT XI.

*Bonorum communiois quæſitorum durante matrimonio à coniugibus origo repetenda est non à Iure Ciuili, sed à Iure Canonico, quæ possim comprobata fuis moribus, & institutis patriæ consuetudinis huius Regni.*

## CAPVT XII.

*An solus utriusque partis consensus sufficiat ad constituendum matrimonium, an verò aliquid aliud præter consensum desideretur, putà deductio in domum, vt perfectum esse dicatur,*

quod falso tutore auctore gestum esse dic. & l. 13. §. si minor. ad leg. Iul. de adulter. ff. Denique idipsum probatur, l. 15. ff. de condit. & demonstrat. Nam Ulpianus ibi existimat consensum facere nuptias, si sponsa in domum sponsi deducta fuerit, & ita interpretanda videtur l. 30. ff. de regul. iur. quæ sumpta est ex d. l. 15. etsi diuersa sit inscriptio: probatur etiam auctoritate Dini Chrysostomi in Can. priusquam. 27. q. 2. Nam sponsi olim sæpè domi sponfas habebant, priusquam aquâ & igni acciperentur, d. l. pen. §. virgini. Solemne fuit, morisque antiqui sponfam in domum viri deductam aquâ aspergi, eamque ignem attingere, vt in rerum omnium comunione cum viro venire putaretur, auctore Lactantio lib. 4. Plutarcho in Questionibus Romanis, & Sernio in 4. Aneid. de quo ritu vxoris aquâ & igni accipienda videndus omnino dominus Cuiacius lib. 11. obser. c. 2. Antonius Hotomannus in obseruatione erudita, quam fecit de veteri ritu nuptiarum c. 18. Itaque vt significaretur communio rerum diuinarum & humanarum inter coniuges, adhibebatur aqua & ignis. Nam Dionysius Halicarnassicus lib. 2. testatur ea olim in nuptiis mysteria interuenire solita auctore Romulo, vt coiretur soeietas in his rebus, quæ maximè sunt hominibus necessariae. His consequens esse videtur solum consensum in nuptiis non sufficere, quandoquidem tum demum vxor ducta dicitur, cum in domum mariti ducta est, quasi in domicilium & larem matrimonij, d. l. 5. & l. 1. §. domum. ff. de liberis agnoscend. ac proinde vxor ducta domicilium suum mutat, & sortitur domicilium & forum mariti, l. pen. ff. de iurisdict. & l. 65. ff. de indic. hinc etiam donatio tunc demum prohibetur inter coniuges, cum vxor ducta est, l. 32. §. si mulier. ff. de donat. inter vir. & vxor. hinc denique legatum mulieri relictum, si nupserit, debetur statim atque ducta est in domum, etsi in cubiculum deducta non sit, quia scilicet deductio in domum nuptias facit, non concubitus, d. l. 15. de condit. & demonstrat. Opus igitur erat deductione nouæ nuptæ in domum mariti, quasi in domicilium matrimonij d. l. 5. quæ deductio fiebat Romæ à pueris patrinis matrinis, teste Festo, vnde & Dea domi-

duca apud D. August. lib. 6. de Civitate Dei, cap. 9. his verbis. Cum mas & femina coniunguntur, adhibetur Deus ingariius: si domum deducenda est, quæ nubit, adhibetur Deus domiducus: ut in domo sit, Deus domitius: ut maneat cum viro, Dea mantuana. Quando autem domum deducta erat, tunc dicebatur innubere, auctore Nonio, his verbis: Innubere dicitur nupta, quæ in domum viri transsit, nefas autem fuisse olim vxores ducere priusquam coniuges sacris operati essent, docet Seruius ad hæc verba 3. Æneid. coniugis sacrisque novis operata inuentus.

At verius certiusque est nuptias solo consensu fieri, & valere sine vlla deductione, si modò constet aliunde matrimonium contractum, quod consensu intelligitur, ut nominatim proditum est in d. l. pen. in prin. de donat. inter vir. & vxor. quod non parui refert scire propter eas donationes, ut apparet ex d. l. pen. sed si non constet esse contractum, non intelligitur consensus nuptiarum intercessisse, nisi post ipsam deductionem in domum mariti, d. l. pen. §. 1. eoque modo distinguendum esse docet Glossa in d. §. 1. ex l. 6. Cod. de donat. ante nupt. cum quæritur utrum matrimonium contractum sit, ut deductione in domum viri opus non sit, si probetur consensum contrahentium interuenisse, sin autem non liqueat, tunc necessaria sit deductio, ut nuptiæ constent, & vxor fiat; hocque sufflamine adhibito temperandum esse puto quod est in d. l. 32. §. si mulier. & d. l. 15. quâ tamen in re variavit præstantissimus Cuiacius: Nam in expositione l. 30. ff. de regul. iur. scribit matrimonium non antè contractum dici posse, quàm sponsa fuerit deducta in domum sponsi: In Commentario verò tit. de sponsal. Cod. expressis verbis tradit matrimonium nudo consensu perfici, neque scripturæ proprietatem desiderare, neque dorem, neque coitum, neque pompam, neque vxoris deductionem in domum viri, quæ per consequentiam matrimonij propria, & reliqua, non principalia, quæ rem, negotiumque faciunt, appellat eadem formâ, quâ quædam per consequentias emptionis propria vocat Iurifcon. in l. 5. ff. de act. empti. quæ dicuntur etiam cætera venditionis in

*l. si duo. §. si quis iurauerit. ff. de iureiur. in l. magis. §. eadem ratione. ff. de rebus eorum qui sub tutela.* quæ non sunt ex substantialibus contractus; emptio enim sine his potest consistere, sicut matrimonium sine instrumentis dotalibus, siue tabulis nuptialibus, vel sine solemnitate & pompa, vel alia quacumque nuptiarum celebritate, *l. 13. 21. & 22. Cod. de nups.* quæ nuptiarum festiuitas appellatur, *l. 24. cod. tit.* vel sine ritu aliquo, putà illo, qui exprimitur *in d. l. pen. §. 1. de donat. inter vir. & vxor.* vt scilicet aquâ & igni acciperetur vxor, quæ tamen videntur olim fuisse necessaria, sed Constitutionibus Principum tandem relaxata; suntque in hoc articulo, vt & in aliis plerisque, Ius Civile & Pontificium in vnâ consonantiam iuncta, vt de Iure Civili & Prætorio eleganter loquitur Iustinianus *in §. sed cum paulatim. Instit. de testament. ordinandis.* utroque siquidem iure ex solo, eoque soluto & libero consensu & matrimonium & spes matrimonij consistunt, nec refert vcece & fabellâ, an nuda vel alio signo fuerit declaratus, vt fusiùs docuimus suprà in Tractatu de sponsalibus.

## CAPVT XIII.

*Matrimonium ipso iure nullum est, omissis denunciacionibus, quæ banna vocantur, & aliis solemnibus Iure Canonico præscriptis.*

**A**T ne quid clam & furtim, vnde furtiuæ nuptiæ *l. 7. Cod. de repudiis.* contra decreta Patrum admittatur, antè non intelligitur esse matrimonium, quàm inuocatum sit nomen Dei, sacra benedictio secuta, & præmissa, vt vocant, bannorum præmonitio à ministro Ecclesiæ ad plebem certiorandam de futuro matrimonio, *Can. 1. 30. q. 5. c. 3. de clandestina desponsat. ex.* quo modo adhibito Ecclesiam ad sensu & auctoritate suâ matrimonium conciliare ait *Tertullianus in fine lib. 2. ad vxor.* quod etiam Constitutionibus quibusdam Imp. Leonis cognomine Philosophi, & Alexij Comneni, qui post Iustinianum Romano præfuerunt imperio, cautum fuisse auctor est *Constantinus Harmenopolus Promptuarij Iuris Civilis lib. 4. tit. 4. in fine.* Sed & in Concilio Tridentino *tit. de reformat. matrimony.* præcipitur iis, qui iustas nuptias contrahere volunt, adhibere Curionem, siue Parochum, qui hisce verbis vtatur, *Vos in matrimonium coniungo in nomine Patris, & Filij, & Spiritus sancti.*

Quo.

Quo genere valde cohibentur clandestina connubia. Debent igitur fieri denunciationes futuri matrimonij publicè in Ecclesiis per presbyteros, *c. ult. qui matrim. accusare possunt. c. ult. de clandest. desponsat. & c. ult. de cognat. spiritali. ex. plebem*, inquam, à ministro Ecclesiæ cuiusque certiorari oportet de futuro matrimonio trinis denunciationibus siue edictis solemnibus, id est, publicè propositis, ne quid fiat furtim & clam contra Concilium Lateranense habitum sub Innocentio III. quo id constitutum fuit, *d. c. ult. de clandest. desponsat.* ut cuilibet contradicendi & obiiciendi cognationem, vel quam aliam causam legitimam, quæ nuptias impediatur, intra diem certum præstitutum à plebano, sit copia & facultas, scilicet post illa edicta siue banna palam in Ecclesia populo exposita. Atque hunc morem plebis commonefaciendæ à Curione, qui præest Ecclesiæ, de nuptiis inter aliquos contrahendis olim in quibusdam locis inualuisse docet Summus Pont. *in d. c. ult. de clandest. desponsat.* veluti in Ecclesia Gallicana, *c. 27. ex. de sponsal. & matrim.* & Ecclesia Papiensi *c. 8. de testibus in prima collect.* & *c. ult. qui matrim. accusare poss. in eadem collect.* qui mos deinde constitutione *d. c. ult. de clandest. desponsat.* siue decreto Synodi Lateranensis productus fuit in vniuersum orbem Christianum, ita ut nullibi hodie nuptiæ consistere possint, nisi banna præmissa fuerint, & contractæ pro furtiuis & clandestinis habeantur, ac consequenter ipso iure nullæ sint utpote factæ contra verba & tenorem Concilij Lateranensis, *d. c. ult. de clandest. desponsat.* & generaliter quod actum est lege prohibente, nullum est, *l. 5. C. de legibus.*

**I**DEM quoque vitium incurrit matrimonium, si præproperè, nondumque ætate transactâ, quæ legibus præstituta & definita est, contrahatur, *l. 14. ff. de sponsal.* ætatis enim non minùs, quàm voluntatis, defectus irritum facit matrimonium. Illam pro diuersitate sexus modò citerioris & breuioris, modò longioris temporis metâ leges concluderunt, quod tempus ætatis discretionis appellat Celestinus III. *in c. 14. de regularib. ex.* nimirum in femina duodecim, in mare qua-

CAPVT XIV.  
Matrimonium ante legitimam ætatem contractum ipso iure nullum est, in qua definienda Ius Canonicum est subsequendum Ius Civile. Alij aliter eam definiunt.

tuordecim annorum exactorum, ita ut illa attigerit decimum tertium, hic decimum quintum, sicque interpretari nos oportet quod Iustinianus ait *tit. de nupt. Inst.* iustas nuptias inter se ciues Romanos contrahere, masculos quidem puberes, feminas autem viripotentes, *Nou. Iustin.* 109. & *Nou. Leonis* 74. Neque enim iustæ nuptiæ esse possunt inter impuberes, id est, minores 14. aut 12. an. *l. 65. de donat. inter vir. & vxor. l. 11. quod falso tutore. l. 68. de iure dot. ff. nisi pubertati proximi sint, c. 9. & ult. de desponsat. impuber. ex.* Eandem ætatis differentiam seruari in testamentis faciendis docet *l. 5. ff. qui testament. fac. poss.* cum hoc tamen discrimine, ut pubes intelligatur, qui attigit supremum diem anni 14. vel 12. ita ut annus nondum finitus pro completo habeatur, *d. l. 5.* Pubertati verò vicini dicuntur, femina quidem cum agit, vel expleuit annum vndecimum, *c. 6. cod. tit. c. 21. de sponsal. ex.* mas autem qui gerit annum decimumtertium, & multò magis cum supersunt ad pubertatem sex menses tantum, *ut l. 17. in prin. ff. de excusat.* Est præterea alius casus, quo matrimonium contractum inter impuberes habetur pro iusto & legitimo, videlicet, si, ut loquitur *l. 3. Cod. si minor maiorem se dixerit.* malicia suppleat ætatem, siue prudentia, *c. ult. de desponsat. impuber. ex.* vel pubertate anteuertente annos pubertatis, sexuum commixtio ante annos pubertatis intercesserit, quia congressus nuptias corroborat, atque consummat, *c. 8. cod. tit.*

Iure igitur nuptiæ consistere nequeunt inter eos, qui non excesserunt pubertatem, quæ legitima ætas appellatur, *c. 6. 7. 8. & 10. cod. tit. & l. 2. Cod. si mater indemnitate promissit.* iusta ætas in *l. 8. ff. de condict. cau. data.* Vnde fit ut si quis puellam nondum viripotentem & immaturam in domum suam deduxerit quasi vxorem, antè iusta & legitima vxor non sit, quam apud virum expleuerit eam ætatem, *l. 4. ff. de ritu nupt. l. 13. §. si minor. ff. ad leg. Iul. de adulter. & c. 21. ex. de sponsal. & matrim.* nec interim videtur sponsa, quia sponsalia solâ deductione in domum non inducuntur, *l. 32. §. si quis sponsam. de donat. inter vir. & vxor. l.*

9. *de sponsal. ff.* Sicut quæ desponsata est, cum septuennis non esset, sponsa legitima non censetur priusquam maior facta sit septem annis, c. 4. §. & pen. ex. *de desponsat. impuber.* Nec refert quod pater filix suæ familias minori duodecim annis, quasi maiori, fingens eam esse maiorem, auctor fuerit contrahendi matrimonij cum sponso, qui ignorabat eam esse ætate minorem; nam hoc quoque casu constat ex l. 11. *ff. quod falso tutore.* iustum matrimonium, iustam vxorem non esse, iustumve maritum, scilicet antequam viripotens esse cœperit, quamvis patri filiam minorem duodecim annis nuptum danti ideo sit ignoscendum, quia affectu propensiore magis, quam dolo malo filiam suam maturius in familiam sponsi perduxisse videtur, d. l. 11.

Ex his plusquam manifestum est nubilem ætatem feminis duodecimum annum, viris decimumquartum asserere. Hanc rationem secuti sunt Romani Legislatores, & eorum exemplo Summi Pontifices, qui quâ ætate appetitus ille coniunctionis innasceretur, ab ea licitas fecerunt nuptias. At lex Papia Popæa, quæ cuique nubendi spatium præfiniebat, neminem ante vigesimumquintum annum ad iustæ vxoris amplexum inuitavit, nec minor ætas cœlibum pœnis illâ lege tenebatur, ut refert *author historia tripartita lib. 1.* Hæc ætas status appellatur & ἀκμή, l. 77. §. *curatoris. ff. de legat. 2.* quia scilicet sit crescendi finis, quamobrem & perfecta, plena, integra ætas in libris nostris appellatur, estque pubertatis finis. Philosophi verò, quibus curæ fuit non tam ut soboles, quam ut firma & robusta soboles nasceretur, quæ tuendæ patriæ adiumento esset, maiorem etiam ætatem statuerunt nuptiis. *Plato in legibus suis* hanc unam posuit, ut mulier à decimo octavo anno ad vigesimum nuberet: vir eo quinquennio, quod trigessimum annum proximè sequitur, vxorem duceret, ne matrimonium plusquam decem annis maneret: vim enim generandi putavit illo decem annorum usu hebetari. *Et in lib. 5. sue Reip.* voluit, ut quadragesimo vitæ anno mulieres, quinto & quinquagesimo viri finem sibi procreandi facerent: senum enim natura, quæ imbecilla est, imbecillos quoque parere solet. De quo etiam *Stri-*

*Aristoteles lib. 7. sua Politie* subtiliùs aliquanto differit : hoc enim spectandum esse ait , vt coniugum ætates gignendi facultate concurrant. Olim vir sexagenarius , & mulier quinquagenaria nuptias contrahere vetabantur , *l. pen. Cod. de nupt.* quasi neque generare masculus post sexagesimum annum , neque femina gignere soleat post quinquagesimum , *l. 12. Cod. de legitim. heredib. Vlpian. in fragment. regular. tit. 16. l. 15. §. pen. ff. de adoptionib. l. 21. ff. de act. empti. Aristoteles lib. 7. de histor. animal. c. 6. Plinius lib. 7. naturalis hist. c. 14.* sed id postea sustulit Iustin. *d. l. pen.* quod etiam antea Claudium fecisse refert *Suetonius in Claudio c. 23.* Nam & post ea tempora procreari liberos posse argumento est *d. l. 12.* cuius rei exempla sunt *apud Plin. dicto loco , & Aristotelem lib. 5. de historia animal. c. 14.* plerumque quidem , siue plurimum post eam ætatem femina non gignit , potest tamen euenire , licet raro , vt pariat , *d. l. 12.* aliud dicendum est de maribus , hi enim sexagenarii idonei censentur ad generandum ab *Aristotele d. lib. 5. &* conuenienter Senatusconsulto Claudiano probata fuit hæc definitio ætatis in feminis , non vtique in maribus , vt docuit *dominus Cuiacius in notis ad Vlpian. d. tit. 16.*

## CAPVT XV.

*Nuptia consistere non possunt , nisi consentiant omnes , id est qui cœunt , quorûmq; in potestate sunt.*

**P**RÆTER liberum & reciprocum vtriusque partis consensum , & legitimam ætatem requiritur adhuc , vt iustæ nuptiæ sint , parentum , quorum in potestate sunt contrahentes , voluntas & consensus , *l. 2. ff. de ritu nupt. in prin. tit. de nupt. Instit. apud Vlpian. in fragment. regular. tit. 5. & apud Paul. lib. 2. sent. tit. 19.* quod est etiam de sponsalibus constitutum , *l. 7. §. 1. & l. 11. ff. de sponsal.* quod ita certum est moribus legibûsque populi Romani , vt filiusf. inuito patre ne compressam quidem & à se viratam puellam ducere possit , & si eam duxerit , pro iniusta vxore habeatur , *l. 1. ff. unde vir & vxor. l. si vxor. ff. ad leg. Iul. de adulter.* idque Terentius in *Andria* ita scribens significat:

*Adeo impotenti esse animo , vt præter ciuium  
Morem atque legem , & sui voluntatem patris ,  
Tamen hanc habere studeat cum summo probro ?*



Quare si nuptiæ factæ fuerint citra consensum parentum, quorum in sacris positi sunt contrahentes, nec vir, nec vxor, nec nuptiæ, nec matrimonium, nec dos intelligitur, & qui ex eo coitu nascuntur, non sunt in patris potestate, sed tales sunt quantum ad patriam potestatem, quales spurij, §. *si aduersus. Inst. de nupt. l. 11. ff. de statu hominum.* quia, vt Vlpianus ait *d. tit. 5.* hi tantum liberi potestati & imperio parentum subduntur, eisque heredes efficiuntur, qui ex iusta coniunctione suscipiuntur. Patris verò auctoritatem, in cuius potestate est, qui vxorem ducit, quæve nubit, & ciuilis & naturalis ratio suadet esse necessariam. in prin. *d. tit. de nupt.* vbi naturalis rationis nomine significatur obseruantia, cultus, pietas, & honor, qui tantus est, vt filio semper honesta & sancta persona patris videri debeat, *l. 9. ff. de obsequiis parentibus & patronis præstandis. l. 2. ff. de iust. & iure.* sed hæc sola ratio non sufficit, alioquin sequeretur filium emancipatum sine consensu patris vxorem ducere non posse, quod tamen ei permitti innuit Vlpian. *d. tit. 5.* & probat *l. 25. ff. de ritu nupt.* est enim emancipatio actus solemnis, quo pater filium à familia sua separat, & potestate sua soluit, *l. 3. de emancip. liber. l. adoptatum. 9. de adoptionibus. Cod. D. Augustin. lib. 1. contra secundam Iuliani Responsionem: Emancipatum hominem à Deo dicis, nec attendis hoc cum emancipato agi, vt in familia patris non sit.* Sequeretur etiam necessitatem imponi filio adhibendi consensum matris, cui non minùs secundum naturam, quàm patri deberetur pietas, & reuerentia, *l. 10. de obseq. parent. & patronis præstandis. & l. 16. de re iudic. ff. l. 6. ff. de in ius vocando. d. l. 2. ff. de iust. & iure. & l. 4. Cod. de patr. potest.* Conuenit autem inter omnes eius ad sensum explorandum non esse, quia liberos in potestate non habet. §. *femina. Inst. de adoptionibus.* Verum quidem est matrem non habere æqualem potestatem, negari tamen non potest quin habeat qualem qualem, *l. 4. ff. de curator. furioso.* vnde suos heredes feminas habere Paulus negat *l. 4. §. ad testamenta. ff. de bon. possessio. contra tabulas.* Cum ea igitur concurrere debet ratio ciuilis patriæ potestatis, cuius præstantia & excellentia re-

petenda est ex variis causis, effectibus, & dotibus, quibus Iurifconsultorum posteriorum Romanorum solertia donata est, non ex immani illa potestate vitæ necisque, quam lex Regia dederat, & primi iuris conditores, qui patri permiserunt liberos vendere & occidere, *l. 11. ff. de liberis & postum.* siue iuste, siue iniuste, ut auctor est *Dionys. Halicarn. lib. 2. antiquitatum.* Et hoc sensu accipiendum puto quod est §. *ius autem. Instit. de patr. pot.* Ideo verò ratione patriæ potestatis exigendus est patris consensus, quoniam huius vinculi sanctitate aded apud ciues Romanos iungitur patrifam. filiusfam. *l. 87. ff. de adquir. hered.* ut Iure Ciuili pater & filiusfam. vnus personæ vice fungantur, *l. ult. Cod. de impuber. & aliis substitut.* & vox patris tanquam filij sit propter vnionem personarum, quam inducit ius patriæ potestatis, §. *quod si quis. vers. ei verò. Instit. de inutit. stipulat.* Potestas patris vnus personæ, vniûsve hominis intellectum constituit in patre & filiofam. ita tamen ut in familia semper superemineat maiestas patris, dominatus, & potentatus. Ratio verò inducendæ & instituendæ patriæ potestatis elici potest ex elegantissimis Senecæ verbis lib. 3. de benef. c. 12. *Quadam, inquit, priuilegia parentibus data sunt. Parentum conditionem sacrauimus, quia expediebat liberos tolli: sollicitandi ad laborem erant incertam adituri fortunam. In liberis tollendis nihil iudicio tollentium licet. tota res voti est. Itaque ut æquiore animo adirent aleam: danda illis aliqua potestas fuit. Imposuimus iuuentuti quasi domesticos Magistratus.*

## CAPUT XVI.

*In nuptiis nepotis non solius aui, sed etiam patris, qui sua potestatis non est, exigitur consensus, uno casu excepto, non visque si agatur, de collocanda nepte. & eorum ratio.*

**P**RÆTER rationem ciuilem potestatis patriæ, quam nexu diuino copulatam esse ait *l. pen. Cod. de adopt.* addenda est alia, quæ pendet ex eadem, & propriè pertinet ad filios, non ad filias, ne patri inuito suus heres agnascatur, quâ ratione nepote vxorem ducente constat necessarium esse consensum patris, nec aui sufficere, in cuius est potestate, quamuis aliud in nepte obtineat, *l. 16. §. 1. ff. de ritu nupt.* nisi si nuptiæ contrahantur inter nepotem ex filio, & neptem ex altero filio, quia tunc filius non potest recusare affinitatem eius mulieris, quæ illi etiam est cognata, fratris nempe filia, *l. 3. ff. cod. rit.* quod

est latius explicandum. Quoniam igitur ius non patitur cui-  
piam inuito, aut ignorant, si sapiat, suum heredem agnasci,  
(hi propriè agnascuntur, qui statim ut nati sunt, primum  
locum occupant in familia: Illi verò non agnascuntur, sed  
quasi agnascendo sui heredes parentibus fiunt, qui, priore  
subducto de potestate suo herede, succedunt in proximum  
locum, l. 28. §. 1. ff. de liber. & postum.) oportet nepoti v-  
xorem ducenti non tantum avum, in cuius potestate est, con-  
sentire, sed etiam patrem, d. l. 16. §. 1. & l. 9. eod. tit. in cu-  
ius potestate non est, nec esse potest, quia qui est in potesta-  
te alterius, alium in sua potestate habere non potest, l. 31. ff.  
ad leg. Iul. de adulter. Seneca pater in Declam. 3. Non potest  
quisque alium in manum suam recipere, qui ipse in alia manu  
est. Ratio autem, propter quam in nuptiis nepotis non tan-  
tum aui, sed etiam patris, qui sui iuris & potestatis non est,  
consensus desideratur, hæc est, quia quamvis hodie non sit  
in potestate patris, & consequenter eius voluntas necessaria  
non videatur, l. 2. ff. de ritu nupt. & in prin. tit. de nupt. In-  
stit. quia tamen fieri potest, ut recadat in eius potestatem,  
aui scilicet personam de medio sublata, quo casu suus heres  
futurus est, rectè iure Civili definitum est tales nuptias iustas  
& legitimas non censi, nisi patris quoque auctoritas inter-  
venierit, vel si factæ fuerint, eam non adhibita, liberos ex ea  
coniunctione procreatos agnoscere cogi non posse, obstante  
prædicta regulâ iuris, quæ dicitur nemini inuito suum here-  
dem agnasci; quâ etiam ratione obtinuit avum non posse  
adoptare nepotem quasi ex filio natum sine consensu filij, l.  
6. & 10. ff. de adopt. & §. sed si quis. Instit. eod. tit. ne sci-  
licet cum habeat quandoque filium atque heredem suum,  
quem ipse à se alienum esse cupiat. At grave nimis, ac du-  
rum, alicui inuito agnasci suum heredem, d. §. sed si quis.

Quæsitum autem & tractatum est, utrum sicut in nuptiis  
nepotis exigimus consensum patris, licet in eius potestate  
non sit: sic etiam cum est in matrimonium collocanda ne-  
ptis, necessarius sit patris assensus? Et invenio Paulum in  
d. l. 16. §. 1. Ita nepotem à nepte in hoc articulo segregasse,  
ut in nuptiis quidem nepotis præter voluntatem & auctori-

tatem aui, patris arbitrium sit explorandum: conditiones verò nuptiarum neptis à solo auo expediri possint. Ratio huius differentiae, quam Accursius non percepit, hæc est, quia filia in alienam familiam transit, *ut Antistius Labeo apud Gellium lib. 13. c. 10.* nec auget familiam patris sui, quandoquidem liberi eius familiam mariti sequuntur, non familiam aui materni, *l. pen. ff. de liber. agnosc. §. ult. Instit. de patria potest.* nepos verò remanet in domo, & familia patris; & liberos ei gignit, *d. l. pen.* qui nascuntur ex filia non sunt in potestate filiae, nec ei sui heredes agnascuntur, cum patris sui aut aui paterni familiam sequantur, *d. l. pen. ff. de liber. agnosc.* Quare si admitteremus in constituendis nuptiis nepotis sufficere auum consentire, sequeretur inuito patri suos heredes fieri ex parum grata nuru, contra Iuris Ciuilis præceptum, *l. 12. §. medio tempore. ff. de captivis & postliminio reuersis.* quo solo nititur distinctio, quâ vitur Paulus *in d. l. 16. §. 1.* & aliunde petenda non est vetus ratio dubitandi, cuius vestigium refertur *in §. 1. Inst. de nupt. & l. si furiosi. Cod. eod. tit.*

Quid dicemus, si auus nepotem ex filio nepti ex altero filio, quos habet in potestate, in matrimonio adiungat, non interposito patris nepotis consensu? Hæc quaestio suprà mota, sed non perpensa satis, deciditur à Paulo *in l. 3. ff. de ritu nuptiar.* vbi manifestè declarat hoc matrimonium iure contractum esse, quod tamen dubitatione non caruisse idem Paulus indicat, cum opinionis suæ firmandæ & adminiculandæ causâ vitur testimonio Pomponij. Solebant auctores iuris in re difficili communire sententias suas aliorum Iuriconsultorum iudicio, & auctoritate, & in eo valde laudanda veterum modestia. Absuit semper à viris probis, quamuis æqualibus invidia: nec erubuit alter ab altero quod sciret appetere, ut pluribus testimoniis probat dominus Cuiacius in Præfatione ad Africanum. Et in proposito immemor non fuit Paulus se scripsisse *in d. l. 16. §. 1.* nepote uxorem ducente debere & filium consentire, ne scilicet illi aliquando inuito & ignoranti suus heres agnascatur, quod pugnare videtur è diametro cum eo, quod est *in d. l. 3.* vbi nominatim prodi-

proditum est inter nepotem ex filio & neptem ex altero filio, solo auctore contrahi posse. Sed ut inter hæc duo responsa Pauli, quæ inter se contraria videntur & inuicem conflagere, pax concilietur, dicendum est singulari ratione in specie d. l. 3. receptum esse filij consensum non requiri in nuptiis nepotis, tamen ei inuito suus heres agnascitur sit, quia eo casu auus nullam nouam personam inserit familiæ, sed nepoti ex familia sua dat uxorem, nec ægrè ferre debet filius, si fortè ex eadem familia quandoque sua familia augeretur. Ac præterea debetur hoc summæ affectioni aui, ut l. pen. §. 1. ff. de ritu nupt. ut ei soli quasi totius familiæ auctori, & libero administratori huius coniunctionis potestas permittatur. At merito filius reclamaret, si auis extraneam uxorem, & ex aliena familia nepoti accerferet, ut in d. l. 16. §. 1. Continet igitur d. l. 3. exceptionem regulæ, quæ vult cuiquam inuito suum heredem agnasci non debere: prius enim generaliter constituerat Paulus in d. l. 16. §. 1. nepotis nuptias non pendere ex solius aui potestate, sed patris insuper interuentum & assensionem esse necessariam: hoc scripserat lib. 35. ad Edictum, deinde lib. 1. ad Sabinum illum modum addidit, de quo in d. l. 3. priores enim fuerunt libri ad Edictum libris ad Sabinum.

**V**OLUNTAS autem parentum, quorum sunt in potestate qui coeunt, requiritur non tantum in constituendis iis nuptiis, quæ nunc primum ineuntur, sed etiam post diuortium in his, quæ inter easdem personas renouantur & conciliantur, quod vsque ad id verum est, ut quemadmodum nuptiæ ab initio contractæ sine auctoritate patris, in cuius potestate est puella, vel adolescentis, iniustæ & illicitæ censeantur, l. 2. ff. de ritu nupt. & in prin. tit. de nupt. Instir. sic quoque minus legitima habetur coniunctio, quæ dissoluta, repudio superueniente, postea renouatur sine consensu patris, l. 18. ff. de ritu nupt. l. 7. Cod. de nupt. Patriæ siquidem potestati consequens visum est eos sociari iterum debere volente patre, quos dissociauerat diuortium eodem auctore factum. Est enim Iure Civili cautum diuortium pendere ex

## CAPVT XVII.

*Patri consensus a quo necessarius est in reintegrando & restaurando nuptiis filiasam. vel filiasam. diuortio solui, ac fuit necessarius in contrahendo; nec refert filius pagani sit, an miles.*

arbitrio patris, maxime si iusta & magna aliqua causa fuerit suborta faciendi diuortij, *l. 4. & 5. Cod. de repudiis*. Ratio dubitandi est, quia consensus, qui præsticus fuit à patre in initio contrahendi matrimonij videtur adhuc perseuerare & durare in eo repetendo & restaurando cum ea persona, cuius conditionem ipse gratam & acceptam habuit. Ratio decidendi est, ideo alium & nouum requiri consensum in reconciliandis nuptiis quantumuis inter easdem personas, nec qui incundis & contrahendis fuit adhibitus, sufficere, quoniam duo sunt matrimonia, *l. 69. §. usuras. ff. de iure dot.* primum diremptum fuit diuortio, cuius vis in hoc cernitur, vt secundum legitimam obseruationem factum Iure Ciuili dissoluatur matrimonium *l. 3. & ult. in prin. ff. de diuortijs. l. 8. Cod. de repudiis*. Iure Pontificio fit separatio tori & mensæ, manente vinculo matrimonij, *c. 7. ex. de diuortijs*. Quare constare matrimonium dicere non possumus, cum sit solum dissidio secuto, & illud dumtaxat consideramus & attendimus, quod redintegratur, quasi nullum aliud præcesserit, atque ideo nouo est opus consensu, ex quo substantiam capiat noua ista coniunctio. Vt enim emptionis, à qua est abutum, repetitio & renouatio fieri non potest sine noua conuentione, *l. 2. ff. de rescind. vendit.* & postquam recessum est à priore contractu, noua emptio intercessisse videtur in specie *l. 72. ff. de contrah. empt.* Sic etiam redintegratio & restauratio nuptiarum, à quibus est recessum, vim & effectum habere non potest, nisi voluntas parentum accedat, quâ interpositâ nouum matrimonium esse creditur.

Et sicut iniustum est matrimonium, quod paganus contraxit vel renouauit, ignorante & inconsulto patre, ciuili & naturali ratione eius consensum exigente; ita & à milite contractum, qui redintegratum sine voluntate patris iniustum esse ait Papinianus in *l. 35. ff. de ritu nupt.* nimirum, quia in militibus quoque ratio pietatis & verecundie erga parentes constare debet, *l. 5. §. à milite. ff. de liber. agnosc. l. 1. ff. de obseq. parent. & patron. præstan.* & militia per se non soluit patriam potestatem, *§. filiusfam. Instit. quib. mod. patr. potest. soluit. l. 7. c. de patr. potest. l. 3. Cod. de Castrensi peculio*. Et

appositè Papinianus *in d. l. 35. ex eo*, quòd per militiam non fiat resolutio patriæ potestatis, id est, filius, qui nomen dedit in militiam, vel lectus est, *l. 4. §. 2. & §. qui post. ff. de re militari.* non separetur à familia patris, eiusque sacris maneat alligatus, negat eundem inscio patre posse iure uxorem ducere; si enim admittamus, ut admittere nos oportet, filium nexu paternæ potestatis iure sacramenti non liberari, in hoc cessante & quiescente priuilegio militari, proclive & consequens est nos fateri debere filiumfam. militem in nuptiis celebrandis adstringi necessitate & obseruatione legitimi & consueti iuris, id est, communis omnium ciuium Romanorum. Ratio verò cur filiusfam. miles nuptias coire teneretur secundum præcepta iuris, quæ in paganorum matrimoniis obseruantur, hæc esse videtur, quia non debuit priuilegium militiæ porrigi ad contemptum & iniuriam patris, cuius maiestatem & dominatum in familia eminere oportet, quæ potestas vilesceret relaxatione factâ iuris communis: quâ etiam ratione placuit militem non posse dare tutorem filio in aui potestate manenti, vel in alterius potestatem recasuro, ne scilicet alienum ius minuatutur aut lædatur, ne alteri iniuria inferatur, *l. 2. ff. de testamentaria tutela.*

**V**ERVM licet nuptiæ contractæ sine voluntate parentum, in quorum potestate sunt qui coeunt, iustæ & legitimæ non sint, & impediuntur, aut prohibeantur contrahendæ, tamen non dissoluntur eo prætextu, quòd abfuerit consensus parentum, quia, *ut Paulus ait lib. 2. sent. tit. 19.* contemplatio publicæ utilitatis priuatorum commodis præfertur. Publica utilitas, liberorum procreatio est, nuptiarumve coniunctio, *l. 1. ff. soluto matrim. l. in bello. §. medio. ff. de captiuis & postlim. reuers.* priuatum commodum est ius patriæ potestatis, quo bene concordantia, & fortè liberis subnixta matrimonia inuitis maritis non turbari publicè interest, *l. 1. in fine. ff. de liber. exhibend.* quæ ratio etiam spectatur Iure Pontificio in casibus notatis à domino Cuiacio *ad cap. 2. de desponsat. impuber. & ad cap. 4. qui clerici vel uouentes matrimonium contrahere poss. ex.* & hac in re nulla est

H ij

CAPVT XVIII.  
An matrimonium contractum à filio, vel filiafam. sine consensu patris sit dissoluedum & dirimendum? huius desistens obtemu.

discrepantia inter Ius Civile & Ius Canonicum. Est enim utroque receptum intuitu publicæ utilitatis nuptias, quarum auctor non fuit pater, in cuius potestate mariti sunt, dirimi & disiungi non debere, quamvis & quæ ita nupsit, iniusta vxor sit, iniustæ nuptiæ ex mente & interpretatione *domini Cuiacij in expositione l. 2. de ritu nupt. lib. 35. Pauli ad Edictum, & lib. 3. obser. c. 5.* Iniustum matrimonium longè aliud est, quàm interdictum siue illicitum; hoc enim nec matrimonium intelligitur, nec in eo vir & vxor, §. *si aduersus. Inst. de nupt.* Illud verò matrimonium est, & in eo vir & vxor, *l. 13. §. 1. ff. ad l. Iul. de adul.* quam distinctionem norant etiam Interpretes ad *l. 11. Paulus ff. de statu hominum.* in qua species est iniusti matrimonij, patre scilicet ignorante vel dissentiente contracti, in cuius potestate erat mulier, quæ temerè nupsit, quod tamen iustum sit morte parentis, saltem ratione filiorum post mortem conceptorum & natorum, quod ab initio, & quandiu is vixit, iniustum fuit; tantus est liberorum fauor, vt inspectâ solâ coniugali affectione, & qualicumque matrimonij habitu, vt loquitur *l. 8. ff. de condit. causa data.* iusti & legitimi censeantur, isque fauor eò productus est, vt etiam ex matrimonio incestui commixto procreatorum status conseruetur, modò concurrant circumstantiæ, de quibus *dominus Cuiacius ad cap. ult. de clandestina desponsat. ex.* Sed hoc casu procul dubio matrimonium est dissoluendum, quia iure interdictum, siue illicitum est, habetque solam matrimonij speciem & merum nomen, carètque sanctitate digna fœdere coniugali, vt loquitur *l. ult. Cod. Theod. de legitimis heredibus.* Veluti si sororis filia ignara Iuris Civilis, cùm collocaretur ab auia sua, nupsit auunculo, existimans non esse veritas nuptias cum eo, quo casu incestum committitur Iure Civili, *l. 57. §. ult. ff. de ritu nupt. l. ult. Cod. de incestis nupt.* & diu inter eos tale matrimonium lterit, fueritque subnixum numero liberorum, confirmabitur quidem horum status Principis rescripto, id est, petinde habebuntur à Principe, atque si legitimè concepti fuissent, motu scilicet variis rationibus, & pluribus circumstantiis in vnum concurrentibus, putà ignorantia puellæ, diuturnitate



temporis, & numero liberorum: & licet ignorantio Iuris Ci-  
uilibis veniam præbeat puellæ, eam releuet à crimine incesti,  
*l. 38. §. 1. ff. ad leg. Iul. de adulter.* confirmandum tamen  
non esse tale matrimonium, inò re cognita statim distra-  
hendum eruditissimè docuit *Dominus Cuiac. ad l. 11. §. licet.*  
*ad leg. Iul. de adulter. lib. 2. Papin. de adulter.* In eo etiam  
cernitur liberorum fauor, vt illorum potissimùm contem-  
platione matrimonia turbari non possint iure patriæ potesta-  
tis, *l. 1. §. ult. ff. de liberis exhiben.*

CERTVM itaque est Iure Ciuili liberos patris iniussu,  
in cuius potestate sunt, nuptias contrahere non posse,  
alioquin iniustas esse nuptias, iniustos liberos. Consentire  
autem pater intelligitur, modò cognitis nuptiis non contra-  
dicat, *l. 5. Cod. de nupt.* Cognitis, inquam, nam aliud om-  
nino erit, si ignorauerit, *d. l. Paulus*, contra quoque filiusf.  
consentire intelligitur, si voluntati patris non repugnet, quod  
multò magis in filiaf. dicendum est, *l. 22. ff. de ritu nupt.*  
& *l. 12. ff. de sponsal.* At si voluntas patris liberorum, qui  
sunt in potestate, repugnet, quæstionis est, vtrum eos, si cœ-  
libes manere cupiant, ad nuptias compellere possit, vel non  
recusantes quidem nuptias, possit cogere vt cum certa per-  
sona inuiti contrahant? Et vtroque casu melior est masculo-  
rum, quàm feminarum conditio, vt & aliàs sæpe, *l. 9. ff.*  
*de statu hominum.* Nam ex eo, quòd dicitur in *l. 13. de spon-*  
*sal. l. 21. de ritu nupt. ff. & l. 12. Cod. de nupt.* filiosf. dissen-  
tiente, sponsalia nomine eius fieri non posse, neque cogi vx-  
orem ducere, inferendum videtur à contratio filiamf. ad nu-  
bendum cogi posse à patre Iure Ciuili. Et licet filiusf. non  
possit à patre cogi certam vxorem sponsare vel ducere, nisi  
volens cogi se permittat, *l. 22. ff. de ritu nupt.* Potest tamen  
filiaf. cogi & ad sponsalia & ad nuptias certæ personæ, *l. 12. ff.*  
*de sponsal.* Ita vt patris expectetur arbitrium, ipsius autem  
puellæ assensus & iudicium non exploretur, *l. 20. Cod. de*  
*nupt.* quoniam semper consentire intelligitur, nisi patris vo-  
luntati resistat. Tunc autem solùm dissentienti à patre licen-  
tia filiaf. conceditur, si indignum moribus, vel turpem spon-

CAPVT XIX.  
Filiusfamilias cogi  
non potest iniustus à  
patre certam perso-  
nā vxorem ducere:  
filiaf. cogi potest  
certa persona nu-  
bere.

sum ei pater eligat, *d. l. 12. de sponſalibus*. Potest igitur pater filiam arbitrio suo in matrimonium collocare certæ personæ, dummodo eius conditio repudiandi causam iustam & probabilem non habeat: aliud de filioſ. sentiendum est, quem si metu illato, qui in hominem constantem cadere possit, ad illud adegerit, rescindetur & vitabitur matrimonium, *c. 28. ex. de sponſal.* quam etiam differentiam inter filiumſ. & filiam agnoscit Glossa in *cap. 1. de desponſat. impuber. ex.* Ratio istius diuersitatis hæc est, quoniam ipsius feminæ plerumque aduersus commoda propria inuenitur laborare consilium, circa nuptias præsertim, *l. 4. Cod. de sponſal.* &, ut est apud B. Hieronymum. *epist. 18. lib. 2. Femina mutabilis fluctuinsque sententia, si suo arbitrio relinquatur, citò ad deteriora delabitur.* Et certè æquius meliusque est minus licere filiaſ. in recusandis vel contrahendis sponſalibus & nuptiis, quàm filioſam. aut propter infirmitatem sexus, aut propter pudicitiaſ. periculum, quod ita in filioſ. verendum non est: adde quòd sexus verecundiaſ. magis conuenit hac in re filiam morem gerere patri, quàm propriam voluntatem depromere, *d. l. 20.* Non est enim virginalis pudoris eligere maritum, *can. honorantur. 32. q. 2.* Ita ut & sponſalium & nuptiarum filiaſ. omnis potestas in patre sit, *d. l. 20.*

Quod ad filiumſ. attinet, multum interest utrum puberem, an impuberem pater despondeat in matrimonium: nam si puberem, qui velle iam, & nolle potest, eius desideratur consensus, alioqui nuptiaſ. non valent, *l. 2. ff. de ritu nupt. l. 12. Cod. de nupt.* Sin autem impuberem, cuius nulla est voluntas, nulla scientia, aut intelligentia, filius hic iam pubes factus non potest mutare aut rescindere quod pater fecit, sed cogitur implere omnino, *c. 1. ex. de desponſat. impuber.* quod necessitatem imponit, non honestatem tantum, ut ibi Glossa notat rectissimè. Ratio verò cur post pubertatem improbare non possit, quod patre auctore impubes fecit, hæc esse videtur, quia ut iudicium impuberis dicitur suppleri auctoritate tutoris, *l. 32. de adquir. poss. ff.* ita dici potest fortasse non ineleganter iudicium, voluntatem, & consensum, qui in impubere nullus est, patrem supplere, & perinde ac si consen-

sus ipſus filij interueniſſet, ratum & firmum eſſe, quod pater fecit.

Quod autem dictum eſt patrem compellere non poſſe filium. puberem inuitum ad ducendam vxorem, vel ſi patre cogente duxerit, nullum eſſe matrimonium, hoc interpretatione donandum eſt, ſi ſemper reclamauerit & reſtiterit voluntati patris; nam quamuis ab initio coactus fuerit, ſi tamen conſenſit tandem, coactus ſua voluntate, vt Terentius loquitur, & ſe vinci paſſus eſt, maluiſſe videtur, *d. c. 1. de deſponſat. impuber. & l. 22. ff. de ritu nupt.* Voluiſſe quis videtur dupliciter: ſi velit vltro & ſua ſponte, quæ voluntas eſt abſoluta, plena, & integra: voluiſſe item videtur, ſi velit cogente patre, vel domino, quæ voluntas remiſſa eſt, minùs plena, & libera, vtpote quæ coactionis aliquid habet immixtum, & ſecundùm hanc diſtinctionem accipienda eſt *l. 4. ff. de regul. iur.* Sunt quædam negotia, in quibus expediendis qualisqualis voluntas etiam coacta, etiam remiſſa ſufficit, inter quæ nuptias eſſe conſtat ex *d. c. 1. & d. l. 22. & probat dominus Cuiac. lib. 16. obſer. c. ult.* noluiſſe ſimiliter duobus modis quis dicitur, & qui vltro noluit, & qui coactus, *l. 85. de acquir. heredit. adhibita interpretatione domini Cuiac. lib. 30. Quæſt. Papin. & in l. 4. ff. de regul. iuris.* Eſt & alia differentia inter filium emancipatum, & filiam emancipatam quod pertinet ad nuptias. Nam filius emancipatus, etiamſi minor ſit annis viginti-quinque, iniuſſu patris nuptias poteſt contrahere: filia non item, cuius adſenſus petitur quidem, ſed non requiritur iudicium. Et ſi diſſentiat à patre, patris potiùs voluntas attenditur, niſi ſi pares ſint genere ac moribus competitorum, quo caſu is potior exiſtimabitur, quem ſibi conſulens filia approbauerit, quam differentiam dum non agnoſcit Gloſſa, magno errore labitur: eſt enim iure prodita & expreſſa, *l. 18. & 20. Cod. de nupt. & l. 25. ff. de ritu nupt.* Quinimo ſi morte patris filia minor annis 25. ſui iuris effecta ſit, patris, ſi viuus eſt, ſin mortuus, matris conſilium & propinquorum requiritur propter ſexuſ & iudicij imbecillitatem. Et hoc quidem obtinuit primùm in pupillis adhuc in poteſtate tutorum conſtitutis, *l. 1. Cod.*

de nupt. tum in viduis d. l. 18. Deinde in virginibus puberibus quidem & emancipatis, sed minoribus 25. annis, d. l. 20. ut peritè obseruat dominus Cuiac. lib. 3. obser. c. 5. Idem de filio emancipato quantumvis minore 25. annis non inuenio constitutum, ideòque procliuè & consequens est dicere eum indistinctè etiam sine consensu patris uxorem ducere posse, & cum hoc matrimonium iustum sit, iustos quoque effici filios ex eo susceptos, & patri suos heredes agnasci iuxta definitionem Iuris Ciuilis propositam in d. l. 25. de ritu nupt.

## CAPVT XX.

Qui sub tutoribus degunt neque sponsalia neque nuptias contrahere sine eorum consensu & auctoritate possunt: aliud obtinet in iis, qui sunt in curatione.

EO autem æquius iustiusque est liberos sine consensu parentum, quorum in potestate sunt, matrimonium contrahere non posse, quòd ij, qui sub tutoribus degunt, neque sponsalia, neque nuptias possunt constituere sine suorum tutorum voluntate, l. 1. C. de nupt. & apud Vlpianum in Fraem. regul. tit. de tutelis. Quia quamuis suæ potestatis, vel sui iuris sint, tamen suæ tutelæ non sunt, ut loquitur l. 9. §. 1. ff. de administrat. & periculo tutor. quod ita olim inualuerat, ut tutor exigeretur specialis ad nuptias explendas, teste Vlpiano d. tit. de tutelis. Videlicet cum nuptiæ fiebant solemniter per confarreationem certis verbis, & decem testibus presentibus, & solemni sacrificio factò, & pane farreo adhibito, ut idem tradit tit. de iis qui in manu sunt. Qui sub curatore degunt, ideo & sponsalia & nuptias contrahere possunt sine curatore suo, l. 20. ff. de ritu nupt. l. 8. & 20. Cod. de nupt. quia & suæ potestatis, vel sui iuris, & suæ tutelæ sunt. Tutor datur huic finì, ut auctoritate eius & consilio regatur pupillus, & ut teneatur res pupilli administrare; præponitur enim moribus & rebus ipsius, l. 12. §. cum tutor. ff. de administrat. & peric. tutor. & principaliter quidem personæ præficitur, in quam habet vim, auctoritatem, & potestatem, l. 1. ff. de tutelis. & apud Gellium lib. 5. c. 19. rebus verò per consequentiam. Curator autem ideo datur adulto, siue adolescenti, ut rerum duntaxat ei committatur administratio, ut solam rei familiaris curam subeat, non etiam ut vim & potestatem exerceat in adultum, vel adultam, d. l. 20. de

rem. Ergo si respectu qualisqualis potestatis, quæ est iure data ac permiffa tutori ad defendendum patremf. impuberem, qui propter ætatem feipsum tueri non potest, *l. 1. ff. de tutelis.* hoc illi tributum est, vt sine eius interuentu & auctoritate neque sponsalia neque matrimonia contracta à pupillo vel pupilla valeant; multò magis id tribuendum fuit patri habenti liberos in potestate, quia tutoria potestas longè inferioris gradus est, & vix meretur nomen potestatis, si comparetur cum patria potestate, ex qua iusto moderamine temperata Iure Ciuili & interpretatione prudentum, *l. 8. ff. de his qui sui vel alieni iuris sunt,* emerferunt varij effectus, quorum vnus est consensus patris, qui necessariò exigendus est in nuptiis filiæfam. & filiæfam.

**Q**UOD si iracundus pater malitiosè consentire recusaue-rit, vel iniurià prohibuerit filium ducere vxorem, vel filiam nubere, vel dotem dare noluerit? Et in matrimonium collocare & dotare cogi potest, *l. 19. ff. de ritu nupt.* & similiter pater cogitur filium emancipare, quem contra pietatis officium tractat, & in quem supra modum sæuit, *l. ult. ff. si quis à parente manumissus.* Patria enim potestas, vt est arte & prudentiâ Iurifconsultorum constituta, non omnia potest, cum in pietate & moderatione, non in atrocitate consistat, non in vitæ necisque potestate, vt olim, *l. ult. Cod. de patria potestate, l. 11. de liber. & postum. ff. l. 5. ff. de lege Pompeia de parricidiis.* Ideoque non est acerbè, illegitimè, & cum amaritudine pectoris exercenda, *l. 1. in fine, ff. de liberis exhibend. l. 3. Cod. de patr. potest.* Quòd si ea parentes abutantur, poterunt compelli per Proconsules, Præsidèsq. prouinciarum ad quærendam conditionem liberis, quos habent in potestate, quod effectum est constitutione Diuorum Seueri & Antonini, vt Marcianus refert in *d. l. 19.* cuius iuris inducendi ratio aliunde petenda non videtur, quàm ex publica nuptiarum vtilitate: publicè enim interest vel propter pudicitia periculum, quod maximè in feminis verendum est, parentes liberorum, quos habent in potestate, matrimonia non impedire, si vota vrgeant, nisi subsit aliqua

CAPVT XXI.  
Quando liberis in  
sacris parentum po-  
tatis permittitur si-  
ne illorum consensu  
nuptias impune  
contrahere.

iusta & legitima causa, ut puta si filia indignum moribus, vel turpem sponsum sibi elegerit, *l. 12. ff. de sponsal.* turpem intellige conditione, quæ turpis persona dicitur, *l. 3. ff. si à par: quis manum. sit.* & alibi sæpe, quæ scilicet se in aliquod fœdus deduxit, ut loquitur *l. 47. ff. de ritu nupt.* aut filius eam sibi matrimonio iungere velit, quæ corpore quæstum, aut artem ludicram fecit, aut iudicio publico damnata fuit, *d. l. 47. ita ut ex nuptiæ & patri, & filio, & toti familiæ inhonestæ futuræ essent; æquum enim iustumque est, si filius vel filia se ad turpem, vel infamem personam applicare velit, patrem ius habere prohibendi nuptias; pertinet enim ea res ad infamiam ac dedecus familiæ, eoque casu iusta est exheredationis causa, quam iuris definitionem amplexus est Iustinianus; nam in Nou. 115. declarat nimium morato patre in quaerenda conditione filiæ, si post vigesimum-quintum annum patiatur stuprum puella, vel si nubat libero homini absque consensu patris, exheredari non posse. Videtur exheredari posse, si post eam ætatem nubat seruo, si post eam ætatem meretricio more viuat. Quid si ante eam ætatem nubat absque consensu patris aut matris? certè si ante eam ætatem turpem & impudicam vitam viuere maluerit, quàm oblatam à patre vel matre conditionem accipere, exheredari potest, *l. 19. Cod. de inoff. testam.* idque euidenter exprimitur *d. Nou. 115.**

## CAPUT XXII.

*An sicut Iure Ciuili, ita & Iure Pontificio nuptiæ contractæ ab iis, qui coeunt, sine parentum consensu, quorum in potestate sunt, iniusta, & illegitima censentur.*

**Q**UÆRI solet an quemadmodum Iure Ciuili patria potestas impedimento est nuptiis contrahendis à filiof. vel filiaf. sine consensu patris, in cuius potestate est, vel si contrahantur inuito aut ignorante, vel incio patre, iustæ & legitime videri non possunt: (inuito in hac parte accipere debemus non eum tantum, qui contradicit, verum quoque eum, qui consensisse non probatur, atque ideo incium & ignorantem, *l. 45. §. deinde, ff. de ritu nupt.*) Ita etiam Ius Pontificium rata non habeat matrimonia constituta à filiof. vel filiaf. sine voluntate & auctoritate patris? Hæc quæstio multum pulueris mouit in Scholis, fuitque sæpe ventilata in Foro, nondum tamen hoc dissidium pacatum sopitumque fuit: Nam non conuenit inter Interpretes tam antiquos

quàm Neotericos quid certò statuendum sit. Pontificij vulgò existimant in hoc Ius Canonicum à Iure Ciuili alienum & diuersum esse, quòd secundùm præcepta & traditiones illius liberi rectè, etiam insuperhabito patris arbitrio, perducantur ad nuptialia fœdera, huicque opinioni mordicus adhæret *Antonius Contius lib. 1. Lect. subsecinarum, c. 4. & lib. quem composuit de clandestinis matrimoniis. Alciatus ad l. 101. ff. de verbor. signifi. & alij plerique*, quibus est persuasum nuptias filiorum & filiarum sine voluntate patrum contractas ratas & firmas esse Iure Canonico, licèt Iure Ciuili sint iniustæ & illegitimæ, suamque sententiam bellè probari & astrui putant decreto Nicolai primi relato in *Can. sufficiat. 27. q. 2.* cuius verba hoc præ se ferunt & tinniunt, vt illi sentiunt, in nuptiis filiisfam. aut filiasfam. exigendum necessariò non esse consensum patris, sed sufficere eos solos consentire, de quorum coniunctione agitur. Item Innocentij III. Decretali epistola, quæ extat in *cap. 25. ex. de sponsal.* vbi Summus Pontifex rescripsit matrimonium contrahi per legitimum viri & mulieris consensum. Rursus *cap. 6. de condit. appositis. ex.* ex cuius capitis specie apparet iustas nuptias esse, licèt pater dissenserit & contradixerit. Denique *cap. 6. ex. de raptoribus.* vbi Lucius III. rescribit nuptias pendere ex eorum dumtaxat arbitrio, qui coeunt, licèt parentes reclamant & repugnent; quibus locis potissimùm incumbit, innititurque opinio Interpretum Iuris Pontificij existimantium inconsultò patre liberum esse filio propriâ voluntate quam voluerit eligere uxorem, & filia maritum.

Hæc opinio licèt communior sit, vsuque præualeat, placet tamen magis contraria, quæ vult Iure quoque Pontificio iniustas esse nuptias sine consensu patris, in cuius potestate est, quæ nubit, quive uxorem ducit, iuxta id, quod *Tertullianus ait lib. 2. ad uxorem. Nec in terris filij sine consensu parentum, sine consensu patris risè & iure nubunt.* Estque euidens & expressa in *can. non omnis, can. honorantur, & can. ult. 32. q. 2. can. 1. ead. cau. q. 3. can. 1. & can. nostrates. 30. q. 5.* quod & *B. Basilii confirmat in epist. ad Amphilochoium c. 38. 40. & 42.* vbi matrimonium contractum iniussu paren-

tum fornicationem appellat, & in c. 4. & 24. illud iustum fieri ait ab eo tantum tempore, quo filij aut filia coniunctioni consensit pater, & comprobauit, eoque modo accipienda est l. 5. *Cod. de nupt. & l. 13. §. si quis uxorem. ff. ad leg. Iul. de adulter.* cuius sententia firmandae causae adduci potest l. 65. *ff. de ritu nupt.* Imò tentari potest hodie ex Constitutione Iustiniani, quā definitum est omnem confirmationem per ratihabitionem retrorahi, sublata subtili differentiā Veterum inter ea, quae sunt iuris, & ea, quae sunt facti, l. 25. *Cod. de donat. inter vir. & uxor.* nihil videri interesse, pater contrahendis, an iam contractis nuptiis consentiat, cum ratihabitione omnis retrorahatur. Ita ut hodie verum sit dicere si pater cognitis nuptiis eo infcio à filio vel filia contractis non contraxerit, ab initio iure constituisse videantur, retroacto & reintroducto tempore, quo eas vel expresse vel tacite confirmauit, ad tempus, quo fuerunt celebratae, quasi ab initio iis consenserit.

Præterea quemadmodum filiusfam. aut filiafam. neutro iure sine patris auctoritate voto vel iuramento obligatur, l. 2. *ff. de pollicitationibus, can. mulier. 32. q. 2.* vel si de corpore suo votum fecerit, ut interpretatur Matthæus Paris in Heroldo, irritum fit contradicente patre, d. *can. mulier.* filiumf. vel filiamf. si quid vouerit Deo, ex causa voti non teneri probat insuper Seruius in illum locum Virgilij *Æneid. 2.*

*Ipsè pater voueo famulam.*

Bene pater, inquit, quia vouendi & auctorandi potestatem non nisi patres habent, quod ita certum est ut licet pater quam vni despondit filiam, alij non possit collocare, monasterio tamen vouere & tradere libere possit, *edicto Caroli Magni lib. 6. Capisular. c. 91.* qua tamen in re concurret necesse est voluntas filij vel filia, purà si monasticam vitam profiteri velit; nec enim sufficit sola deuotio paterna, ut est in *Concilio Tolitano IV. c. 48. relato in can. monachum. 20. q. 1.* nimis enim asperum visum fuit, ut paternae iussioni filius obsequi cogeretur, licet primis temporibus id maximè fuerit vsitatum; solemni enim ritu filius à patre monasterio mancipabatur, *Aymonius cap. 2. de vita S. Abbonis: Monachicum ei tradidit*



*habitus, facta prius per parentes solemnī traditione.* sic expressum est in regula S. Benedicti, *cap. de profess.* Patribus adhuc patria illa potestas ex iure Quiritium seruabatur. Sicut, inquam, inuitis parentibus auctoramenti potestatem habentibus nec voto se obstringere, nec monasterium ingredi licuit vnquam liberis, ita multò minus illis liberum esse videtur nuptias sine eorum voluntate contrahere, quia hæ præcipui momenti sunt & iuris publici, *l. in bello. 12. §. medio, ff. de captiuis & postlim. reuersis*, illique status familiarum continetur, quarum tuitioni & conseruationi est sæpe prospectum & prouisum non solum legibus ciuilibus, sæcularibus, & mundanis, sed etiam Ecclesiasticis. Nec video quæ possit ratio diuersitatis afferri. Et sanè probabile est decreta Summorum Pontificum, quæ maximè constant iuris naturalis & diuini præceptis, non recessisse ab hac tam æqua, tam sancta Iuris Ciuilis constitutione in contumeliam parentum, opprobrium sanguinis, euerfionem familiarum, & læsionem pietatis, honoris, & reuerentiæ, quæ parentibus debetur: sacra enim sunt parentum nomina, atque ideo summa religione colenda, *l. 1. Cod. Theod. de maternis bonis.* quod usque ad eò verum est, ut & Veteres, patres *πατέρες* appellarent, teste Simplicio in Epicteto, eosque liberis impositos esse quasi domesticos magistratus ait Seneca lib. 3. de benef. c. 11. Atque hoc ius paternum, siue patrium, ut ait Paulus in *l. 132. §. pen. ff. de verbor. obligat.* tantæ auctoritatis fuit apud Antiquos, ut patriæ maiestatis nomine fuerit insignitum auctore Liuiο lib. 3. decad. 3. Hinc etiam tot loci in libris Iuris Canonici, qui manifestè probant nuptias iniussu parentum contractas non inhonestas modò, sed & iniustas esse. Ratio autem, quâ necessitas iniungitur liberis adhibendi consensum patris iure quoque Pontificio in contrahendo matrimonio, hæc est, ut pietate paterna consilium capiente pro liberis, obuiam eatur fraudibus innumeris, ut nuptiæ propalam innotescant omnibus, & hoc genere furtiue & clandestinæ coërceantur. Nam inter ea, quæ requiruntur, ne matrimonium vitium clandestinitatis incurrat, necessarium est consensum parentum interuenire, in quorum potestate sunt, qui

coëunt. Malè igitur nonnulli purant hodie nuptias non esse iniustas, quæ contrahuntur à filio sine patris voluntate, quamvis sit in ipsius patris potestate; quì enim fieri potest, ut pater habeat nurum filix loco, cum non liceat patri, invito filio, uxorem quærere nepoti, *l. 16. ff. de ritu nuptiar.* Vbi Paulus censet auctoritatem aui non sufficere, cum nepos uxorem ducere velit; & in adoptione eius, qui quasi ex filio nepos adoptatur, filij consensus exigitur, ne cum habeat quandoque filium, arque heredem suum, quem ipse à se alienum esse cupiat, *l. 6. & 9. ff. de adoptionib. & §. sed si quis. eod. tit. Instit.* Itaque mihi persuasum est nuptias filiorum & filiarumf. sine voluntate patrum tam Iure Civili, quàm Iure Canonico iniustas, imò nullas esse ipso iure, utpote contractas contra prohibitionem legum & Canonum, *arg. l. 5. Cod. de legib. & c. ult. de clandest. desponsat. ex. neque Civili tantùm & Pontificio, sed & Divino Iure paternus consensus necessarius fuit, ut patet Exodi. c. 12. vnde sumptum est c. 1. ex. de adulteriis, Deuter. c. 7. Tobie c. 6.*

Nec quisquam mihi obiiciat ideo pendere non debere liberorum matrimonia ex arbitrio parentum maximè Iure Pontificio, quo liber, solutus & profusus consensus eius, de cuius coniunctione agitur, desideratur, quia libera debent esse matrimonia, *l. 1; 4. ff. de verbor. obligat.* Consensus autem liber dici non potest, qui in alieno arbitrio reservatur, ut est in *c. 5. ex. de conditionib. appositis.* Nam huic vulgari, & protritæ obiectioni ut faciam satis, dico primum ius patriæ potestati hac in parte tributum nullo modo minuere libertatem, quam liberi habent consentiendi, vel dissentiendi, licet paternis iussis sint obnoxij; sicut pupillus obnoxius est tutoris iussis, sed sine præiudicio libertatis, quam non tollit tutoria auctoritas, quâ etiam formâ obtemperatio scriptis legibus institutisque liberam illam naturalem facultatem eius, quod sibi facere libeat, nullatenus lædit. Et sicut, ut *M. Tullius in Cluentiana scribit*, legum idcirco omnes servi sumus, ut liberi esse possimus; Ita similiter verè dici potest patris iussum, quod præcedere debet, ut scilicet ab initio iustæ sint nuptiæ, non impedire quominus liberè contra-

hantur, imò ideo est necessarium vt liberæ sint. Et quod vulgò circumfertur ex *d. l. 134.* sic est exaudiendum, quod & ipsa contextus verba ferunt, matrimonia, siue futura, siue iam contracta, vinculo pœnæ obstringi non posse. Hoc obice procul remoto, relatisque Iuris testimoniis, & rationibus, quibus vt visum est ad stabiliendam & firmandam opinionem, quam vt rectiorem & veriolem sumus amplexati, sequitur vt excutiamus, & quoad fieri poterit, diluamus argumenta, quæ contrariæ sententiæ assertores & vindices produnt.

Quod ad primum attinet, sumptum ex *Can. sufficiat. 27: q. 2.* Quod ait sufficere secundum leges consensum eorum, qui coniunguntur: si secundum leges sic accipias, vt oportet, secundum iura civilia, solus eorum consensus, qui coniunguntur, non sufficit, si patrem habeant, in cuius potestate sunt. Ergo quod ait sufficere secundum leges solum consensum eorum, qui cœunt, non est ita accipiendum, vt solus consensus semper sufficiat. Nam etsi sufficiat inter eos, qui iuris sui, sui que arbitrij sunt, non sufficit tamen secundum leges inter eos, qui alieni iuris, alienique arbitrij sunt. neque etiam in *d. can.* excluditur consensus parentum, sed concubitus dumtaxat matrimonium contrahentium. Hæc est vera huius Canonis intelligentia, *ex mente domini Cuiæ. vt ipse totidem verbis expressit in expositione l. 11. de sponsal. lib. 16. digest. Saluij Iuliani.* nisi placeat magis eiusdem viri præstantissimi sententia existimantis *ad Rubricam de sponsal. ex.* veram interpretationem huius Canonis repetendam esse *ex Can. nostrates. 30. q. 5.* vterque enim desumptus est ex cap. 3. Nicolai primi Papæ, qui auctor illius Canonis consultus à Bulgaris, an matrimonium in sola animorum coniunctione consisteret, an præterea necessaria esset coniunctio corporum, respondit sufficere consensum eorum, non autem necessariam esse corporum coniunctionem, de qua non agebatur tota ea quæstione; Id enim est, quod leges volunt, concubitus non facit matrimonium sine consensu, & consensus tamen facit matrimonium sine concubitu; consensus, inquam, tam eorum, de quorum coniunctione agitur, quam

parentum, quorum sunt in potestate, idque secundum præcepta legum & Canonum, Concilia, & decreta Summorum Pontificum, ex quibus matrimonium contractum à filio, vel à filia, iniussu patris, in cuius potestate est, ipso iure nullum est, quod probatur insuper *Concilio Aurelianensi IV. c. 22. Turon. II. c. 20. Tertulliani lib. 1. ad uxor. & de pudicitia cap. 4. D. Basilij c. 42. Synodo in Trullo, Papa Zachariae epist. 9. ad Pipinum, & Papa Nicolai primi cap. 2. Resp. Bulgar.*

Argumentum secundum, quod ducitur *ex c. 25. ex. de sponsalib.* nihil valet, nam ibi custoditè ait Summus Pontifex contrahi matrimonium per legitimum viri & mulieris consensum, quibus verbis tantum abest ut excludat consensum parentum, quinimò innuit magis esse necessarium, quandoquidem vult illum præstari secundum leges, quæ nominatim exigunt iussum parentum, quorum in potestate sunt, qui coniunguntur. Hoc est notissimum, adde quodd in d. cap. nec vola nec vestigium extat huius rei, ut satis apertè constar ex ipsius contextu.

Plus virium non habet tertium, cuius conficiendi atrepta est occasio *ex cap. 6. ex. de condit. appositis.* Ibi enim proponitur in arbitrium patris per conditionem appositam sponsalibus filiae nuptias collatas fuisse, posteaque pendente conditione rem summam peregissee cum sponso, quâ commixtione corporum certum est induci matrimonium præsumptum, cuius non minor vis, quàm veri, *c. 3. de condit. apposit. c. 30. de sponsal. ex.* eoque casu definitum est iustum esse matrimonium, etiamsi pater contradixerit, cuius tamen contradictio infirmasset desponsationem, si præcessisset mutuum illum congressum, quia sola commixtio non inducit præsumptionem matrimonij, *c. 15. de sponsal. ex.* Hic est verus simplexque sensus illius capituli, ex quo nihil erui potest, vnde cuincatur sine voluntate patris liberos se sua sponte vinculo coniugij ligare posse.

Quod sequitur æquè tremulo fundamento innititur; Nam etsi in *cap. 6. de raptoribus.* vnde depromptum est, Lucius III. dicat nuptias iure consistere inter conuenientes, licet paren-

parentes reclamauerint, vt ait, non tamen adiicit parentes, quorum in potestate sunt ij, qui in nuptias consentiunt, sed parentes intelligit matrem, & auum maternum, vel patrem, qui eos emancipauit, aut potius parentes accepit pro cognatis & affinibus, quorum in nuptiis contrahendis consensus non requiritur, *l. 8. Cod. de nupt.* Sicut parentelæ nomine significatur consanguinitas & affinitas *in cap. ult. de officio iudic. ordinar. in prima collect.* quia rustico & militari verbo, vt *D. Hieronym. aduersus Rufinum* ait, cognatos & affines quidam vocabant parentes, vt hodie in idiorismo Galli, & ita loquitur Capitolinus in *M. Antonino Philosopho*, & in *Macrino Iuniore*, *Lampridius* in *Alexandro Seuero*, *Vopiscus* in *Aureliano* & in *Probo*, *D. Ambros.* in sermone de obitu fratris, *Zeno Veronensis* in sermone de Lazaro, & sæpe *Gregor. Turonensis* in *Hist. Franc.* sicut *in l. 6. Cod. de testib. & l. 4. §. parentem. ff. de in ius vocando.* parentes generaliter accipere debemus cuiuscumque gradus & sexus sint. *Et in c. 13. extra de sponsal. & matrim.* appellatione parentum designantur non genitores, sed cognati & affines. Igitur si puella, de cuius nuptiis agitur, sit utroque parente orbata, cui malit ipsa nubere, tantum spectandum est, nec desideratur auctoritas propinquorum, nisi fortè ea erubescat suam sententiam exprimere, quo casu si varij sint competitores, relinquitur arbitrio iudicis, vocatis propinquis, *l. 20. Cod. de nupt.*

## CAPVT XXIII.

**M**ANEAT igitur indiscriminatim Iure Ciuili & Pontificio veram esse regulam traditam *in l. 2. ff. de ritu nupt.* Nuptias consistere non posse, nisi consentiant ij, quorum in potestate sunt, qui contrahunt, quæ tamen regula quasdam recipit exceptiones. Vna proponitur *in prin. l. 9. cod. tit.* vbi *Vlpianus* ait nepotem auo furente, in cuius potestate est, furor enim non abscindit vinculum potestatis, *l. 8. ff. de his qui sui vel alieni iuris sunt.* vxorem ducere posse, quamuis propter dementiam consentire nequeat, *l. 4. de diuortiis. & l. 22. §. si maritus. soluto matrim. ff.* dummodo patris, qui sapit, intercedat auctoritas, quam tamen ideo nemo bonus necessariam esse dixerit, quòd pater filium habeat in pote-

K

*Duo casus hic notantur, quibus receptum est ob defectum consensus eorum, quorum sunt in potestate qui cœunt, matrimonia non viuari.*

state, nam certum est quamdiu auus viuit, nepotes neptēsque in patris potestate non esse, *tit. quib. modis ius patriæ potest. sol. Instit.* nec fieri potest, vt in sua potestate habeat, qui non est suæ potestatis, inquit Vlpianus *in l. 21. ff. ad l. Iul. de adulter.* Id enim alia ratione fit, ne scilicet inuito suus heres agnascatur; fuitatis igitur, non potestatis iure, quare si neque auus, neque filius furore detineantur, nepote vxorem ducente, verumque consentire oportet, *d. l. 9. & l. 16. §. 1. ff. de ritu nupt.* nisi in casu *l. 3. eod. tit.* quod est suprâ abundè expositum.

Alia exceptio prædictæ regulæ extat *in d. l. 9. §. 1. & l. 11. eod. tit. & l. 12. §. medio tempore. ff. de captiuis & postlim. reuers.* qui loci manifestè probant patre capto ab hostibus, filium rectè matrimonium vel nuptias contrahere posse, quamuis consentire nuptiis pater eius non possit, nam vti-que nec dissentire, & ex eo matrimonio liberos susceptos esse iustos, & in reuersi captiui potestate, vt redierit, suos-que heredes ei quodammodo inuito, cum nuptiis non consenserit, quod & huius temporis conditionem necessitatē-que facere, & publicam nuptiarum vilitatem exigere, ait Tryphonius *in d. §. medio tempore.* Quod tamen statim vt captus est pater ab hostibus, non est concessum filio, sed postquam triennium effluxit, *d. l. 9. §. 1.* quod non est sic intelligendum, vt eo spatio temporis defierit habere filium in potestate, nam captiuitate patris in plenum non soluitur patria potestas, quamdiu vixit pater, nam liberos iure postliminij recuperat, *l. 8. l. 14. §. 1. ff. de captiuis & postlim. reuers.* Imò & ante triennium contractum matrimonium medio tempore captiuitatis patris valet, si vota procreandorum liberorum vrgeant, & filius talem duxerit vxorem, vel filia tali nupserit, vt eius conditionem & affinitatem verosimile sit patrem non repudiaturum, *d. l. 11. & de hoc iure, quod tandem obtinuit, accipienda est d. l. 12. §. medio tempore.* Quod autem primùm constitutum & receptum fuit in captiui liberis vtriusque sexus, id deinde porrectum & productum fuit ad liberos eius, qui abest peregrè, ita vt ignoretur vbi sit, & an superstes sit, hoc est, sicut liberi captiui matrimo-

nium rectè inire possunt, si non intra triennium reuertatur: ita similiter, si pater absit, & nihil quidquam certi de incolunitate, aut morte eius constet; ius est liberis contrahendi matrimonium decurso triennio à tempore absentix patris, *l. 10. ff. de ritu nupt.* quod effectum fuisse constitutione Iustiniani docet dominus Cuius. *ad d. l. 10. lib. 35. ad Edictum Pauli, & ad d. l. 11. lib. 62. Digest. Sal. Iul.*



CAPUT XXIV.

**Q**UOD si pater dederit filixfam. mandatum quærendi mariti, quærendæ conditionis, an illo generali mandato ei potestas faciendi nuptias data intelligitur? Et dicendum videri hanc facultatem illi concessam esse, ideóque si inconsulto patre filia optauerit & iunxerit sibi matrimonio aliquem, non esse iustas nuptias, *l. 34. ff. de ritu nupt.* quoniam deficit consensus parentis, in cuius potestate est, quem adhiberi debere & civilem & naturalem rationem suadere scribit Iustinian. *in prin. de nupt. Instit.* Aliud siquidem est conditionem quærere, aliud in matrimonium collocare, *l. 19. ff. de ritu nupt.* aliud quærere maritum, aliud facere nuptias, *d. l. 34.* sicut aliud sunt conditiones nuptiarum, aliud ipsæ nuptiæ, *l. ult. ff. de sponsal.* Quemadmodum si pater filix generaliter mandauerit, ut nuberet cuicumque veller, eæ tantummodo nuptiæ permixtæ videntur filix, quas verisimile est specialiter patrem permixturum, ac proinde si indignum moribus, vel turpem conditione sponsum sibi elegerit, non valebunt nuptiæ, quia probabile est patrem non permixturum fuisse specialiter filix tali personæ nubere. Et ita videmus generali conventionione pignoris non teneri res, quas neminem credibile est pignori specialiter daturum fuisse, *l. 1. Cod. qua res pignori obligari poss. l. 6. cum tribus sequentibus, ff. de pignor.* ubi exempla earum rerum proponuntur. Quædam tacito iuris intellectu, id est, potestate legis excipiuntur à sermone generali, & ad civilem modum rediguntur, *l. 9. de seruitutib. ff. l. pen. ff. de reb. auctor. indic. possidendis, vel ex mente loquentis, d. l. 6. de pignorib.* Et è contrario inest & continetur aliquando generali mandato speciale, iusta scilicet præsumptione sum-

Generali mandato à patre filixf. dato quærendi mariti, concessa non intelligitur licentia contrahendi matrimonioj.

pta ex voluntate mandantis, ut in *prin. l. 6. de condict. indeb. l. 34. §. si Titium. & l. 87. de solutionib. ff.*

## CAPUT XXV.

De imparibus &  
inaequalibus con-  
iugiis.

**I**N IUSTIS nuptiis adnumerantur ex, quæ contractæ sunt inter disparem dignitatis honestatisque personas, & tanquam iniustæ reprobantur Iure Civili, ut intelligitur ex *l. 23. §. imo etiam, Cod. de nupt. Apul. 6. Metam. Impares nuptiæ, inquit, legitime non possunt videri*, & ita concubinatus dicitur inæquale coniugium, *l. 3. Cod. de natural. liber. & sic in l. 1. Cod. Theod. de collegiatis*, impari matrimonio opponitur iustum. Pares autem vel impares personæ dicuntur genere, conditione, ac moribus, *l. 12. ff. de sponsal. l. ult. Cod. eod. tit. l. 18. Cod. de nupt.* sicut & turpes personæ & indignæ, *l. 3. ff. si à parente quis manumissus sit. Ut contra speciosas & clarissimas honore & dignitate accipimus, l. 100. ff. de verb. signif.* Imparitas verò ratione morum contingere potest, vel propter mores personæ, ut *d. l. ult. & d. l. 18. vel secundum mores & iura ciuitatis, l. 3. Cod. de nupt. l. 16. & 42. ff. de ritu nupt. vel simpliciter secundum mores, l. 8. & 39. eod. tit.* siue autem propter genus, conditionem, mores, aut aliam ob causam omnes abstinere iubeantur à quarundam personarum nuptiis, multò magis abstinere oportet illos, qui honore & dignitate cæteris præstant, *l. 44. §. ult. eod. tit.* Et generaliter definitum est antecedentis gradus homines non posse eas ducere, quas his, qui inferioris dignitatis sunt, ducere non licet, *l. 49. eod. tit.* quamvis permittatur inferioris gradus hominibus ducere eas vxores, quas hi qui altioris dignitatis sunt, ducere legibus propter dignitatem prohibentur, *d. l. 49.* atque ideo licet nuptiæ contrahi non possint inter eos qui sunt senatorij ordinis, aut generis, & libertinos longè impares genere & dignitate, aliosque qui numerantur in *l. 44. eod. tit.* obstantibus legibus Iulia & Papia in id latis ab Augusto, ut testantur Suetonius in eius vita cap. 34. & Dio lib. 54. cuius prohibitionis causa fuit imparitas generis & dignitas stirpis senatoriæ, quæ vilesceret, eiusque splendor obscuraretur per nuptias contractas cum libertinis. Poterant tamen cæteri ingenui libertinam vxorem habere, *l. 23. eod. tit. Lex Iulia Se-*



natorum ordinem intactum & incorruptum seruare studuit à colluione feruili sanguinis, ei tamen curæ non fuerūt cæteræ personæ ingenuæ, cuiuscumque gradus & conditionis essent. Hodie libertæ Senatoribus nubunt rectè, & ex eo matrimonio sui ac iusti liberi nascuntur, *Non. 78.* quia ingenui censentur. Interdictæ ergo sunt nuptiæ Iure Ciuili inter personas dispares honestate, id est, honore conditionis. Conditionis enim æqualitas potissimum spectatur in nuptiis, *Non. 22. §. sed & captiuitas.* Et meritò certè; publicè enim interest pares paribus conditione & dignitate coniungi, *l. 22. Cod. de nupt.* ne occasione harum nuptiarum dedecoretur illustrium familiarum status, & maximè præcauendum est, ne femina nubant imparibus genere & dignitate. Femina enim imparibus turpius se applicant, quàm viri, cùm viri genere nobilitent feminas, vt ait *l. mulieres, Cod. de dignitat.* non etiam femina viros, quibus se adiungunt, adipiscunturque ratione matrimonij mulieres domicilium & dignitatem maritorum, & viduæ retinent, *l. ult. Cod. de incolis, l. femina, 8. Cod. de Senatoribus, l. 12. Cod. Theod. de nauiculariis.* Vxor nupta claro & illustri, dignitatem à viro mutuatur, neque solum mulier viri forum sequitur, *l. 65. ff. de iudic.* sed etiam conditionem & honores, *l. 1. C. de dignitat. Plin. lib. 6. epist. 32.* Contrà verò mulier patricia ac nobilis, inferiori nubens, transiens ad plebem, de sua dignitate deiicitur. Si mulier patricij generis elegerit nupcias plebeij, transit in plebem, & de se quæri debet, quæ nupsit plebeio, atque ita prodidit nobilitatem sui generis & sanguinis: contrà autem si mulier plebeia nupserit patricio, non tantum erigitur honore mariti, sed etiam nobilitatur genere mariti, atque ita proprium genus commutat in genus mariti, *d. l. mulieres, Cod. de dignitat. & d. l. ult. Cod. de incolis.*

Minimè omnium valent nuptiæ, quibus obstat dispar cultus: Vt enim nuptiis obstabat olim ætatis vel conditionis disparitas, vt docet dominus Cuiac. lib. 6. obser. c. 20. ita multò magis obest cultus & propositum dispar, ne scilicet fidelis infidelem ducat uxorem, aut hæreticam Christianus, cùm diuinum cultum huiusmodi nuptiæ impediant, qui par &

omnino similis coniugibus debet esse : *Simul enim ambobus de nocte surgendum, & coniunctis manibus obsecrandus Deus, inquit B. Ambrosius in Can. cane. 28. q. 1. cum infideli nupta Domino Deo satisfacere non possit: Vbi enim statio indicta est, maritus de die condicet ad balneas: si ieiunia observanda sunt, maritus ea die conuiuium exerceat: si procedendum sit, nunquam maior familia occupatio adueniet.* Hæc & plura in hoc genere *Tertullianus lib. 2. ad uxorem c. 4.*

Quid si nobilis stirpis femina vili & abiectæ personæ se iunxerit, an nuptiæ, quæ initio iniustæ fuerunt, poterunt effici legitimæ ex postfacto? Et dicendum posse, nimirum. si ea dignitate exciderit, vt si professa fuerit impudicitiam apud *Ædiles*, si corpore quæstum fecerit, *l. 47. ff. de ritu nupt.* ei enim honor matrimonij seruari non debet, quæ ostendit sibi pudicitiam non esse curæ, hac notâ dedecoris aspersâ vitæ & iniustâ famæ & existimationi, & quod initio non constitit matrimonium, iustum efficitur, vt est in *l. 27. eod. tit.* nec impar & inæquale dici potest. Quod si ingenua mulier nupserit Senatorij ordinis & generis homini? an quæ initio iustæ & legitimæ fuerunt nuptiæ, dissoluentur, si iam contracto matrimonio ipsa operas suas in scena locauerit artis ludicræ & psaltandi cantandive causâ vt ludibrio corporis sui quæstum faceret, *l. 5. C. de Episcopali audientia.* An hæc existimabitur ingenua, quæ se gentemque suam tanta fœditate conspurcauit? an ei seruabitur honos natalium & dignitatis, quo se indignam præstitit scelere suo? Et *Paulus* respondit in *l. 42. §. si postea, ff. de ritu nupt.* Hoc fœdus, in quod se deduxit, & turpitudinem postea supervenientem esse causam iustam dissidij faciendi, ipsiusque dimittendæ: Neque enim honestè & licitè potest Senator illam retinere in matrimonio, quæ honoris matrimonij, matrisfam. cum qua sola nuptiæ honestæ esse possunt, *l. 41. C. 41. eod. tit.* honestatis, suæque conditionis oblita rem tam turpem peragit, & ad infamiam, ac dedecus non tantum familiæ mariti, sed etiam ad contumeliam totius ordinis Senatorij pertinentem, qui ne inquinetur vel allectione abiectarum, turpium, & vilium personarum in Senatum, vel occasione nuptiarum, per quas infamiæ & dedecoris nota fa-

cilè irrepere & diffundi solet in familias, Reipublicæ interest, quod etiam ne contingeret, prospectum esse constat *ex l. 44. cod. tit.*

Quid si ipsa nihil admiserit, ob quod indigna iudicetur, cui honos seruetur, qui exhiberi solet clarissimis & senatoriæ stirpis feminis, sed patris casus superuenerit, an ideo quæ initio vxor fuit, vxor esse desinet? Et dici potest non desinere reiecto hoc inæqualitatis superuenientis colore, *l. 9. de Senator. & l. 34. §. ult. à contrario sensu, de ritu nupt. ff.* quoniam quæsitæ dignitas liberis, propter crimen patris auferenda non est. Et obserua Papinianum in *d. §. ult.* crimen appellare casum patris remoti à Senatu, quia remotio illa fieri non solet nisi propter sordes & turpitudinem, *l. 2. ff. de Senatorib.* quomodo certum est amitti ea, quæ sunt ordinis & dignitatis senatoriæ, *l. 9. cod. tit.* Quæ tamen statum siue conditionem personæ non mutat, sed honorem tantum & dignitatem minuit, *l. 3. cod. tit.* Ratio verò cur crimen vel pœna paterna nullam liberis maculam infligere possit, hæc redditur in *l. 26. ff. de penis.* quia vnusquisque ex suo admissio sorti subiici, nec alieni criminis successor constitui debet, & iniquum esset notam aspersam patri, liberis eius nocere, *l. 17. in fine, ff. de iure patronat.* Denique mutatio status patris, vel amissio dignitatis ea liberis adimere non potest, quæ non habent à patre, sed à genere, à ciuitate, à natura, *l. 3. ff. de interdict. & relegat.*

**D**ENIQUE generaliter prohibitæ sunt nuptiæ ingenuis hominibus cum humilibus, abiectis, & famosis mulieribus, quæ specialiter numerantur in *l. 7. Cod. de incestis & inutilib. nupt. l. 8. Cod. de naturalib. liberis, & l. 48. §. si ignominiosam, ff. de ritu nupt.* Illæ enim omnes, quæ ibi recensentur, & aliæ consimiles, indignæ censentur connubio ingenuorum hominum propter vitam impudicam, abiectam, & probrosam, quam viuunt. Iure, inquam, Ciuili vetitæ sunt nuptiæ ingenuo homini cum famosa & ignominiosa muliere, *d. l. 48. §. si ignominiosam.* cum ea, quæ probrosis iniustis notis, honestioris nobiliorisque personæ decore ac iure priua-

CAPVT XXVI.

Nuptia interdicta sunt ingenuis hominibus iure Ciuili cum turpibus famosis & ignominiosis mulieribus: iure verò Pontificio laudantur quæ eas sibi matrimonio iniungunt.

tur, vt eleganter loquitur *l. 2. Cod. de secundis nupt.* putà cum scenica, quæ se immiscet prostituitque ludis scenicis, nisi, vt est in *l. 23. Cod. cod. tit. resipuerit*, & ad bonam frugem redierit, non quòd hoc iure sola pœnitentia per se sufficiens sit ad abolendam infamiam & turpitudinem, *l. 43. ff. de ritu nupt.* Opus enim est rescripto Principis, cuius solius est notam antractæ vitæ delere auctoritate sua, *d. l. 23. l. 4. Cod. ad SC. Tertyllianum. Cassiodorus: Fas, inquit, est Principi maculosas notas vitiose opinionis abstergere.* Imò scenica mulier, quæ resipuit, cuilibet etiam illustri vel clarissimo potest nubere sine rescripto Principis, quod est nouiter introductum, *Nov. 89. & 117. contra d. l. 23.* quæ rescriptum speciale exigit.

Iure verò Pontificio tantum abest vt huiusmodi nuptiæ reproben- tur, quinimo laudantur magis, vt liquet ex *cap. 20. ex. de sponsal. & matrim.* vbi Summus Pont. ait, si quis mulierem publicam è lupanari extraxerit & vxorem duxerit cupidam recipiendi se ad bonam frugem, laudem in Ecclesia & caritatem consequi, illique hoc nomine delictorum veniam indulgeri, quòd talem mulierem à turpi & flagitiosa vita ad honestiorem matrimonij conditionem reuocauerit.

Publicæ autem mulieres, quæ & vulgares appellantur, in *l. 13. §. sed & in ea. ff. ad leg. Iul. de adulter.* quarum petulantiam & lasciuiam describit *B. Ambros. lib. 1. de Abel & Cain c. 4.* sunt illæ, quæ, vt est in *l. 20. & 22. Cod. ad leg. Iul. de adulter.* passim venalem formam exhibent, ac prostitutas meretricio more vulgò se præbent, pudorem suum alienis libidinibus prosternentes, palam scilicet & publicè se in lupanario cum quæstu vel sine quæstu prostitute sine delectu, *l. 43. ff. de ritu nupt.* & quæ duræ frontis & meretriciæ impudentiæ in suo scelere gloriantur, inquit *D. Hierony. lib. 1. in Osee, c. 2.* quibus connumerandæ sunt, quæ in lupanari aut taberna, aut caupona corpora quæstuararia habent, & mulieres venales siue mercales produnt, *d. l. 43.* vt de marito vxorem mercalem habente proditum est in *l. 5. Cod. de condiç. ob turpem causam, & l. 8. ff. ad l. Iul. de adulter.* Tertullianus in lib. de Patientia in fine de maritis, qui mercales habent

habent vxores, eleganter. *Docuit & suos Diabolus patientiam propriam: illam dico, quæ maritos dote venales, aut lenociniis negotiantes vxorum potestatibus subiicit.*

**Q**VÆSTIONIS est an mulier ex causa adulterij à marito dimissa, postulata, & iudicio publico damnata ab alio vxor duci possit: Et an à marito reduci possit ante damnationem? Quod ad primum attinet, explorati iuris est eum, qui sciens mulierem publico iudicio adulterij damnatam duxit, vel reduxit, teneri pœna lenocinij, eadem scilicet, qua puniuntur adulteri lege Iulia de adulteriis coercendis, quæ de pudicitia appellatur, *l. 9. l. 17. Cod. ad leg. Iul. de adulter. l. 37. in fine, ff. de minoribus, l. 29. ff. ad leg. Iul. de adulter. l. 1. ff. de concubinis* Non potest enim quisquam sine scelere & contagione lenocinij, cuius criminis eadem coercitio & punitio est, quæ adulterij, eam habere vxorem, quam scit publicè damnatam esse violati matrimonij & tori genialis corrupti, *d. l. 37.* Quid dicemus de eo, qui ignorans adulterio damnatam duxit? Et opinor istius ignorantix esse parcendum, dummodo affectata, crassa, & resupina, non sit, hæc enim veniam non meretur, càmque excusare & adumbrare possit prætextu aliquo probabili, *d. l. 29.* Dubitabatur an ex causa adulterij dimissa, domo foras exacta, & relata inter reos, nondum tamen damnata vxor duci posset. Et viuo quidem marito ab alio quoquam duci non posse, donec innocentiam suam purgauerit, respondit Modestinus in *l. 26. ff. de ritu nupt. at mortuo marito, qui eam dimiserat, quæ sit rea adulterij, vel quæ permanet in reatu, ab alio vxor duci potest, sed si damnatam postea eam mulierem in matrimonio retineat, lenocinij pœnâ tenetur, & ita est explicanda l. 11. §. ult. ff. ad leg. Iul. de adulter.* vbi quod de rea adulterij nondum damnata ab aliquo vxore ducta preponitur, hoc modo est accipiendum, nimirum vt fuerit ducta ab eo, mortuo, non viuentis & superstitis marito, quam interpretationem suadet omnino *d. l. 26.* à contrario sensu accepta. Nam qui viuo marito mulierem domo mariti propter adulterium exturbatam vxorem ducit, non minùs quàm mulier ipsa adulterij reatum contrahit ex

## CAPUT XXVII.

*An mulier ex causa adulterij à marito dimissa, accusata, & iudicio publico damnata ab alio vxor duci, & an à marito reduci possit ante damnationem.*

*Constitutione Caroli Magni lib. 7. Capitular. c. 55.*

Quod ad secundum pertinet, dicendum est maritum posse vxorem, quam ream adulterij postulauit, ante damnationem in matrimonium reuocare, siue eam ream fecerit iure mariti, siue iure extranei, *l. 34. §. 1. ff. de ritu nupt. l. 17. Cod. ad l. Iul. de adulter. & l. 3. adhibita interpretatione domini Cuiac. Cod. eod. tit.* sed vt iure eam reducat, id est, sine metu pœnæ adulterij, seu lenocinij, debet petere à Principe abolitionem, id est, veniam reducendæ vxoris, & omittendæ accusationis, quam aduersus eam instituit vana fortè credulitate adductus, & inconsulto calore, *d. l. 34. §. 1. d. l. 17.* Et ita reconciliatio-  
ne factâ inter coniuges idem matrimonium esse videtur, sicut si quæ ob aliam causam repudiata fuerat à viro, ad eundem reuersa fuerit non multo tempore interposito, non aliud, sed idem matrimonium esse dicitur, *l. 33. ff. de ritu nupt.* Tunc enim cessat matrimonium interim magis, quàm extinguitur. Potest igitur maritus vxorem dimissam, nondum tamen damnatam reducere, damnatam verò si reducerit in matrimonium, reus erit lenocinij iure Ciuili, *l. 9. Cod. ad leg. Iul. de adulter.* secus obtinet iure Pontificio: hoc enim iure non tantum dimissam & conuictam adulterij, sed & damnatam reducere potest, manente semper vinculo matrimonij, *can. 3. 32. q. 7.* ideòque si certiozem rationem spectemus, non tam reducit eam in matrimonium, quàm reconciliat, & restituit in gratiam, & reducendo atque in gratiam restituendo laudem in Ecclesia & caritatem consequitur, *c. 9. ex. de sponsal. & matrim. & can. quod autem. 32. q. 1.* sicut qui ex fornice educit meretricem fortè cupidam recipiendi se ad bonam frugem, vt eam sibi adiungat vxorem, *c. 20. eod. tit.*

#### CAPVT XXVIII.

*Tutor neque fili neque filio suo matrimonio adiungere potest pupillam quâdam suam antequam administrata tutela rationes reddiderit, nisi cer-*

**Q**VÆSTIO hæc vertitur inter iuris conditores, an tutor, filiùsve tutoris matrimonium contrahere cum pupilla quondam sua, vel patris sui, & an curator adultam suam vxorem ducere, vel filio suo in matrimonio adiungere possit? Et constat non posse ex *l. 15. de sponsal. l. 36. 59. 66. de ritu nupt. ff. & toto tit. de interdicto matrim. inter pupillam & tuncorem, Cod.* Et hoc ius venit ex constitutione Diui Marci,

*l. 67. §. sed videamus, ff. de ritu nupt. quæ oratio plerumque appellatur, l. 60. in prin. §. quin autem, §. quamvis, & §. ult. eod. tit. quia oratione ad venerabilem cœtum condita est, l. 3. Cod. de legib. & Senatusconsultum atque etiam Senatus siue amplissimi ordinis decretum, l. 1. & 4. Cod. de interdicto matrim. inter pupillam, & tutorem, d. l. 59. & 64. eod. tit. quia Senatusconsulto consecrata & firmata publici Concilij auctoritate. Huius autem iuris duæ afferuntur causæ.*

Prima & præcipua est ratio potentatus, *l. 63. eod. tit.* Nam si interdicta non essent matrimonia inter tutorem & pupillam, sæpe puellis inuitis maximè locupletioribus extorquerentur per impressionem, per terrorem potestatis: inæqualitas personarum libertati impedimento est, quæ potissimum exigitur in nuptiis, *l. 2. Cod. de inutil. stipulat. & l. 134. ff. de verbor. obligat.* Nec videtur ea libertas esse inter tutorem & pupillam, quæ utique semper reueretur & formidat eum, qui tutor est, vel fuit, & facile ab eo circumscribi potest aut terri. Huic igitur prohibitioni causam dedit vis & potestas, siue potentatus, quem tutor habet, & cuius etiam ratio nuptias prohibet inter eum, qui officium administrat & mulierem prouincialem, *d. l. 63.*

Altera causa prohibitionis nuptiarum contrahendarum inter tutorem & pupillam hæc est, quæ sola continetur oratione Diui Marci, ne ratio reddendæ tutelæ cohibeatur, *d. l. 67. §. sed etsi filiusfam.* ne prætextu & velamento coniunctionis, quam tutor malo more affectat, circumscribat pupilla in re familiari, *d. l. 64.* Quamquam autem Oratio Diui Marci & Commodi, & Senatusconsultum, quod ad eam factum est, hanc tantum causam illius prohibitionis assignet, ne puellâ ductâ in familiam tutoris, ipse fraudem administrationis suæ regat, & rationes tutelæ, quas reddere debet, interuertat, quæ ratio etiam efficit ne tutori permittatur adrogatio pupilli, vel pupillæ, *l. 17. ff. de adoptionib.* Non est tamen omnino necessaria, sed probabilis tantum, alioquin paulatim & omnis, qui rationibus reddendis obnoxius esset, impediretur sibi vel filio suo coniungere eam, cui obligatus esset, quod non esse receptum liquet ex *d. l. 67. §. pen.* Et satis incivile vi-

*tit. casibus & idem dicendum est de tutore: potest tamen tutor pupillo suo, & curator adulto suo filiam suam uxorem adiungere.*

sum est eandem prohibitionem porrigere ad eos, qui pro tutore vel pro curatore negotia gerunt, ad procuratorem & gestorem, *l. ult. Cod. de interdicto matrim. inter pupillam & tutorem.*

Illo verò Senatusconsulto, quo cautum est ne tutor, curatorve pupillam vel adultam, vel filio suo, vel sibi nuptum collocet, etiam nepos significatur, *d. l. 59.* Imò omnes liberi continentur, id est, tam adoptiui, quàm naturales. Et adoptiui quidem quamdiu durat adoptio, quia post emancipationem in totum adoptiux familiæ obliuiscuntur: Naturales autem, licet in adoptionem dati fuerint, vel emancipati, *l. 60. §. quamuis, & l. 66. cod. tit.* producta quoque est prohibitio contrahendarum nuptiarum ad liberos tutoris & curatoris, *d. l. 66. §. ult. l. 37. cod. tit.* atque istius productionis & extensionis, quæ facta est à liberis ad liberos, ratio aliunde petenda non est, quàm ex eo, quòd manumissor æqualis patri erga libertum fieri dicatur, *Nou. 78. §. illud verò.* Quasi alter genitor, & qui in nomen etiam suum libertum quodammodo adoptare videatur, & ideo verisimile non est propter venerationem & memoriam pristinx potestatis, & recordationem tam grandis beneficij in se per manumissionem collati patronum suum, eundemque vxoris suæ tutorem vel curatorem coacturum reddere rationes administrationis suæ; ad publicam autem curam pertinet omnem rationem adhibere subueniendis pupillis & adultis, ait Imperator Severus in *l. 2. §. Dñus, ff. qui petant tutores, vel curatores.* quo sensu tutela & cura publicum munus esse dicitur in *tit. de excusat. tutor. vel curat. Inst.* Nam ratione finis, qui non est alius, quàm priuata pupilli, vel adolescentis utilitas, priuatum munus dici potest.

Maneat igitur iustas non esse nuptias inter tutorem & quondam pupillam, quamuis adulta est, antequam scilicet tutor rationes reddiderit, & præterea exierint tempora restitutionis in integrum, intra quæ auxilio Prætoris rationes, quæ redditæ sunt, retractari possunt, qua in re quomodo distet ius nouum à iure veteri, eruditissimè docuit dominus Cuiac. ad *leg. 62. de ritu nupt. lib. 4. Resp. Papin. & in libello, quem com-*



posuit de diuers. temporum præsript. & terminis, cap. 20.  
 Quodd si contrā fecerit tutor, vel curator, infamiam contrahet,  
 quasi de tutela vel cura confessus, id est, minus bona fide in  
 administratione rerum pupilli vel adulti versatus, l. 7. Cod.  
 de interdictō matrim. Nec satis est nuptiis cum filio iam con-  
 tractis, dicat pater se paratum rationes reddere, cū delicta  
 hæc, quæ infamiam inurunt, mutato consilio, nec pœniten-  
 tia facillè purgentur, l. 17. in prin. de adilitio edicto. l. 65. de  
 furtis, & l. pen. de vi bonor. raptor. ff. Verūm aliquid laxa-  
 tum est ex iuris rigore, quo illud Senatusconsultum nritur,  
 d. l. 67. §. 1. Nam receptum est, benigna scilicet interpreta-  
 tione, tutorem posse pupillam suam desponsam à patre, vel  
 destinatam, vel testamento denominatam vxorem ducere,  
 aut eam filio suo in matrimonio adiungere, quasi hoc casu  
 cesset omnis suspicio fraudis, l. 36. & 66. eod. tit. & l. 7. ff. ad  
 leg. Iul. de adulteriis. Idem dicendum est si pater puellæ cū  
 decederet, postulauit, l. 6. Cod. de interdictō matrim. inter  
 pupillam & tutorem. Nam cū in condicione filiæ quaren-  
 da præcipuum patris arbitrium esse debeat, l. 4. Cod. de spon-  
 sal. æquum est ratas esse nuptias, quibus pater auctor fuit,  
 nihil obstante Senatusconsulto, quod rationibus tutelæ tan-  
 tūm prospexit: patris itaque consensu cessat iuris prohibitio,  
 vt & nuptiarum vitium, quod imparitas facit, vitiosa enim  
 sunt impares nuptiæ apud Apuleium 6. Metam. Potest etiam  
 auus, qui tutelam gessit neptis ex filio emancipato natæ, ne-  
 poti ex altero filio eam collocare, siue emancipato, siue ma-  
 nenti in potestate, quod est admissum intuitu affectionis aui-  
 tæ, quæ cū sit par & æqualis erga vtrumque, vel saltem par  
 esse credatur, suspensionem fraudis & doli amouet, d. l. 67. §. 1.  
 Non prohibetur etiam tutor pupillo suo, neque curator adul-  
 to suo filiam suam vxorem adiungere, l. 64. §. ult. eod. tit. l.  
 5. Cod. de interdictō matrim. inter pupillam & tutorem. De quo  
 tamen meritò dubitari potuit; nam gener filij loco est, vt nu-  
 rus filiæ loco, §. affinitatis, Instit. de nupt. & ita socer Ti-  
 berius nurus Agrippinam filiam vocat apud Suetonium, sic-  
 que olim gener focerum reuerbatur, vt quemadmodum  
 more Romano liberi cum parentibus non lauabuntur, ita

neque generi cum soceris, ut Plutarchus observat in M. Catone, & de Imperatore Gordiano Capitolinus: *Socero suo*, inquit, *tantum detulit, ut in familiam eius tanquam filium migrasse se crederet, ut nunquam cum eo lauerit, nunquam illo presente sederit.* Et constat socerum patris loco habitum fuisse ex ea epistola, quam gener socero apud Capitolinum scribit in hunc modum, *Gordianus Aug. Misistheo patri*: & in ipsa epistola: *Mi pater verum audias velim.* At licet gener filij loco sit, & nurus filiae loco, non tamen ideo in proposita specie sequitur ex eo quod prohibetur matrimonio filij tutoris cum pupilla, non permitti filiae tutoris cum pupillo. Ratio differentiae est, quia gener non erubescit exigere rationes à socero, ut nurus, & facilius remittit redditionem rationum nurus, quàm gener, ad id nurum impellente verecundiâ, quæ par & æqualis non est in genero, qui non erubescit cogere reddere rationem administratæ tutelæ.

Quamvis autem de sponsalibus nihil locuta fuisset oratio. Divi Marci, nec nominatim & specialiter cautum fuisset Senatusconsulto, quod est illam subsecutum, tutorem pupillam suam sponsare non posse, vel filio suo despondere, tamen quod orationi & Senatusconsulto deerat, est iusta interpretatione suppletum & additum, *l. 15. ff. de sponsal.* Hac nempe ratione, quæ adfertur in *l. 60. §. quamvis, ff. de ritu nupt.* quia cum qua nuptiæ contrahi non possunt, nec desponderi potest, nisi in casu *l. 38. eod. tit.* ex qua pendet explicatio particulæ, *plerumque*, adiectæ in *d. §. quamvis*, & vice versa, quæ duci potest, iure despondetur: Et placet observare ubiqueque subiicitur particula, *plerumque*, denotari casus singulares exceptos à regula, ut in *§. ult. de legitima agnator. tutela*, & *tit. de legitima patronor. tutela. Instit.* atque, ut sententia & potestas huius orationis produceretur ad sponsalia, factum est à Iurisperitis, quibus permissum est leges interpretari & enucleare, *l. 120. ff. de verbor. signif.* quod & in proposito factum fuisse à Modestino evinci potest ex inscriptione *d. l. 15. de sponsal.* Sæpe fit ut quod legibus, aut Senatusconsultis comprehensum non est, id eadem valitate siue ratione iuris suggerente suppleatur aut interpretatione

Prudentum, aut iurisdictione Prætoris, aut denique constitutione Principis, *l. 10. cum tribus seqq. ff. de legibus*, cuius rei obuia sunt exempla in libris nostris.

**P**ROHIBETUR quoque Officialis mulierem ex ea provincia oriundam, vel ibi domicilium habentem, in qua officium administrat, vxorem ducere, aut filio suo matrimonio iungere, propter potestatem siue potentatum, quem habet, & quo fretus exprimeret nuptias quassibet terrore incusso, *l. 38. §. 7. & 63. ff. de ritu nupt.* Interdictum tamen ei non est filiam suam in se dignam conditionem collocare in ea provincia, *d. l. 38. §. ult.* exemplo tutoris, cui permittitur pupillo suo filiam suam collocare, quamuis ei non concedatur sibi vel filio suo iungere matrimonio pupillam suam, *l. 64. §. ult. eod. tit. l. 5. Cod. de interdicto matrim. inter pupillam & tutorem*, quæ differentia sublata fuit Nou. Leonis 23. cuius epitomen etiam, sententiâque refert Harmenopol. lib. 4. tit. 11. verum eam 15. numerat. Imò si per impressionem petierit sibi vel filio suo nuptias mulieris aut virginis ex ea provincia, invitâ puellâ, aut parentibus eius, hic conatus & faciendi initium non manebit impunitum, licet fuerit sine effectu, ut & aliis plerisque casibus notatis à domino Cuiac. ad Tit. si quacumque pradius potestate, vel ad eum pertinentes, Cod.

CAPUT XXIX.

*Interdictum est Officiali & Receptor provincie vxorem ex ea ducere quando officium exercet, & administrat, vel filio suo quære conditionem in ea, filia potest. Imò & sponfare sibi, & despondere filio semper officij & administrationis nihil vetat provincialem mulierem.*

Hæc autem prohibitio locum non habet in sponsalibus, nam quamuis nemo eius provincie vxorem ducere possit, in qua officium gerit, non vetatur tamen sponsare, *d. l. 38.* neque obstat quod est in *l. 60. §. quamuis, ff. de ritu nupt.* eam desponderi non posse, cum qua nuptiæ contrahi non possunt, quoniam, ut iam obseruavi, particula, *plerumque*, quæ ibi apposita est, satis apertè demonstrat exceptionem propositam in *d. l. 38.* nec aliò referendam esse probabile argumentum inde sumi potest, quòd utriusque legis auctor sit Paulus. Ratio verò cur quæ iure duci non potest, tamen iure despondeatur, hæc esse videtur, quoniam rector provincie, vel qui in ea officium administrat, non creditur potentatum exercere in constituendis sponsalibus, ut in contrahendis nuptiis, & licebit

desponsatæ renuntiare conditioni, & alij nubere, si post officium depositum noluerit cum eo nuptias contrahere, idque faciet impunè, simplis tantummodo arthis, quas accepit, sponso redditis, nihil deponso pœnæ nomine, *d. l. 38. cum qua ne pugnet l. unica, Cod. si Rector provincie vel ad eum pertinentes.* adhibenda est interpretatio *domini Cuiac. lib. 4. observat. c. 22.* neque tenetur in duplum, etiamsi ipsa det causam repudio, quia præsumitur non sua sponte fecisse sponsalia cum eo, sed coacta & territa viribus officij, atque ideo liberatur reddendo simplum. Sin autem maluerit mulier illud matrimonium implere post depositam administrationem, cuius, tempore potestatis, mentio & repromissio facta est, quodque arthis obligatum est, id facere non vetatur, *d. l. vn.*

Poterit etiam Officialis quamdiu provincie præest, eam ducere uxorem, quam ante susceptam administrationem despondit, *d. l. 38.* quoniam huic matrimonio potentatum initium præbuisse dici non potest, cuius ratio prohibet nuptias inter eum qui officium publicum in provincia gerit, & mulierem provincialem, *l. 63. ff. de ritu nupt.*

Non potest, inquam, is, qui militat, vel magistratum, dignitatémve exercet, aut publico munere fungitur in aliena provincia, ex ea uxorem ducere, & si duxerit, ipso iure nullum erit matrimonium, utpote contractum contra mandata & constitutiones Principum, *l. 65. eod. tit. iuncta l. 5. Cod. de legibus.* Efficitur tamen iustum, si post depositum officium in eadem voluntate coniuges perseverauerint, & liberi postea ex ea coniunctione procreati censentur iusti & legitimi, *d. l. 65. l. 6. Cod. de nupt.* Aliam verò rationem antè natorum esse censent omnes ferè Interpretes: Nam existimant hos perseverantiâ, constantiâ, aut voluntate coniugum iustos non effici, ideo scilicet, quia, ut ipsi opinantur, eorum voluntas non retrahitur: sicut consensus patris postea superueniens id non facit ut liberi suscepti à filios. ex eo matrimonio, quod patre inconsulto contraxit, iusti & legitimi habeantur, sed illi dumtaxat, qui nati sunt post consensum præstitum à patre, qui non retrahitur, sicque intelligendam esse putant *l. 5. Cod. de nupt.* Ego verò, quod pace præstantissimorum virorum

virorum dictum sit, puto, utroque casu omnes indistinctè liberos, id est, tam ante, quàm post confirmationem susceptos hodie iustos & legitimos habendos esse, quia hodie ratihabitio, siue confirmatio hæc retrahitur ex *l. 25. Cod. de donat. inter vir. & uxor.* Per hanc enim nouam Iustiniani constitutionem omnis confirmatio per ratihabitionem retrahitur, sublata subtili differentiâ veterum inter ea, quæ sunt iuris, & ea, quæ sunt facti.

**Q**UÆSTIONIS est an vis, vel metus impedimento sit nuptiis iure contrahendis. Cuius quæstionis profligandæ & decidendæ causâ placet cum Alexandro III. Summo Pontifice in *cap. 6. de sponsal. & matrimoniis. extra.* constituere differentiam inter vim & vim. Vis duplex est, vna atrox, siue maior, quæ sit contra bonos mores, & quæ constanti viro cum timorem incutere potest, quem Fulgentius magisterianum appellat, & Ulpianus in *l. 5. ff. quod metus causa.* maioris malitatis, cuiusmodi est metus mortis, & cruciatus corporis, *l. 3. ff. ex quib. caus. maior.* quæque, ut Paulus definiuit *lib. 1. sent. tit. 7. & l. 2. ff. quod metus causa.* est maioris rei impetus, qui repelli non potest, id est, quem à se quis propulsare non potest, & quidquid per hanc vim factum est, nullius momenti est, *d. tit. 7. & l. pen. ff. quod metus causa.* & ideo nuptiarum, quæ ita per vim extortæ sunt, exceptio iustissima est, *c. 15. & 28. ex. de sponsal. & matrim.* quia nuptiarum substantia consistit ex consensu tam Iure Ciuili, quàm Iure Canonico, eoque soluto & libero, *c. 13. 24. & 25. eod. tit. c. 5. de condit. appositis. extra. & l. 11. ff. de sponsal.* Nihil autem magis contrarium est consensui, quàm violentia, quare si mulier probauerit se in virum quidem consensisse, sed coactam metu maiore quodam, quo terreri potuisset etiam constantissimus vir, impediatur matrimonium, quod liberum consensum non habuit mulieris, *d. c. 28.* Matrimonium tali metu contractum ipso iure inutile est, nec ad id rescindendum opus est actione, ut in cæteris causis, in quibus metus interuenit, quæ non ipso iure vitiantur, sed per actionem, vel exceptionem metus reuocantur eâ ratione, quòd metus

CAPVT XXX.

*Nuptia, qua per vim atrocem, vel metum maiorem extorta sunt, ipso iure nulla sunt.*

M

habeat in se aliquid voluntatis, & , vt aiunt, coacta voluntas est voluntas, Iure scilicet Ciuili, *l. 22. ff. de ritu nups.* Sed quia præter consensum, qui alioqui in omnibus negotiis exigitur, *l. 1. ff. de pact. in matrimonio* summa libertas desideratur, *c. 14. & 17. ex. de sponsal. & matrim.* Quintilian. declamat. 257. *Nusquam, inquit, libertas tam necessaria, quàm in matrimonio est. Quis enim amare alieno arbitrio potest?* Et licet nuptiæ vi aut metu maiori elicitæ non valeant, possunt tamen conualescere ratihabitione & consensu postea adhibito, quo modo vitium, quod initio interuenit, emendatum intelligitur, *c. 21. cod. tit. & c. 4. ex. qui matrim. accusare poss.*

Altera vis est leuis, quæ verbis dicitur, non manu fit, qualis fuit vis ciuilis & festucaria, quæ olim in vindictis peragendis adhibebatur, *vt docet Gellius lib. 20. c. 9.* qualis etiam est ea vis, quæ tutori in pupillum est Iure Ciuili data ac permessa, *l. 1. ff. de tutelis.* Et mulier, cui hæc vis illata est, frustra causatur nolentem se & repugnantem perductam fuisse in domum mariti, & sine ratione postulat quasi vim passa matrimonium rescindi, cum fuerit in eius potestate eam vim, quæ vera & solida non fuit, dissentiendo effugere, & eo quod non repugnauerit, cum ei esset licentia contradicendi, tacitè consensisse videtur, qui qualisqualis consensus sufficit, vt talis allegatio refellatur. Idem dicendum est de vano timore, cuius iusta excusatio non est, nec æstimatio vlla, *l. 13. de re iudiç. l. 184. de regul. iuris.* Sic in edicto quod metus causa leuis & vani timoris non habetur ratio, putà infamiæ vel vexationis alicuius, sed tantum iusti & grauis metus, veluti mortis, cruciatus corporis, seruitutis, dedecoris, *l. 3. & seqq. ff. quod metus causa,* & in edicto ex quibus causis maiores, ex ea parte quod quis metu abesset, *l. 1. ff. ex quib. causis maiores.* Et quod dicitur in *l. 21. ff. de ritu nups. & l. 12. Cod. de nups.* patrem compellere non posse filium, inuitum ad ducendam vxorem, vel si patre cogente duxerit, nullum esse matrimonium, hanc interpretationem recipit, si semper reclamauerit, & resisterit voluntati patris, nam quamuis ab initio coactus fuerit, si tamen consensit tandem, & se vinci passus est, maluisse

videtur, *l. 22. ff. de ritu nupt. & c. 1. de desponsat. impuber. ex.* eodémque adhibito moderamine temperandum est quod apud Quintilian. declam. 376. de libertate matrimoniorum contra parentem differens filius ait: *Nescis nostri arbitrij esse matrimonia: affectus nostri nobis non seruiunt; non potes efficere imperio, ut vel amem quam velis, vel oderim.* Quare cum non quælibet vis sit eiusdem generis, aut ponderis, aut momenti, debuit Eberardus Paduanus Episcopus Alexandrum Pontificem in *d. c. 6. de sponsal. & matrim.* consulens exprimere liquidò & apertè in consultatione sua, quo modo, quòve genere vis fuerit illata mulieri, quæ conqueritur per vim se coactam fuisse ad contrahendum matrimonium; quod cum obscuriùs & inexplicatiùs proposuerit, quæstionem indecisam relinquit Summus Pontifex, negatque de re dubia & incerta se quicquam certi statuere & decernere posse; atque eodem ferè modo respondet incertæ huic consultationi, quo Imp. Diocletianus & Maximianus in *l. 15. Cod. de transact.* ut responsum, inquirunt, congruum accipere possis, inferre pacti exemplum. Hæc quidem modesta responsio, sed paulò durior & acerbior reprehensio est ineptæ & stultæ interrogationis in *l. 27. ff. qui testam. fac. poss.* Potuisset quidem Pontifex quæstionem incertam distinguendo diluere, ut in *c. 13. de restitut. spoliator. ex.* & aliis locis ibi à Glossa citatis; sed meritò etiam reicere potuit consultationem *ἀορίστος* & indefinite propositam, nec potuit certum dare responsum incertæ propositioni.

**Q**UÆRENTI & percontanti intra quod tempus liceat inmanenti in patria, altero coniuge vel hostium potito, vel peregrinante, ad alia vota conuolare, respondere placet cum Clemente III. ex *cap. 19. ex. de sponsal. & matrim.* quæ epistola decretalis integrior & elegantioribus verbis edita extat in 2. compilat. c. 3. connubio destitutè ei esse interdictum, donec certum de morte ipsius nuntium acceperit, quamvis cum septennio aut longiore tempore expectauerit: Nulla enim quantumlibet diuturna alterutrius coniugum absentia alius fidem absoluit, & liberat, nec ex absentia prolixitate

## CAPUT XXXI.

*Nuptia preproperè & festinanter contracta ab uxore capiti, vel peregrinanti, aut n. i. tantis ante certum nuntium de eius morte acceptum, i. p. s. i. u. r. e nulla sunt, tam iure civilis, quam Canonico.*

sola sumitur præsumpcio iusta mortis; certo nuntio opus est, ex quo constet de morte eius, qui captus est ab hostibus, vel abest peregrè: magnas & longas fuisse peregrinationes apud Veteres docet Iustinianus *sic. de Codicillu. Inst.* Quandiu nihil quicquam certi est de incolumitate aut morte eius, tandiu nuptiæ veritæ sunt cum alio: vel si quis fortè præmaturè non expectato certo nuntio, quod addere licet ex *cap. 2. de secundis nupt. ex.* cum alio, aliæve matrimonium contraxerit, prouocari quidem ad rem à secundo coniuge poterit, non etiam prouocare, id est, exigere maritale debitum. Certum itaque est mulierem marito capto & detento ab hostibus, vel peregrè profecto, ius non habere contrahendi secundi matrimonij etiam decurso longissimo tempore, quandiu ignoratur vbi sit, & an superstes sit, id est, nullâ verisimili præsumpcione mortis existente, *ut est in cap. ult. §. si autem. ex. ut lise non contestata non proced.* nulloque sospitatis indicio, *ut loquitur l. 7. Cod. de repudiu.* quæ Iuris Pontificij definitio congruit cum notissimis Imp. Constitutionibus, *cum Iustiniani Nou. 117. cum Leonis Philosophi Nou. 33.*

Olim Iure Ciuili satis erat mulierem expectare maritum quinquennio, post quinquennium sine metu adulterij poterat ad alias nuptias migrare, *l. 6. ff. de diuortis, & Non. Iustin. 22.* quasi primo matrimonio dirempto bonâ gratiâ, quæ præscripto quinquennij etiam significatur, *l. 8. de capt. & postlim. reuers. ff.* putâ his verbis, post constitutum tempus, id est, post quinquennium, quam præscriptionem sublatam esse hodie *dictis Constitutionibus Iustiniani 117. & Leonis 33.* notissimum est, idque conuenienter sacris Canonibus, quibus nominatim cautum est nullo vnquam tempore mulierem posse alij nubere priusquam certum de morte viri nuntium acceperit, *d. c. 19. & can. cum per bellicam. 34. q. 2.* & quæ contra præscripta Canonum nubit, antequam certiorata sit de morte mariti, vix est vt adulterij criminis culpam deprecari possit, certè ad priorem virum reddere cogenda est, *d. can. cum per bellicam, & c. 2. de secundis nupt. ex.* Additur tamen illa exceptio in *cap. 8. qui filij sint legitimi. ex.* nisi mulier captiui, quæ mansit in ciuitate, post decennium permissu



Episcopi alij nupserit. Permissus Episcopi iustum facit matrimonium, quod alioquin iniustum foret. Permissio Ecclesiæ, venia Ecclesiæ iustas nuptias, & iustos liberos facit, *c. 10. eod. tit.* Glossa obseruat diuortium eo casu factum non ob diuturnam absentiam, sed ob secretius aliud aliquod impedimentum, cuius maritus ipse tandiu absens conscientiam prodidit, quæ est mera diuinatio. Imò ex sententia Papiniani in *l. 11. §. mulier, ff. ad leg. Iul. de adult.* si longo tempore transacto, cuius definitio est in arbitrio iudicis, quo mulier expectauit virum absentem, & falso rumore decepta, quasi soluto priore matrimonio morte mariti, alij nupserit bona fide, extra crimen est, sed distractâ secundâ coniunctione, restituenda mulier priori reuerso marito, quam sententiam & Leo Pontifex probat in *d. can. cum per bellicam*: quo casu etsi dissoluatur matrimonium, nulla tamen subest causa dubitandi quin liberorum ex eo conceptorum & natorum status non sit conseruandus, pro iis militante & patrocinate bonâ fide parentum.

Neutro ergo iure captiui vxor quandiu constat viuere, aut incerta est mors mariti agentis apud hostes, ad alias nuptias transire potest, quod plenius etiam & apertius repetitum *d. Non. Leonis 33.* vbi in vxores captiuorum arctius & seuerius ius inducitur, quàm *d. Non. 22. Iustiniani*, qui mulieribus secundas nuptias permittit, non tantum si de mariti morte certius & exploratius constiterit, sed etiam fato incerto, ita vt si de marito superstitie, an mortuo animi dubia & hærens vario euulgato rumore quinquennium totum exegerit, ad secundas nuptias liberè transeat, in *§. sed & captiuitas.* Leo seuerius & rectius non incerto rumore, sed certo & indubitato nuntio fide exploratâ captiui iam mortui, vxori liberas facit secundas nuptias, non rumore, quamcumque latè dissipetur & increbrescat, vt nihil hoc casu profit lapsus quinquennij, quem in hoc incerto sufficere putat Iustinianus ad matrimonium soluendum in *d. §. sed & captiuitas.* & quod Leo constituit, probatum est iure Pontificio, vt sola captiui morte dirimatur matrimonium, non absentie vlla diuturnitate, quod & Carolus Magnus statuit in vxores eorum, qui priuatis inimicitis

& domestico periculo territi patriâ emigrant: mulieribus enim, quamcumque diu virorum absentia protrahatur, secundæ nuptiæ sunt prohibitiæ, *lib. 5. Capitular. c. 6.*

Et quod in vxores captiuorum induxit Leo, id multò antè in vxores militum Iustinianus ipse constituit. Etenim licèt in castris multo tempore egerit vir militaris, quamcumque frequens de eius morte sermo iactetur, ad alias nuptias vxor domi agens non transit, nisi vbi de morte certò constiterit, quod sit adito Tribuno numeri, in quo militauit, qui Tribunus adhibitis commilitonibus, aut aliis integræ fidei testibus iuratis mortuum esse, de cuius fato quæritur, literis suis vxori aut cognatis mortem significat, cuius nuntij fide & auctoritate ad secundas nuptias mulier transit, non statim, sed anni spatio interposito subducendi & computandi à die, quo de mariti morte certus hic nuntius est allatus, *Nov. 117.* Neque enim vxorum affectui & desiderio sic oportet indulgere eos, qui Reipub. militant, vt signis auocentur, sed nec eos, qui ex causa quacumque publica absunt, & potius sit maritos peregrinantes citra causam militiæ vxores sequi, quàm delinimento villo muliebri publica commoda impediri, quò valde pertinent, quæ scribit *B. Gregorius lib. 6. registri epist. 34.* Prior ergo fuit Iustinianus ad seruandum in matrimonium militi ex publica causa absenti, ne incerto rumore & absentia quamcumque diutinâ vxore destitueretur, quam amittebat captiuus ex causa & casu aliquo priuato, lapsu quinquennij, si de eius morte rumor etiam incertus frequentior increbuisse, quem tamen in hoc militi *Leonis Nov. 33.* & iure Pontificio exæquari liquidum & compertum est ex superioribus.

## CAPVT XXXII.

**N**U. n. c. sequitur, vt videamus à quarum personarum nuptiis sit abstinendum vel ratione sanguinis, vel affinitatis veneratione, quibus gradibus, & inter quas personas incestum committatur. Et primùm constat nuptias tanquam nefarias & incestas prohiberi iure gentium, quod & naturale dicitur, & morum appellatione continetur, *l. 8. & l. 38. ff. de ritu nuptiar.* inter eos, qui sunt ex gradu ascendentium vel descendendum, siue proximi, siue vltioris gradus sint, v-

*Nuptia inter parentes & liberos & eos, qui parentum & liberos loco sunt, prohibentur in infinitum. siue naturalis, siue adoptionis commento affinitatis nexu siue consueti.*

que ad infinitum, §. *ergo non omnes*. *Instit. de nupt. Vlpian. §. in Fragment. regular. l. 53. & ult. ff. de ritu nuptiar.* Coniunctio igitur inter parentes & liberos est nefaria & incesta, damnata, & reprobata omni iure. Ab ea enim natura abhorret, *ut declarat Iustinianus in Non. 12.* càmque bruta quædam animantia auerfantur, ut ipse ait d. Nou. 12. cuius rei exemplum extat apud Plinium lib. 8. natural. histor. c. 42. & Varronem lib. 1. de re rustica, c. 7. Cuius prohibitionis tres causas affert *Plutarchus in Questionibus Romanis*, quarum primam *D. August. in can. 1. 33. q. 1.* probat, nempe nihil opus esse maiori necessitudine, quàm quæ sanguinis est: cui convenienter Papinianus in *l. 38. §. 1. ff. ad leg. Iul. de adulter.* existimat huiusmodi nuptias non posse contrahi sine contumelia sanguinis.

Neque is tantùm incestum committit, qui vxorem ducit ex gradu ascendentiũ, vel descendentiũ, sed etiam qui ex numero eorum, qui ad vicem parentum, aut liberorum accedunt, *d. l. 53. & 56. eod. tit. §. item amitam. & §. affinitatis quoque, Instit. de nupt.* quare si priuignus nouercam suam vxorem ducat, incestum committitur, *d. §. ergo non omnes, & in prin. l. 12. ff. de ritu nupt.* quoniam nouerca penè mater est, à cuius nuptiis abstinere nos iubet ratio naturalis, pudor, & sanctitas, imò eius feminæ coniunctionem, quæ fuit in concubinato patris, appetere leges prohibent, quia concubina nouercam imitatur, *l. 1. §. pen. ff. de concubinis.* Non fert etiam pudor, ut eam filius adoptiuus quantumuis emancipatus vxorem ducat, quæ pridem ei quasi nouerca, quasi mater fuit, quæ tempore adoptionis imaginem & speciem matris vel nouercæ referebat, *l. 14. in prin. & §. nunc videamus, in fine, ff. de ritu nupt.* remanente memoria aut vestigio quodam ex pristino iure consulendus *dominus Cuiac. lib. 23. obseru. c. 36.*

Quid si filius vel naturalis vel adoptiuus patris non vxorem, sed quondam sponsam matrimonio sibi copulauerit, an valent nuptiæ? Et ait Vlpianus in *l. 12. §. 1. eod. tit.* non valere. Ratio dubitandi: Quoniam nuptiæ interdictæ non sunt nisi inter eos, inter quos est cognatio & affinitas: hæc verò con-

iungitur ex nuptiis, non etiam ex sponsalibus, *l. 4. §. sciendum, ff. de gradibus & affinibus*. quare permissæ videntur inter filium & sponsam patris, cum nulla inter has personas intercedat cognatio, aut affinitas. Ratio decidendi est, propriè quidem affinitatem contrahi ex iustis nuptiis, sed minus propriè etiam constitui ex sponsalium causa, vnde fit vt socrum dicamus patrem sponsi, socrum matrem sponsæ, nurum sponsam filij, *d. l. 12. §. 1. d. l. 14. §. ult. l. 6. & 8. ff. de gradibus & affinibus*, & contineatur nonnunquam sponsa vxoris appellatione, & sponsus mariti, *l. 4. ff. de fundo dotali, l. 5. Cod. de bonis quæ liberis*. atque in hoc iure habita est ratio istius qualisqualis affinitatis, quæ ex sponsalibus acquiritur, quæ efficit, vt neque filius patris, neque pater filij, sponsam, nec post mortem patris, aut filij, qui excessit ante nuptias contractas, vxorem ducere possit, quod sit illi loco nouerca, aut nurus vice, licet neque nouerca, neque nurus verè dici possit, nuptiis non secutis, *d. l. 12. §. 1. Vitricus & nouerca sunt parentum loco, priuigni, priuignæque, necnon filij eorum locum obtinent liberorum, d. §. affinitatis, §. socrum, cod. tit. l. 40. ff. de ritu nupt.* socer quoque & socrus, profocer, profocrus, absocer, absocrus, & deorsum versum, nurus, gener, pronurus, progener, abnurus, abgener parentum & liberorum loco sunt, *d. §. affinitatis, & d. §. socrum, & l. 16. ff. soluto matrim.*

Item patruus, auunculus, amita siue patertera, & matertera parentum loco sunt, fratris aut sororis filius, filia, nepos, neptis, pronepos, proneptis, liberorum, *d. §. item amitam. l. 39. ff. de ritu nupt.* atque ideo inter has personas nuptiæ consistere non possunt iuxta verissimam iuris definitionem, quæ vult inter parentes & liberos, & eos, qui parentum, liberorumve loco inuicem habentur infinitè, cuiuscumque gradus sint, connubium esse non posse. Quapropter si auunculus sororis, patruus fratris filiam duxerit vxorem, illicita erit coniunctio, *§. fratris verò. Instit. de nupt. l. 17. Cod. de nupt. l. ult. Cod. de incest. nupt. Caus. lib. 1. Instit. c. 4.* Verùm relaxatâ priscâ castitate, licitæ fuerunt nuptiæ in tertio gradu, nimirum inter fratrem & fratris filiam, non etiam inter fratrem

&amp;

& sororis filiam, *ut peritissimè docuit dominus Cuiac. lib. 13. obseru. c. 16. ex Vlpiano in Fragment. regular. tit. 5. cum hac enim neque matrimonium neque concubinatus fuit vnquam permixtus, ut facile est colligere ex l. 39. & 56. ff. de ritu nupt. l. 38. §. 1. ff. ad leg. Int. de adulter. l. ult. ff. de condit. sine causa. & l. 52. §. 1. ff. de ritu nupt.* vbi auctores loquuntur de sororis filia, nepte, pronepte, non de fratris filia, de auunculo, non de patruo. *Extat epistola Dini Ambrosij 66. ad Paternum, lib. 8. in qua ostendit nuptias inter auunculum & filiam sororis, quam neptem appellat, esse iniustas, propterea quod, inquit, auunculus loco aui habetur, & filia sororis loco neptis, easque & lege diuina, & lege humana esse damnatas; & quòd Dio & Xiphilinus scribunt Neruam vetuisse ne quis duceret τὴν ἀδελφίδαν, intelligit sororis filiam, non fratris: neque enim hoc ius mutauit Nerua, sed posteriorum Imp. constitutiones hanc differentiam sustulerunt, ita ut non liceat hodie vllam ex tertio gradu vxorem ducere, d. §. fratris verò, Inst. de nupt. l. 17. Cod. eod. tit. l. ult. Cod. de incest. nupt.* Quam in rem scribit Cornel. Tacitus in lib. de moribus Germanorum, in Germania eundem sororum filiis apud auunculum honorem esse, qui apud patrem est. Fertur & Theodos. Imp. patruum coluisse tanquam genitorem, & fratris mortui, sororisque liberos habuisse pro suis, Sextus Aurelius in Theodosio. Primus Claudius Imperator causam dedit Senatusconsulto, quo permixtum fuit nuptias contrahere cum fratris filia, & auctoribus Patribus Agrippinam Germanici fratris sui filiam duxit vxorem, quasi nulla lege prohiberetur, expedirétque Reipublicæ, *apud Tacitum lib. 12. Annalium, & Zonaram Tomo 3. & ad leuandam minuendamque facti tam insolentis inuidiam Senatusconsultum nundinatus est, quo omnibus promiscuè talis coniugij licentia fieret, ut scribit Suetonius in Claudio c. 26.* Sed tandem hoc Senatusconsultum à sequentibus Imp. sublaturum est, *l. nemini, Cod. de nuptiis, & l. ult. C. de incest. nupt.* illudque ius durauit vsque ad Constantinum & Constantem, qui primi ius vetus reduxerunt, penà capitali irrogatà iis, qui fratris vel sororis filiam sibi iunxerint matrimonio.

## CAPUT XXXIII.

*Nuptiæ inter collaterales, siue proximi, siue ulterioris gradus sint, sunt permixtæ iure naturali, vel gentium; Iure Civili prohibita inter fratrem & sororem germanam, vel uterinam perpetuò, adoptivam verò ad tempus.*

**Q**VI coniuncti sunt ex transverso gradu seu latere, non prohibentur se inuicem iungere matrimonio iure naturali, vel gentium, sed constitutione civili, l. 35. ff. de verbor. obligat. Nam frater non prohibetur in matrimonio habere sororem iure naturali, quod commune est omnibus hominibus, estque gentium quarundam moribus receptum, atque institutis Atheniensium liberum fuit germanam sororem ducere, prohibitum tantum uterinam, *ut testatur Philo lib. 2. de legibus.* Vnde Cinionem primarium virum Atheniensem ex instituto suæ ciuitatis connubio sibi iunxisse Elpinicem sororem germanam scribit Æmilius Probus in eius vita. At ex Demosthene constat multis in locis licuisse Athenis uterinam uxorem ducere, non germanam. Plutarchus in Themistocle refert filium ipsius Themistoclis duxisse sororem germanam. In Ægypto profusior fuit huiusmodi licentia, qua non tantum germanam, sed & uterinam, atque adeò consanguineam ducere liberum fuit, vel Dione teste lib. 43. Hinc eleganter Seneca, Athenis dimidium, Alexandriæ totum, quoddam illic altero tantum latere, Alexandriæ utroque latere coniunctam uxorem ducere licuerit, in ludo de morte Claudij Cæsaris. Non me fugit doctissimum Cuiacium in l. 38. ad leg. Iul. de adulter. lib. 36. Quæst. Papin. explosa Æmilij Probi cætorumque opinione existimantium Athenienses in matrimonio sorores suas habuisse iure licito, affirmare eas coniunctiones populum Atheniensem non admisisse contra suæ ciuitatis & omnium gentium instituta, iurisque naturalis præcepta. Non me latet etiam eundem virum magnum contrarium asseruisse in Comment. ad Tit. de incestis nupt. Cod. & in eam rem usum fuisse testimonio Demosthenis; quæ sententia placeat magis, ex qua efficitur has nuptias non esse veritas iure gentium: quod etiam confirmari potest ex eo quod Spurius Ligustinus ait patrem sibi in uxorem dedisse fratris sui filiam, apud Liuium lib. 42. Imò Herodotus scripsit lib. 5. Anaxandridam Spartanum sororis filiam sibi connubio iunxisse, sed cum multos annos egissent ingrato, quia sterili, coniugio, postea bonâ gratiâ eo distracto, ille ex alia muliere, illa ex

alio viro sobolem numerosam & florentem sustulerunt.

At Iure Ciuili non licet sororem ducere, siue consanguineam, aut germanam, aut vterinam: hoc enim iure nefarium & illicitum est coniugium cum sorore, siue naturalis sit, siue adoptiua, *autōre Cato lib. 1. Instit. c. 4. & Iustin. in §. inter eas, Instit. de nupt. l. 1. Cod. Theod. de incest. nupt.* In quo tamen distinguere oportet sororem naturalem ab adoptiua; cum illa enim perpetua est nuptiarum prohibitio, cum hac temporaria; siquidem fraternitas quæ sita per adoptionem eò usque dumtaxat impedit nuptias, donec manet adoptio; nam eà solutâ solitis & constitutis modis, nihil vetat quominus uxorem ducam, quæ olim mihi fuit soror per adoptionem, vt locis suprâ citatis, *l. 17. ff. de ritu nupt. & l. 9. in fine, ff. de liberis & postumis.* Adoptio quamuis naturæ adsimiletur, ea tamen longè infirmior est in plurimis causis, §. *in plurimis. Instit. de nupt.* Ratio verò propositæ differentiæ, quod pertinet ad nuptias, hæc esse videtur, quoniam adoptio ius tantum agnationis, quod emancipatione, vel aliâ quâcumque capitis deminutione perimitur; natura verò ius sanguinis affert, quod nullâ status mutatione perit, *l. 23. ff. de adoption. l. 3. unde cognati, & l. 8. de regul. iur. ff.* Immutabile quippe est quod naturâ constitutum est, mutabile, quod commento quodam Iuris Ciuilis constat, qualis est adoptio, *l. 76. ff. de condit. & demonstrat.* vel, vt explicatiùs dicam, cognatio ciuilis, quæ per adoptionem contrahitur, ita emancipatione euanescit, vt nullum eius remaneat vestigium; cognatio verò naturalis durat inconcussa, & consequenter licet per emancipationem soror naturalis desinat esse eiusdem familiæ, non desinit tamen esse soror: vno verbo, ea, quæ sunt Iuris Ciuilis, tolluntur, non etiam ea, quæ sunt iuris naturalis, cuius potissimum ratio habetur in contrahendis matrimoniis, *Theophil. in §. sed si qua, Inst. de nupt.* firmiori & arctiori vinculo ligat & astringit natura, quàm adoptio, & absurdum esset dicere idem præstare commentum iuris, id est, adoptionem, vt loquitur *d. l. 76.* quod præstat naturæ veritas, vt loquitur Papinianus in *l. 23. ff. de liber. & postum.* Adoptio est imago naturæ, & ideo qui sunt adoptiui,

per umbram quandam eiusdem sanguinis esse censentur. Hæc tamen distinctio non seruatur in amita, & amita magna, nam etiam post finitam adoptionem durat prohibitio *l. 17. §. ult. ff. de ritu nupt.* Et hoc non graduum, sed personarum qualitatis & verecundiæ ratione interdictum: habentur enim parentum loco, §. *item amitam. Instit. de nupt.* ac nullo tempore permittuntur nuptiæ cum illis, quæ parentes sunt, vel esse intelliguntur, siue proximi, siue vltioris & remotioris gradus sint, *l. 53. ff. de ritu nupt.* atque verecundiæ & pudoris etiam ratione prohibetur is qui suscepit aliquam ex sacro baptismo, eam uxorem ducere, quia & est loco filix, *l. 26. Cod. de nupt.*

## CAPUT XXXIV.

*De differentia, quæ est inter cognationem quasiam per adoptionem, & naturalem, & de effectibus qui inde consequuntur.*

**I**N adoptione ea demum cognatio contrahitur, quæ ciuili & legitima est, id est, quæ agnatorum ius habet, non ea, quæ naturalis tantum est, *l. 12. §. ult. cod. tit.* Hæc enim in adoptiuis non naturam consistit, sed per consequentiam tantum agnationis assumitur, *l. 4. si tabule testamenti nulla extabunt. l. 1. §. cognationem. & l. 3. unde cognari. ff.* & hoc est, quod Paulus ait in *l. 23. ff. de adoptionib.* adoptionem non ius sanguinis, id est, cognationis, ita accipitur in *l. 12. de manumissis vindicta, & l. 8. de regul. iur. ff.* sed ius agnationis adferre, vtpote per adoptionem nemo fit nobis auunculus, aut matertera, quæ nomina sanguinis & naturalis cognationis siue proximitatis iura demonstrant, fit tamen per adoptionem nobis patruus & amita, siue patertera, vt veteres loquebantur, quæ nomina ciuili cognationis, id est, agnationis iura denotant, vt *d. l. 12. §. ult. & d. l. 23. & l. 10. §. 1. ff. de gradibus & affinit.* Et quoniam adoptio ius agnationis, non cognationis affert, hinc fit vt sororis adoptiux filiam, id est, adoptatoris neprem ex filia omni tempore etiam durante adoptione uxorem ducere possim, quia auunculus ei non sum; sororem quoque vterinam patris adoptiui mei uxorem ducere possim, quia matertera mihi non est: Aliud seruati docet Vlpian, in *d. l. 12. §. ult.* in sorore patris adoptiui ex eodem sanguine procreata, id est, ex eodem patre, quamvis ex matre diuersa. Et ratio differentix hæc est, quia inter eos, qui



sunt ex eodem patre nati, est ius agnationis, consanguinitatis & germanitatis, *tit. de legitima agnat. success. Instit.* In Iure Ciuili consanguinitas est species agnationis, §. *vulgo, Instit. de success. cognat.* & sumitur tantum pro fraternitate germana, quæ ex eodem patre venit pro iure germanitatis, quo fratres inuicem coniunguntur, qui, *vt Casus ait lib. 1. Instit. tit. 16.* ex eodem sanguine procreati sunt, id est, ex eodem patre, quamuis ex matre diuersa, & consanguinei vocantur, ij & germani dicuntur, *tit. de legit. agnat. success. Inst.* Arnobius lib. 2. aduersus Gentes: *Picus & Iupiter germanitatis sibi sociati sunt iure, utpote vno ex semine, vnoque ex sanguine procreati.* At inter illos, qui nati sunt ex eadem matre, sed ex patre diuerso, ius tantummodo sanguinis & cognationis inducitur, quod per adoptionem non affertur, *d. l. 12. §. ult. & d. l. 23.* Quare cum is, qui adoptatus est, his tantum cognatus fiat, quibus & agnatus, *l. 7. de in ius vocando, l. 1. §. cognationem. Vnde cognati. ff.* & illi tantum agnati sint, qui per virilis sexus cognationem iunguntur *in prin. tit. de legitima adgnatorum tutela. Instit. l. 4. §. 1. & l. 10. ff. de gradibus & affnibus.* id est, iis tantum, quibus adoptator agnatus est; iis verò, quibus adoptator cognatus tantum, non agnatus est, neque cognatus, neque adgnatus fiat, merito concluditur me, etiam adoptione manente, & sororis adoptiue filiam, & sororem vterinam patris adoptiui rectè ducere posse, cum iis personis factus non sum per adoptionem agnatus, nec consequenter cognatus, aut affinis: sorori verò adoptiue iungi matrimonio non possum quandiu adoptio durat, & quandiu ipsa manet in familia & potestate patris, quia tandiu agnationis, & per consequentiam cognationis & affinitatis nexu ei sum coniunctus, *l. 17. ff. de ritu nupt. l. 9. in fine, de liber. & postum. ff.* quæ cognatio per adoptionem acquisita vel minimâ capitis deminutione, id est, mutatione status & familiæ perit, *l. 3. ff. vnde cognati.* Non etiam cognatio naturalis, quæ ius sanguinis appellatur, *l. 8. ff. de regul. iur.* quia ut est in §. *ult. de legit. adgnat. tut. & §. minus, de heredit. que ab intest.* *Instit.* naturalia iura ciuilis ratio tollere non potest.

## CAPVT XXXIV.

*An matrimonium,  
quod initio rectè  
contractum fuit, si  
postea in eum ca-  
sus deductum sit,  
à quo incipere iu-  
re non potuisset, dis-  
solvitur àbet.*

**E**T quoniam inter eos nuptiæ consistere non possunt, in-  
ter quos est ius fraternitatis, quod non tantum naturâ,  
sed etiam adoptione quæri iam est ostensum abundè, ideo vo-  
lenti generum suum adoptare suadetur, ut prius filiam eman-  
cipet. Id fecisse Claudium Augustum scribit Dionysius quan-  
do Neronem priuignum, cui iam Octaviam filiam nuptum  
dederat, vellet adoptare. Et similiter suadetur ei, qui nurum  
velit adoptare, ut filium emancipet, l. 17. §. itaque volenti,  
ff. de ritu nupt. & §. sed si qua, Inst. de nupt. Alias enim eue-  
niet, ut idem & maritus & frater legitimus vxori sit, quod iu-  
ra non patiuntur. Quid si quis generum adoptauerit in lo-  
cum filij, non emancipatâ filiâ, vel si nurum, non emancipa-  
to filio? quæstionis est an quod initio rectè contractum fuit  
matrimonium, parta per adoptionem fraternitas conuellat &  
faciat irritum? Et sanè in hac specie prudenter & peritè mo-  
net dominus Cuiac. lib. 25. obseru. c. 3. & in c. 4. de consanguini-  
tate & affinitate, ex. separandum esse ius summu, quod  
semper durum & asperum est, ab æquitate. Rigor iuris postu-  
lat ut quia nuptiæ in eam causam deductæ sunt, à qua incipere  
non potuissent, dissoluantur, quam subtilem rationem spe-  
ctasse videtur Theophilus in d. §. sed si qua. Æquitas verò &  
humanitas suggerit, ut non ideo minùs matrimonium in suo  
statu perduret, quòd ille casus extiterit, à quo initium cape-  
re non potuisset, quod & ita in aliis causis sæpe fieri docet  
idem vir maximus ad l. 85. de regul. iur. lib. 6. Quæst. Pauli.  
Denique humanius & benignius esse, legibus & Pontificum  
decretis cautum est ritè contractas nuptias ab initio, ex post-  
facto vitari non debere, l. 28. C. de nupt. l. 3. Cod. de interdi-  
cto matrim. l. 12. in prin. & l. 16. §. ult. ff. de ritu nupt. c. 2.  
ex. de cognat. spirituali, & can. dictum, 30. q. 1. quod est ple-  
niùs demonstratum aliis exemplis relatis in d. c. 3. lib. 25.  
obseru.

## CAPVT XXXVI.

*An consobrinorum  
& consobrinarum  
iussa & legitima  
sint coniugia.*

**C**OLLATERALES, qui sunt in quarto gradu, quales  
sunt ij, qui ex duobus fratribus, siue ex duabus sorori-  
bus, siue ex fratre & sorore nati sunt, matrimonio coniungi

possunt Iure Ciuili, *l. 3. ff. de ritu nupt. l. 78. §. filiam, ff. ad Sc. Trebell. l. 23. & 24. ff. de conditionib. institutionum.* Quintilian. in proœmio lib. 6. Instit. oratoriar. Tull. in orat. pro Cæcinnâ, Capitolinus in Marco Antonino Philosopho, Liuius lib. 42. Plutarchus in Bruto testatur Brutum Porciam consobrinam suam duxisse uxorem, & Suetonius in Augusto c. 63. tradit Augustum Iuliam filiam Marcello Octauix sororis suæ filio nuptum dedisse. Quin & lege Mosaicâ coniugia consobrinorum fuerunt comprobata; nam & Iacob duxit Liam & Rachel consobrinâs filias Laban auunculi sui, Genesios c. 29. & Tobias minor Saram consobrinam filiam Raguelis patruï sui, Tobix c. 7. & filix Salphad nupsit filiis patruï sui, Num. c. ult. Non semper tamen licita fuisse hæc matrimonia annuere videtur Tacitus lib. 12. *Annal.* cùm ait consobrinarum diu ignorata coniugia tempore addito increbuisse. Ratio verò istorum connubiorum raritatis & infrequentix ea esse potuit, quam assert D. Augustinus de Ciuitate Dei lib. 15. c. 16. *Expertis sumus*, inquit, *in connubiis consobrinarum, etiam nostris temporibus propter gradum propinquitatis fraterno gradui proximum, quàm raro per mores fiebat, quod fieri per leges licebat, quia id nec diuina prohibuit, & nondum prohibuerat lex humana,* id est, vt ego quidem interpretor, constitutio Theodosij Imperatoris, quæ extat in *l. unica, Cod. Theod. si nuptia ex rescripto pet.* Hac enim lege primitus interdictæ fuerunt huiusmodi coniunctiones sine permisso Principis, vt Sextus Aurelius in Theodosio, D. Ambros. lib. 8. epist. 66. ad Paternum, & B. August. loco citato testantur: ac deinde indistinctè & abscissè interdictæ fuerunt ab Imp. Arcadio & Honorio in *l. 3. Cod. Theod. de incest. nupt.* anno 396. & Synodi Turonensis, c. 20. & 21. quod tamen ius fuit postea abrogatum & Theodosij lex sublata anno 405. eorundem Imp. constitutione, id est, *l. celebrandis 16. Cod. de nupt.* quâ, etiam non petitâ veniâ à Principe, consobrinorum nuptiæ permixtæ fuerunt, cuius l. sententia refertur à Gregorio Magno in responsionibus ad consultationem Augustini de Anglis interrog. 6. his verbis: *Quadam lex terrena in Romana*

*Rep. permittit, ut sine fratris, & sororis, seu duorum fratrum germanorum, seu duarum sororum filius, & filia misceantur.* Quo tamen iure nunquam vñ sunt Christiani, nam *ut D. August. ait, hi existimant id, quod est licitum, fieri illicitum vicinitate illiciti*, quod ut percipiatur, notandum est ex rescripto non licere petere in matrimonium fratris & sororis filiam, *l. 2. Cod. si nuptia ex rescripto pet.* Consobrina autem vicina est sorori, cum qua illicitæ sunt nuptiæ, §. 2. *Inst. de nupt.* Consobrini enim fratres patruales appellantur, si orti sint ex duobus fratribus, quod per patres coniungantur, & similiter non malè fratres matruales, si per matres cognatione iungantur, ut docet dominus Cuiacius lib. 6. obseru. c. 17. Contrarium tamen obtinuit in consobrinâ, quam in matrimonium petere licet, *d. l. vn. & ideo D. Gregor. ut est relatum in can. quedam lex. 35. q. 2. improbat hanc constitutionem ex mente D. Augustini scribentis infauista & infelicia semper fuisse hæc coniugia, atque libere contrahendi matrimonij eum consobrina licentiam secundum d. l. 19. quâ recentatum & restitutum fuit ius vetus, circa tempora Iustiniani inualuisse clarum & apertum est ex §. duorum, Inst. de nupt. & coarguunt multæ leges à Triboniano in Pandectas congestæ; quibus fit ut credam Caium lib. 1. Instit. tit. 4. alienas manus esse passum, nempe Aniani Gothici Iurisperiti, qui pro sui temporis ratione multa immutauit, ut docet dominus Cuiac. lib. 7. obseru. c. 16. & alibi sæpe, nam Reges Gothorum conuenienter legi Theodosianæ statuisse ab huiusmodi nuptiis abstinendum esse docet Cassiodorus lib. 7. variar. epist. 46. eisdemque coniunctiones Reges nostros improbasse & nominatim prohibuisse patet ex l. Salica, tit. 14. l. Aleman. tit. 39. l. Boioariorum tit. 16. & lib. 4. Capitular. Caroli Magni, c. 99. idemque obseruare licet in legibus Visigothorum.*

Prohibitio nuptiarum fuit redacta prisco Iure Ciuili inter cognatos ex transuersali linea usque ad quartum gradum, *ut Vlpianus ait lib. singulari regularum, tit. 5. nam inter consobrinos, qui sunt quarto gradu, fuerunt licitæ, l. 3. ff. de ritu nupt. excluso quarto gradu, ut indicat §. fratris. Inst. de nupt.*

*nupt.* Et quamuis olim talis prohibitio inter affines protraheretur vsque ad septimum gradum, *can. 1. can. nullum, can. progeniem. can. de consanguinitate. & can. nulli. 35. q. 2.* Hodie tamen ex Concilio Lateranensi habito sub Innocentio III. non excedit quartum gradum, *C. pen. de consang. & affinit. ex. incluso etiam ipso quarto gradu, cap. ult. eod. tit.* qui tamen gradus, qui est secundus iure Pontificio, dispensabilis est, quia in hoc gradu quæ prohibitio consistit, venit ex iure humano; ex Pontificio: non utique venialis & dispensabilis est primus gradus, qui est cum sorore sua, vel sorore vxoris defunctæ, iure Pontificio, quia nominatim notatus & prohibitus est lege diuina, vt eruditissimè docuit *dominus Cuiac. ad cap. 3. de dinort. extra.* Ita vt verum sit dicere hodie prohibitionem nuptiarum coarctatam & coangustatam esse utroque iure ad quartum gradum cognationis, in quo sunt consobrini, subductâ nempe ratione graduum, & computatione facta secundum Ius Ciuile, quod tamen accipiendum est cum hoc temperamento & moderamine, vt Ius Ciuile excludat, Ius verò Canonicum includat quartum gradum, cuius constitutio vsu præualuit inter Christianos, & generaliter quoties quæritur an qui sanguine inter se iuncti sunt, in matrimonium coire possint, seruanda sunt in toto orbe Christiano Iuris Pontificij præcepta. Hinc fit vt inter personas in gradu affinitatis prohibito constitutas nuptiæ valere & consistere nequeant sine dispensatione postulata & impetrata à Romano Pontifice, vel à Principe pro diuersitate religionis, quam profitentur. Cæterum obseruandum est Summum Pont. dispensare posse in iis, quæ sunt iuris positivi & humani, non item in iis, quæ sunt iuris naturalis, vel diuini, S. Thomas 2. 2. quæst. 63. art. 2. ad secundum, Nauarr. cap. 22. nempe quoties id conducibile esse putat bono publico, vel statui familiarum, Gloss. & Doct. in cap. litteras. de restit. spoliat. Denique vbicumque subest causa iusta & legitima dispensandi in gradu, neque iure naturali, neque iure diuino prohibito. Nam, vt ait D. Bernardus lib. 3. c. 4. in fine de considerat. ad Eugenium Papam. *Vbi necessitas urget, excusabilis dispensatio. vbi utilitas pronocat, dispensatio laudabilis est.* ○

## CAPVT XXXVII.

An frater superstes  
fratris demortui u-  
xorem ducere possit.

**Q**UÆSTIONIS est an frater superstes fratris defuncti uxorem ducere possit? Et constat ex *Leuitici cap. 20. & Matth. c. 14.* id veritum esse, ratione scilicet cognationis, nam frater in eius uxorem meam, quæ secundum Festum fratria ei est, suam cognatam vocat, ut apud Gregorium I. in sexto responso ad quæstiones Augustini Anglorum, siue Cantuariensis Episcopi: *Cum cognata*, inquit, *misceri prohibitum est, id est, cum uxore fratris, cum ea, quæ fuit uxor fratris, post mortem fratris*, quemadmodum subiicit, *quæ per coniunctionem priorem caro fratris facta est.* Ut vxor fratris, fratria dicitur, ita & sororis maritus frater à M. Tull. qui Q. Metellum P. Claudij fratrem appellat, ut docet dominus Cuiac. lib. 6. obseruat. c. 17. Ab ea verò lege hic tantum casus excipiebatur, si frater sine liberis vita decessisset *Deuter. 25. D. Ambrosius lib. 3. de fide, cap. 5. Lege proximo defuncti vel fratri copula deferrebat eam uxoris, ut semen fratris vel proximi resuscitaret.* D. Hieronym. lib. 1. Comment. in Mattheum, cap. 1. *Scimus*, inquit, *hoc per Moysen Deo iubente preceptum: ut si frater aut propinquus absque liberis mortuus fuerit, alius accipiat uxorem ad suscitandum semen fratris vel propinqui sui.* Quod etiam ex eadem causa iuxta legem Mosaicam permissum fuisse ab Innocentio III. patet ex cap. ult. ex. de *divorciis*, si frater, qui defunctus erat, ex uxore sua liberos reliquisset, nominatim lege Dei vetabatur frater viduam ducere uxorem; inter leuirum, sic vocatur frater mariti, & viduam fratris, quæ glos appellatur, connubium licitum erat, nullis relictis liberis à fratre demortuo, ad suscitandam ei prolem, *can. olim. 8. q. 1.* Quæ tamen exceptio recepta non fuit iure populi Romani, imò districtè prohibitum fuit l. 5. & pen. Cod. de incest. nupt. fratris uxorem ducere, itémque leuito, id est, fratri uxoris, aut fratri mariti nubere, d. l. 5. & l. 8. Cod. eod. tit. & frustra quis hac de re quærat Romanam legem, id enim ex lege Mosaiica inductum fuisse compertissimum est, eoque sensu scriptum est in l. 2. Cod. Theod. eod. tit. Veteres licitum esse crediderunt, nuptiis fratris solutis ducere fratris uxorem, quod tamen nunquam lex Romana admi-

lit, & hoc custoditè *d. l. pen.* tribuit Ægyptiis, id est, Iudæis, sic enim passim hæc nomina confundi & promiscuè accipi iam est obseruatum à viris doctis. Et notandum quod ait *d. l. pen.* Ægyptios, id est, Iudæos hoc colore permisisse nuptias fratri cum vxore fratris alterius, quòd prior non se immiscuisset mulieri, quòd non deintegrasset eam; quasi scilicet nuptias faciat concubitus; nam vxorem facit consensus nudus, *can. omnis*, 27. q. 2. & tam Iure Ciuili, quàm Iure Pontificio vxor existimatur ea esse, cum qua conuenit vt vxor esset, & omnis vitæ socia, etiamsi nondum coierit corpore. Obseruanda est igitur ea perinde ac si rem habuisset cum fratre defuncto, eamque deuirginasset, nec sequenda ampliùs lex Ægyptiorum, *d. l. pen. & cap. 4. ex. de sponsal. & matrim.* vbi Alexander III. sumpsisse videtur sponsam pro vxore more Hebræorum, *Deuter. 22. vt & D. Bernardus super Cantica sermone 7. & in cana. Domini sermone.* ac præterea sponsam fratris in specie *d. c. 4.* Alexander videtur habuisse pro vxore, quia sponsalia fuerant præsentanea, id est, verbis præsentem consensum exprimentibus contracta, quæ non multum differunt à matrimonio. Et hoc obtentu similiter videtur Alexander legem Dei, quæ de vxore nominatim loquitur, non de sponsa, produxisse etiam ad sponsam talem, ideòque non legi diuinæ, sed canonicæ rationi illud obuiare dicitur in *cap. 4. cod. tit. in 1. collect. Decretal.* vbi hæc constitutio extat integrior. Hinc liquidum & clarum est prohibitionem de non ducenda sponsa fratris non manasse ex verbis expressis legis diuinæ, sed ex sententia, & rectè tamen dici potest esse ex lege diuina, *arg. l. 6. §. 1. ff. de verbor. signif.* Et ita tutela patronorum quamuis non descendat ex verbis expressis legis duodecim tabularum, sed ex sententia & interpretatione, rectè tamen esse dicitur ex lege duodecim tabul. *tit. de legitima patron. tutela. Inst.* quasi videatur fuisse in mente Decemuiro- rum. Nec absimili prorsus ratione fas est asserere, licèt specialiter lex Dei fratrem fratris vxorem dumtaxat ducere prohibuerit, nullà mentione iniectà sponsæ, potuisse tamen Summum Pontificem id porrigere ad sponsam iusta interpretatione; quam canonicæ rationis verbo designari puto in

*d. c. 4.* quasi scilicet hæc fuerit mens Dei vetantis fratrem fratris demortui vxorem sibi matrimonio iungere. Nec verò tantum fratri vxorem vel sponsam fratris ducere non licet, sed neque vlli consanguineo sponsi, vel mariti præmortui vsque ad quartum gradum illi nubere permittitur, atque nominatim vetitum fuit indistinctè matrimonium fratris superstitis cum vxore fratris defuncti, *Concil. Eliberitano, c. 61. & Synod. Neocesar. c. 2.* ac deinde *l. 5. Cod. de incest. & inutilib. nupt. & Synod. Aurelian. I. c. 18.*

## CAP. XXXVIII.

*Cognati viri affines sunt vxoris, & cognati vxoris affines sunt viri, non etiam vtriusque coniugis cognati inter se affines sunt, quæ differentia valde notanda in causa nuptiarum, quibus contrahendis impedimento est affinitas vnde cumque profecta sit, imò & propinquitas sine affinitate.*

**A**NTE QVAM verò vlteriùs progrediamur ad tractationem, & explanationem illius iuris articuli, in quo agitur de nuptiis prohibitis veneratione affinitatis & publicæ honestatis intuitu, placet admonere cognationem vel affinitatem inter coniuges esse non posse; Nam quamquam vtriusque coniugis cognationes, quæ diuersæ inter se sunt, per nuptias affinitate copulantur, *l. 4. §. sed quoniam, ff. de gradib. & affnibus.* communi tamen sententiâ receptum est virum & vxorem affines inter se non esse, sed affinitatis principium, vt numeri vnitatem, neque affines nisi per abusionem dici posse, *l. 8. ff. de condict. caus. data. & l. 5. Cod. de hered. instit.* Quamuis autem coniuges affinitatis cognationisve vinculo non deuinciantur, cognati tamen viri affines sunt vxoris, & cognati vxoris affines sunt viri, *d. §. sed quoniam, & c. 5. ex. de consang. & affnit.* & quo gradu quis vxori meæ agnatus est, eo etiam gradu mihi affinis est, can. porro, 35. q. 5. non etiam vtriusque coniugis cognati inter se affines sunt, & hac ratione fit, vt pater & filius rectè contrahant nuptias cum matre & filia, quia neque filia meæ vxoris ex alio viro, filio meo ex alia vxore est affinis, id est, compriugni inter se non sunt affines, *d. c. 5.* nec est vlla cognatio, quæ impediat matrimonium, *l. 34. §. 2. ff. de ritu nupt. l. 134. ff. de verbor. obligat. & §. mariti, Inst. de nuptiis,* & secundum hoc euenit vt quis possit dicere sororem suam nupsisse fratri suo honestè, quod apertius & manifestius fiet posita specie conuenienti in hunc modum. Finge, pater genuit me ex prima vxore, te ex secunda vxore, ego & tu sumus fratres germani. Post



mortem patris mater tua, mea nouerca nupsit Titio, & peperit Seiam, Seia est tibi soror vterina, me verò nullâ cognatione attingit, atque ideo illi iure coire possum in matrimonium, quo casu tu dicere poteris me fratrem tuum germanum rectè duxisse sororem tuam vterinam, ita commodè accudi potest species *d. l. 34. §. 2.* Certum itaque est priuignos inter se contrahere iustas nuptias, tametsi ex nouo parentum matrimonio fratrem communem habeant, quoniam inter hos nulla subest, aut intercedit cognationis vel quasi adfinitatis ratio, quæ matrimonium impediatur, ut Papinianus disertè scribit in *d. §. 2.* Licet enim cognati viri vxori affines sint, non sunt tamen affines cognatis vxoris; & è conuerso, licet cognati vxoris viro sint affines, non sunt tamen cognatis viri affines, & hoc est quod ait *d. l. 4. §. sed quoniam.* Alteram cognationem ad alterius finem, id est, extremitatem accedere, non in totam cognationem irrepere & infundi: & ut ager meus non toti agro vicini mei est adfinis, sed fini tantum & extremitati eius; ita cognatio mea non toti cognationi vxoris meæ est affinis, sed fini tantum eius, id est, vxori meæ, & vice flexâ, quod & apertè definitur in *d. c. 5. ex. de consang. & adfinit.* Sanguis vnus familiæ beneficio nuptiarum accedit ad finem sanguinis alterius familiæ. Extrema enim tantum per nuptias ceu fines coniunguntur, vxor scilicet sanguini mariti, & maritus sanguini vxoris, non etiam vterque sanguis.

Affinitas est necessitudo quædam iuris, quæ vel ex sponsalibus vel ex coniugio nascitur, estque nuptiis contrahendis impedimento, hinc fit ut sponsam alterius nemo ex cognatis eius vxorem ducere possit, si sit nubili ætati siue pubertati proxima, id est, si cum ea sponsus matrimonium contrahere potuerit, *cap. 8. ex. de sponsal. & matrim.* Ratio prohibitionis est, quia ex sponsalibus iure constitutis coniungitur affinitatis species & causa, acquiritur & propagatur affinitas inter vxorem & cognatos sponsi, & vicissim inter maritum & cognatos sponsæ. Inter se sunt affines cognati viri & vxor, & retrò cognati vxoris & vir, *can. porro., 35. q. 5. & c. 5. de consang. & affinis. ex.* quæ affinitas nec morte alterutrius coniu-

gis in superflite perimitur, *can. 1. 35. q. 10.* hæcque affinitas olim impedimento erat nuptiis contrahendis quinto, vel sexto, vel septimo gradu: *can. nullum. 35. q. 2. & 3. C. de propinquis. ead. can. & q.* hodie ex Concilio Lateranensi ista prohibitio extenditur tantum usque ad quartum gradum, id est; interdicatur viro connubium cum cognatis prioris vxoris ratione affinitatis usque ad quartum gradum, & contra mulieri cum cognatis prioris mariti, *C. pen. de consang. & affinit. ex. can. de propinquis. & can. equaliter. 35. q. 3.* Ratio autem cur hæc prohibitio porrigitur usque ad septimum gradum, hæc reddi potest ex Concilio Toletano II. quod habitum fuit circa 533. an. quia matrimonia contrahi non debent, *usquequò consanguinitatis lineamenta generis successionē cognoscunt qui contrahunt*, quod etiam Gratianus ait exaudiendum esse de septimo gradu, *can. de consanguinitate. 35. q. 2. & 3. & in can. in copulatione eod.* addit: *usquedum generatio recordatur, cognoscitur, aut memoria continetur*, id est usque ad septimum gradum, non intra; nam, ut rectè Modestinus in l. 4. §. 1. ff. de gradibus & affinibus, ultra eum ferè gradum rerum natura cognatorum vitam consistere non patitur.

Quid si quis sponsalia contraxerit cum minore, quàm septem annorum? hoc casu nihil verat quominus cognati eam vxorem ducere possint, quia sponsa legitima non est, nisi quæ excessit infantiam, id est, quæ maior est, quàm septem annis, *l. 14. ff. de sponsal. c. 4. §. & pen. de desponsat. impuber. ex.* Non prohibentur, inquam, cognati se illi matrimonio iungere, quoniam ea dumtaxat sponsalia affinitatis speciem pariunt, quæ cum ea contracta sunt, quæ vxor esse potuit. Imò & aliquando prohibitio nuptiarum coëundarum producit ad cognatos eius, cui puella nondum septuennis fuit desponsa, putà si illam deintegrauerit, vel tentauerit deintegrare, ut *c. 3. ex. de sponsal. & matrim.* Nam ratio publicæ honestatis hoc elicit, ut etiam ex importuno congressu, qui non seruat tempus naturæ, imò & ex sola suspitione coitionis inducatur quasi affinitas *d. c. 3.* atque eiusdem publicæ honestatis contemplatione affinitas quoque contrahi videtur non exlicita tantum, sed & ex illicita venere, *c. 6. 7. pen. de eo qui*

*cognovit consang. uxoris sue. ex. can. nec eam. 35. q. 2.* quia, ut ait Apostolus, is, qui agglutinetur scorto, vnum est corpus cum scorto. Qui meretrici iungitur, vnum corpus facit, ergo & quæ scortatori impuròque sociatur, vnum cum eo corpus efficitur, inquit *Beat. Hieronym. epist. 30. lib. 3. epist.*

Ex stupro vel ex concubinato quasi affinitatis causa fit, *c. 2. de consang. & affinit.* imò & quasi cognatio, *l. 54. ff. de ritu nupt.* Ex stupro, inquam, qualicumque quæritur affinitas, siue id maturè, siue immaturè, & extra ordinem illatum sit, adeò ut non possit quis sororem vel consobrinam eius uxorem ducere, quam quoquo modo extra ordinem effusa vi libidinis constuprauit, quòd si eam duxerit, ea coniunctio tanquam nefaria dirimitur, *c. 3. de sponsal. & matrim. ex. c. 7. de eo qui cog. consang. uxoris sue. ex.* Veritæ enim sunt nuptiæ cum consobrina eius, quam quis polluit & stupro cognouit, licet congressus ille citra ius uxorem, vel sponsam non fecerit *d. c. 7. & d. can. nec eam.* Nefandum & scelestum crimen est stuprum, nam adulterio æquiparatur, *B. Ambros. lib. 1. de Abrah. c. 4. Nemo blandiatur sibi de legibus hominum. Omne stuprum adulterium est. & B. Hieronym. d. epist. 30. ad Ocean. Alia sunt leges Cæsaris, alia Christi: aliud Papinianus, aliud Paulus noster præcipit. Apud illos impudicitia frena laxantur: & solo stupro atque adulterio condemnato, passim per lupanaria, & ancillulas libido permittitur.*

Olim nuptiis contrahendis obstabat non tantum affinitas & cognatio, sed etiam propinquitas, quæ nec cognationis, nec affinitatis vinculum vllum haberet, & inter propinquos huiusmodi vetabantur nuptiæ non minus, quam inter cognatos, aut affines, sed arctius & propinquiore gradu; nam cum inter cognatos & affines usque ad septimum gradum nuptiæ prohiberentur; inter propinquos, qui nec cognati nec affines erant, non ultra quartum vel quintum gradum improbabantur, *can. de propinquis. 35. q. 2.* ubi eos propinquos, qui ad affinitatem veniunt, interpretamur non affines, sed affinibus proximos, & qui citra affinitatem vllam propinqui sunt, quam prohibitionem pudor extorsit, & quod est in *can.*

*& hoc quoque. ead. cau. & q.* non tam iuris fuit, quàm, vt loquuntur, de iustitia publicæ honestatis. Hodie tamen obtinuit vt inter cognatos & affines solos impediatur nuptiæ, nec vltra quartum gradum, inter alios propinquos nullo modo, cessante illâ iustitiâ publicæ honestatis, de qua *in cap. 4. iunctâ glossâ, de desponsat. impuber. ex.*

Quod ergo veteri illa florentis Ecclesiæ disciplina statutum de nuptiis prohibendis vltra cognationem & affinitatem ex causa remotioris propinquitatis, *d. can. & hoc quoque.* hodie sublatum est, vt alia eiusmodi multa; fatemur tamen eiusmodi nuptiis etiam inter propinquos tutius & honestius abstineri, ne in id, quod lex permittit magis, quàm probat, matrimonia effundantur, in quibus certum est non tam quid liceat, quàm quid honestum sit, spectandum, *l. 197. ff. de regul. iur. quæ sumpta est ex l. 42. ff. de ritu nupt.* id est, non quod mero iure prohibitum non est, sed quod bonis moribus non repugnat, verbi gratiâ, in nuptiis considerare oportet non tantum affinitatem, quæ nuptiis contrahitur, sed & quasi affinitatem, quæ ex sponsalibus oritur, *l. 4. §. sed quoniam, ff. de gradib. & affinib.* non tantum præsentem adoptionem, sed & finitam & dissolutam, *l. 14. & 55. ff. de ritu nupt.* etsi adoptionis dissolutæ non soleat haberi ratio, *l. 13. ff. de adop.* Præterea obseruandæ sunt non tantum ciuiles & legitimæ cognationes, sed & naturales tantum, veluti ex seruitute ortæ, vel ex illicita coniunctione venientes, *l. 8. l. 14. §. seruitus, & §. seq. ff. de ritu nupt. l. 4. c. de nupt.* Estque attentè dispiciendum secundas nuptias etsi licitas quidem permissione scilicet & conuiuentia Ecclesiæ, non tamen honestas haberi, ideoque nec sacra benedictione consignari, *c. 1. & 3. ex. de secundis nupt.* Itaque & multorum matrimoniorum experientiam legitimam impudicitiam rectè vocat *Valerius Max. c. 1. lib. 2. & adulterium Martialis lib. 7.*

*Quæ nubit toties, non nubit, adultera lege est.*

In coniunctionibus igitur, id est, in nuptiis contrahendis non solum quid liceat considerandum est, sed & quid honestum sit & pudicum, atque ex sententia D. August. lib. 15. c. 16. etiam ipsa pudicitia coniugalitatis erubescit de generatrice libidine.

Reli-

Reliquum est vt subiiciamus rationes & modos, quibus matrimonia dissoluuntur, neque enim vt solo consensu contrahuntur, ita nudò consensu distrahuntur, *l. 8. Cod. de repudiis*, sed certis tantùm præscriptisque modis, de quibus agemus in hac postrema parte nostræ Tractationis: sic patria potestas, quæ ex legitimis & solemnibus nuptiis oritur, certis tantùm & lege finitis modis soluitur, *l. 8. ff. de his qui sui vel alieni iuris sunt*. Sic quæ à natura prodita sunt, certis & præscriptis modis aut enascuntur, aut emoriuntur: nec enim temerè, & quouis modo omnia creantur, nec quouis modo intereunt. Primus autem modus soluendi matrimonia est mors, quæ est vltima rerum omnium linea. Et rectè Tertuliano mors definitur corporis & animæ diuortium, *διάλυσις*, dissolutio, nec minùs aptè in causa matrimonij dici potest esse animæ & corporis dissolutio, cùm eâ contingente coniugibus vel vni eorum, abscindatur vinculum, quo tam arctè nectebantur, vt vna caro, vnâque anima effecti esse viderentur, *Matthæi c. 19. Marci c. 10.*

**Q**UID dicemus de deportatione, quæ quasi mors est, *l. 63. §. societas. ff. pro socio. l. 1. §. sed & si morte. ff. quando de peculio actio annalis est. & deportati mortuorum loco habentur, l. 1. §. pen. de bonor. poss. con. tab. l. 4. §. pen. de bonis libertorum. ff.* Adimit enim ciuitatem, *l. 5. §. consumitur. ff. de extraord. cognit.* & in peregrinitatem redigit, *l. 10. §. liberos parentisque. ff. de in ius vocando.* amissa ciuili libertate, quam M. Tull. vocat *ex iure Quiritium*, in fine orat. pro Cæcinnâ, eâque solâ retentâ, quam Seneca lib. 3. Natural. Quæst. ait esse, *ex iure natura*. Deportati, & ij, quibus aqua & igni est interdictum, dicuntur ἀπόλιδες, *l. 1. §. deportatos, ff. de legat. 2.* ad differentiam scilicet eorum peregrinorum, qui certam quidem ciuitatem habent, non tamen Romani ciues sunt, vt *Vlpianus docet lib. singulari regul. tit. de testam. 20.* Et, vt quæstioni propositæ fiat satis, respondendum est, constituto discrimine inter ius ciuile & ius gentium, inspecto quidem Iure Ciuili solui nuptias, *l. 56. ff. soluto matrim.* vbi conditio hæc, si nupta esse desierit, di-

## CAPVT XXXIX.

Deportatione contingente vni ex coniugibus, matrimonium retinetur iure gentium. soluitur autem Iure Ciuili.

citur impleri, marito redacto ad peregrinitatem per deportationem, ut deportatione nuptiæ solvantur, quæ consistere non possunt, nisi inter ciues Romanos, qui soli habent statum publicum, libertatem publicam, quæ respectu Reipublicæ consideratur. Iure verò gentium, quod potissimum in nuptiis spectatur, *l. 14. §. 1. ff. de ritu nupt.* non solui, *l. 13. ff. de donat. inter vir. & vxor. l. 24. Cod. cod. tit. l. 1. C. de repudiis, l. 5. ff. de bonis damnat.* dummodo in maritum deportatum constans & integra permanserit mulieris affectio, *d. l. 1. & d. l. 5.* Quoniam igitur qui deportantur, & quibus aqua & igni est interdictum, nec ciues, nec liberi manent iure Quiritium, *l. 4. §. ult. ff. de gradib. & affnib.* nuptiæ non manent iure Quiritium: sed quia retinent eam libertatem, quam naturalem appellamus, nuptiæ manent iure gentium. Sunt qui hoc proponunt, sed in media salebra hærent, conciliandi rationem nescientes; hæc est vera, & in cassum laborant qui aliam quærunt.

Quamuis deportatus desinat esse ciuis, & peregrinus fiat, retinet tamen libertatem ex iure naturæ, & reliqua, quæ sunt iuris gentium. Neque enim hæc capitis deminutio semper morti comparatur, non in hac specie, non in specie *l. 77. §. hereditatem. ff. de legat. 2.* ubi deportato non aufertur eligendi facultas, nec ut eligere possit, desideratur restitutio Principis. Ideo autem non amittit electionem, quia facti est electio potius, quam iuris. At quæ in facto consistunt, media capitis deminutione, qualis est deportatio, non intercedunt, *l. pen. ff. de capite minutis.* Non adsimilatur quoque deportatio morti in specie *d. l. 13.* neque in specie *l. 59. ff. de condit. & demonstrat.* Non idem erit dicendum, si ea poena in aliquem statuta fuerit, quæ irrogat seruitutem, quia seruitus morti comparatur, *d. l. 59. l. 209. ff. de regul. iur.* veluti si quis in metallum damnatus sit: is enim efficitur seruus poenæ, non Cæsaris, *l. 3. ff. de his que pro non scriptis hab. l. 17. ff. de pænis. d. l. 24. C. de donat. inter vir. & vxor.* maximam capitis diminutionem passus, quæ semper morti æquiparatur, deportatio non semper, nam & aliquando ad hanc ciuilem mortem casus mortis naturalis trahitur, ut in

specie l. 121. §. *in insulam*. ff. de verbor. obligat. & Iustinianus in Nou. 22. comparat monachismum morti, atque ideo quod pacti sunt coniuges in casum mortis, trahit etiam ad casum monachismi, vt l. ult. Cod. de Episcopis & Clericis, inde ramen non sequitur monachismum esse capitis minutionem, vt eruditissimè præstantissimus Cuiac. contra Accursium vindicauit in Nou. 5. Notandum autem est abrogatam & sublatam esse d. Nou. 22. c. 8. omnem pœnæ seruitutem, per quam quis, amissâ libertate simul & ciuitate, non hominis vilius, sed supplicij seruus efficiebatur, l. 8. §. *seruos*. ff. de pœnis. atque ideo damnatione in metallum non dirimi matrimonium. Itaque hodie damnatio ad remum pœna quidem est, sed pœnæ seruitus non est, & qui trirēibus est addictus, seruus non est, cū etiam moribus nostris nulla sit pœnæ seruitus, quia neque seruitus aliqua est.

CAPTIVITATE quoque, vt alia quacumque contingente seruitute alterius coniugum, matrimonium dirimi constat ex l. 1. ff. de diuortiis. Nec refert vxor ab hostibus capta sit, vel deportata, vel ancilla effecta, nam indistinctè nupra esse desinit, l. 56. ff. *soluta matrim.* & vt, quod captiuitate dissolutum est matrimonium, redintegretur, nec postliminio redintegratur, opus est nouo consensu, l. 14. §. 1. ff. de captiuis & postlim. reuersis. cuius præstandi necessitas incumbit, nisi iusta subsit causa recusandi, putà quia aliud connubium est contractum, & pœnis discidij tenetur qui dissentit sine causa probabili & legitima, l. 8. eod. tit. Hodie verò, id est, Nou. Iustiniani 22. matrimonium captiuitate non soluitur statim, & qui, quæue mansit in ciuitate, connubium non habet, id est, ius secundi matrimonij contrahendi, quamdiu certum est superesse captiuum, sed si incertum hoc sit, satis est eum expectari quinquennio, post quinquennium secundæ nuptiæ impunitæ sunt, quasi bonâ gratiâ solutis primis, d. Nou. 22. Imò patientia quinquennij non sufficit Nou. 117. & Leonis Philosphi Nou. 33. nam quamdiu nescitur, superstes, an fato functus sit captiuus, interdicitur matrimonium, vt plenè satis ostendimus suprâ. Est igitur dili-

P ij.

## CAPVT XL.

Captiuitate soluitur matrimonium statim iure veteri, iure nouo post quinquennium, iure verò nouissimo non antè quàm certò constiterit captiuum decessisse.

genter distinguendum ius vetus, secundum quod captiuitate confectum soluebatur matrimonium, à iure nouo, quo in incerto, siue incertitudine sospiratis, vel mortis captiui, pro dirempto habebatur post quinquennium, & hoc à iure nouissimo, quo omnis spes connubij præcisa est, donec certò constet sine vlla præfinitione temporis captiuum decessisse.

Præterea inter modos, quibus coniugia dirimuntur, computatur diuortium *l. 1. ff. de diuort.* sic dictum vel à diuersitate mentium; vel quia in diuersas partes eunt, qui distrahunt matrimonium, *l. 2. eod. tit. l. 191. ff. de verbor. signif.* vel à diuertendo, quia vir & vxor diuerticulo quodam à se discedunt, & in diuersas partes eunt, vnde aquarum diuortia appellantur aquæ ex eodem fonte scaturientes, quæ in varios riuos secantur, aut per varios tubulos deriuantur, *ut est apud Cic. lib. 2. epist. ad familiares*; & diuortia itinerum, quæ in diuersas partes abeunt, *apud Linium lib. 44. à flexu viarum in diuersa tendentium apud Festum lib. 9. origin. c. 8.* & ab eo discessu coniugum diuortium dictum est discidium *in l. 11. §. ult. ff. ad leg. Iul. de adulter.* vt & rimas vel hiatus corruptorum parietum discidia vocat Symmachus *lib. 6. epist. 70.*

## CAPUT XLI.

*Diuortio siue repudio perpetui discidij animo solemniter facto matrimonium dissoluitur.*

**D**I V O R T I V M autem siue repudium factum secundum legitimam obseruationem, de qua *in l. 7. & 9. ff. de diuort. l. 6. Cod. de repudiis.* Iuris Ciuilis potestate nititur, atque ita, vt nulla ciuili lege videatur posse impediri, sed pœna tantum multari, vt ex specie *l. ult. ff. de diuort.* intelligitur; nam quamquam lege Iulia Papia de maritandis ordinibus, diuortij faciendi & nuntij remittendi facultas adimatur libertæ, quæ nupta est patrono, non tollitur tamen aut impeditur diuortij effectus, qui talis est, vt eo ritè & solemniter facto dissoluatur matrimonium, sed tantum pœna irrogatur libertæ, vt quamuis libello repudij misso separatum fuerit matrimonium, tamen cum nullo alio connubium ei sit inuito patrono, à quo discessit, quandiu scilicet patronus eam vxorem suam esse vult, &, si insuperhabita legis Papiæ prohibitione, alteri nupsit, pro non nupta habebitur, *d. l. ult.*



Non erunt nuptiæ, vtpote contractæ contra legis interdictum, l. 5. *Cod. de legib.* nihil ager liberta nubendo alij, invito patrono. Nihil agere dicitur qui contra legem facit, id est, contra legis verba, vel in fraudem legis, salvis tamen verbis legis, l. 16. *ff. de iure patronat.* Licet autem in casu proposito lex Iulia infectum non reddat diuortium, & ea parte minus perfecta dici possit, quia *ut Ulpianus docet tit. 1. lib. singular. regul.* minus perfecta lex est, quæ vetat aliquid fieri, & si factum sit, non rescindit, sed pœnam iniungit ei, qui contra legem fecit, tamen liberta, quæ invito patrono diuerit, vxor esse non desinit. Hoc lex dedit reuerentiæ patroni, ut quamvis diuortium, quod factum est legitime, non faciat infectum, putet tamen iure matrimonium durare adhuc, l. 45. & 50. *ff. de ritu nupt.* nam, ut totidem verbis proditum est in l. vn. *ff. unde vir. & vxor.* lex Iulia de maritandis ordinibus libertam, quæ ab invito patrono diuertit, retinet in matrimonio, dum eam prohibet alij nubere invito patrono.

Hinc apparet, & manifestè probatur l. 6. & 10. *ff. de sponsal. l. 2. ff. de diuort. l. 6. 8. 9. & passim, Cod. de repudiis.* in discutiendis sponsalibus per repudium, & dirimendis nuptiis per diuortium (repudium propriè in sponso, diuortium in maritos cadit, l. 101. §. *diuortium. l. 191. ff. de verb. signif.* quæ tamen differentia in usu parum seruari videtur: nam repudium generaliter, & frequentius pro diuortio usurpatur, ut l. 3. 6. 8. 9. 10. *Cod. de repudiis, & Cod. Theod. cod. tit. & alibi sæpe, ut apud D. Ambros. in Euangelium S. Luca, c. 16. Audisti repudium, crede coniugium*) ritu aliquo solemniori opus esse; In renuntiatione enim sponsalium siue repudiatione futuri matrimonij facienda uti oportet verbis istis solemnibus, formalibus, & typicis, *conditione tua non vtor; hæc verò de-* siderantur in diuortio peragendo & expediendo, *tuas res tibi habeto, vel, tuas res tibi agito, l. 2. ff. de diuort.* hæc fuit vetus formula repudij siue diuortij ex lege 12. Tabul. à qua qui recedebat, nihil repudiando agebat. Mulieri in ipso repudio clauces adimebantur, vel ab ea deponebantur; *Cic. Philipp. 2. clauces ademit, exegit. B. Ambros. epist. 65. Mulier offensa clauces remisit, domum reuertit.* Adhibendi quoque sunt septem

testes ciues Romani, puberes, liberto, per quem libellus repudij mittitur, non computato in numerum, *l. 9. ff. de diuort.* vel, si forè deficiat libertus, dari debet libellus repudij nuntio, *l. 6. & 10. ff. de sponsal. l. 3. C. de repud.* quem scilicet tradat sponso, sponsæve, marito, vxorive, cui mittitur repudium, *l. 3. & 6. cod. tit. l. 7. ff. eo.* hic vocatur etiam internuntius, *l. ult. ff. de sponsal.* sequester atque interpres nuntij renuntiique, *l. 1. Cod. Theod. de nuptiis.* à veteribus dicebatur annuntius. Et quoniam nuntij perferentes repudij libellum, ministerium præbent, & operam suam accommodant discutiendis sponsalibus, & separandis matrimoniis, appellantur repudia, *l. 3. Cod. de repudiis.* quod notandum, atque ex his facilis est sensus horum verborum, quæ habentur: in *dd. ll. 6. & 10.* nuntium mittere & remittere, & alibi passim, *ut l. 22. §. si maritus, & §. item pater. ff. soluto matrim.* *Apuleius Milesia 9.* Pistor ille nuntium remisit uxori, eamque protinus de sua proturbanis domo. & nominis tantum sono distant ab his, repudium mittere & remittere, *l. 3. 4. & 8. ff. de diuort. l. 8. & 9. Cod. de repudiis. d. l. 101. §. diuortium.* repudiare matrimonium, *d. l. 191.* repudiare sponsam vel vxorem, *d. l. 4.*

Ideo autem in hac causa renuntiationem dicere solemus, *l. 2. ff. de diuort.* ut & nuntium remittere, *l. 2. Cod. de repudiis. & d. l. 10.* quia ut interpositis personis, & per internuntium sponsalia plerumque expediuntur, *l. ult. ff. de sponsal.* ita quoque finiuntur eodem modo in contrarium acto iuxta regulam *l. 153. ff. de regul. iuris*, nihilque interesse præsentis, an absenti renuntietur, *d. l. 2. ff. de diuort.* sicut parui refert præsens præsentis, an absens absenti despondeatur, *l. 4. ff. de sponsal.* Ex his plusquam manifestum est maioribus auspiciis opus esse in distrahendis, quàm in contrahendis sponsalibus, & nuptiis. Contrahuntur nudo consensu, non etiam nudo consensu resoluuntur, *l. 8. Cod. de repud.* quod fauor liberorum impetrauit, id est, fauor sobolis, propter publicam scilicet utilitatem, cuius potissimum contemplatione difficilior est nuptiarum distractus, quàm contractus, *d. l. 8.* Neque obstat regula iuris, quæ vult prout quidque contractum est,

ita & solui debere, *l. 46. ff. de adquir. poss. l. 80. de solut. & l. 35. de regul. iur. ff. nam quamquam nullus sit magis naturalis modus rei soluendæ, quàm is, quo contracta est, d. l. 35. non ideo tamen negatur, quin & aliis modis dissolui possit, ut docet Glossa in ea l. & in l. 80. idcirco in d. l. 153. addicitur particula *ferè*. Adde quòd prædictæ regula: locus non est in sponsalibus & matrimoniis, quæ in plerisque proprio quodam & singulari iure fulciuntur & reguntur: huic tamen regulæ convenienter Iure Pontificio constitutum est *in cap. 2. extra. de sponsal.* sponsalia dissolui contrario consensu, id est, mutuo dissensu absque vlla renuntiatione solemni, quam tamen leges Romanæ exigunt ad tollendam nuptiarum spem, sponsalia videlicet collata in futurum tempus, etiamsi purè & sine omni conditione contracta fuerint, quæ nudis & simplicibus verbis fieri dicuntur *in can. lex. 27. q. 2.* & rem principalem in futurum tempus differunt: non utique sponsalia præsentis temporis, quia quò propiùs accedunt ad matrimonium, eo firmiori & fortiori vinculo neantur, & difficiliùs soluuntur.*

Quod autem diximus nuntio solemniter remisso à viro uxori, vel vice flexa, ab vxore viro, qui fuerant coniuges, penitus esse desinere, copulâ, quâ erant colligati, in totum solutâ, sic est interpretandum, si hoc factum fuerit animo perpetuò distrahendi matrimonij, nam non qualibet similitate & noxia, quæ suborta est inter illos, & propter quam mulier à viro discessit, dirimi debet matrimonium, & dissociari mariti, sed eo tantùm genere discidiij, quod diuortium appellatur; hoc enim dissoluit omnino Iure Ciuili matrimonium, *l. ult. ff. de diuort.* Imò nihil aliud est, quàm diremptio & solutio matrimonij animo perpetuæ diuisionis constituendæ facta, *l. 3. & 11. eod. tit. l. 8. Cod. de repudiis.* in quo verum diuortium distinguitur à iurgio, *l. 31. ff. de iure dot. l. 27. de pact. dotat.* à calore iracundiæ, *d. l. 3. l. 48. ff. de regul. iur. à fribusculo, l. 32. §. si diuortium, ff. de donat. inter vir. & vxor.* à diuortio ficto & simulato, *l. 3. §. ult. Cod. de repud.* Iurgium enim siue fribusculum & diuortium per dissimulationem factum non eo animo intercedit, ut perpetuam con-

stiuat dissensionem inter coniuges, sed vt rursus ad se inuicem reuertantur, vnde matrimonium breui tempore rescindi dicitur facto repudio *in d. l. 3. §. ult.* & eleganter *Isidorus lib. 9. c. 8.* fribolum, siue fribusculum scribit esse velut quassæ & fluxæ mentis non stabile discidium; sic appellatur breue illud discidium & leue iurgium coniugum, quod paululum effeueant animi, aut frigusculum, quod interim frigeat concordia maritalis. Multum ergo refert vtrum mariti in diuersas partes euntes animum habuerint inducendæ discordiæ in æternum durabilis, an ea mente discesserint, vt aliquando reconciliarentur inuicem, & in gratiam redirent, in quo facti quæstio vertitur.

Nam si ea, quæ diuertit à viro, alias nuptias contraxerit, ac deinde ad prius matrimonium, posteriore dissoluto, reuertatur, vel etiam vidua seorsim diu habitauerit, perseverantia demonstrat diuortium verum extitisse, *l. 64. ff. de donat. inter vir. & vxor.* & consequenter, eâ domum reductâ, aliud esse intelligitur matrimonium, alia vxor, alia dos, *l. 31. ff. de iure dotium.* Sin autem mulier, quæ ab ædibus mariti se subduxerat subito iracundiæ calore, & motu inconsulto turbata, fuerit reuersa, non multo tempore interposito, & marito reconciliata, idem matrimonium, eadem vxor, eadem dos esse videtur, quoniam hæc separatio, siue discessio, quæ diu non durauit, non pro diuortio, sed pro iurgio habetur, pro friuolario dissidio, quo matrimonij discussionem non fieri, si postea quieuerit, si perseverantia non ostenderit eam, quæ discessit à viro, animum habuisse diuertendi, liquet *ex l. 3. ff. de diuort. l. 32. §. si diuortium. ff. de donat. inter vir. & vxor. & l. 48. ff. de regul. iur.* Et ita si pœnituerit maritum, qui libellum diuortij tradendum vxori dederat liberto, pœnitentiâ mutatâ voluntate, quasi nuntio non remisso neque facto diuortio, durare matrimonium ait Papinianus *in l. 7. ff. de diuort.* Probabile igitur non est mulierem dissensionem fecisse diuortij animo, quæ primore aliquo impetu discessit à marito, ac postea irâ cessante ad eum rediit, atque ideo mansisse idem matrimonium.

Et verò vt matrimonium non constituitur, nisi vt perpetua  
&

& indiuidua siue indiuisa sit coniugum societas & confor-  
tium, *l. 1. ff. de iure dot. & in prin. tit. de patr. potest. Instit. &*  
*l. 1. ff. de ritu nupt.* Ita & diuortium non intelligitur nisi per-  
petui discidij proposito & voluntate fiat, quod est propriè di-  
uertere *l. 3. & 11. ff. de diuort. l. 8. Cod. de repudiis.* alioqui  
iurgium potius est, quàm diuortium, *l. 31. ff. de iure dot. &*  
*l. 27. ff. de pact. dotal.* Itaque reconciliatis animis coniu-  
gum, vt olim fiebat in sacello Deæ Viriplacæ, omnibus  
amicis interuenientibus, *vt est apud Valerium lib. 2.* idem  
matrimonium censetur, & eadem dos manet, *l. 33. ff. de ritu*  
*nupt.* quod plerique indistinctè verum esse opinabantur: at  
Marcellus quasdam circumstantias & momenta notat, ex  
quibus colligi potest non diuortio, sed iurgio potius abactam  
fuisse vxorem à marito, putà si cum ea, quæ discesserat, pristi-  
nam gratiam reconciliauit, & domum reduxit, nec inter mo-  
ras alias contraxit nuptias, aut vxori dotem restituit: nam si,  
multo tempore interposito, reconciliatio facta fuerit inter  
maritos, vel alix secutæ fuerint nuptiæ, aut restitutio dotis  
facta, argumentum hæc præbent veri diuortij, & consequen-  
ter separati matrimonij secundum sententiam Marcelli *in d.*  
*l. 33.* Vtinam qui de iure consuluntur, non nisi diligenter ex-  
cussis omnibus circumstantiis, & singulis negotiorum mo-  
mentis anxie ponderatis, exemplo Marcelli consultoribus  
suis responderent, quos plerumque satius esset ad alios reii-  
cere exemplo Quinti Scævolæ Auguris, qui cùm de iure Præ-  
torio consularetur iuris peritissimus, consultores suos non-  
nunquam ad Furium & Camillum reiciebat, vt scribit Ci-  
cero pro Cornelio Balbo.

Diuortium autem fit vel concordantibus viro & vxore, id  
est, communi vtriusque consensu, *l. 9. Cod. de repudiis,* vel  
altero inuito, misso tamen repudio, *d. l. 9.* siue, quod idem  
est, prauia renunciatione & contestatione diuortij, quod ni-  
hil aliud est, quàm ipsa separatio coniugum, & repudij exse-  
cutio, ita vt nisi repudio misso non soluatur matrimonium,  
*l. 35. ff. de donat. inter vir. & vxor. l. 1. Cod. de repudiis.*  
ideoque *in l. ult. ff. de diuort.* diuortium dicitur dissoluere  
matrimonium Iure Ciuili, quoniam iuris solemnibus con-

Q

stat, quæ sunt necessariò obseruanda; *d. l. 35.* Rursus diuortium fit vel cum bona gratia, id est, dulciter & sine querela, nempe cum is, qui diuertit, nullam offensæ causam habet, sed iustam aliquam, *l. 6. ff. de diuort. l. 32. §. si diuortium. ff. de donat. inter vir. & vxor.* Aut diuortium fit non bonâ gratiâ, sed cum ira & animi offensione, *ut d. §. si diuortium.* Et hoc iterum vel fit sine legitima causa, quod certis pœnis coërcetur, *d. l. 8.* vel cum iusta & legitima causa, quod impunè fit, *l. 10. Cod. eod. tit.* Quibus autem ex causis diuortia permittantur, repetere licet *ex d. l. 8. Nou. 22. & 117.* olim causæ diuortij incertæ erant, & in arbitrio maritorum positæ, vnde plures variis atque etiam leuissimis ex causis vxores suas dimisisse legimus *apud Plutarchum problemate 14. Valer. Max. lib. 6. c. 3.* Verùm tandem certæ causæ definitæ sunt, ex quibus solis impunè diuertere licet, *d. l. 5. pen. & ult. Cod. de repudiis.* Nam sine causa diuortium probatum non fuit, atque idipsum ex lege 12. Tabul. manasse Ciceroni videtur Philippica 2. vbi scripsit Antonium vxorem Volumniam Mimam repudiatam suas res sibi habere iussisse, clauēs adēmisisse, exegisse ex 12. Tabulis. Hi sunt effectus repudij & diuortij. Quintil. declamat. 262. *Tum repudiatam tu credis vxorem, cum res suas sibi habere iussa est, cum egredi domo.* Poruit maritus diuortio interueniente, si consuetudine vxoris grauaretur, eam excludere domo, in quam deduxerat. Apuleius Milcsia 5. *confestim domo mea diuorte, tuasque res tibi habeo.* eoque modo soluto matrimonio, abscindebatur nexus, quo coniuges erant inuicem ligati & obstricti, iure scilicet Ciuili, quo ius matrimonij soluitur, & quæ domo mariti est exturbata, marita esse desinit. Illo enim iure post iustum diuortium desinunt esse nuptiæ, desinit simul indiuidua, id est, indiuisa consuetudo, quæ est inter coniuges tam in diuinis, quàm in humanis rebus, *in prin. tit. de patr. potest. Inst. & l. 1. ff. de ritu nupt.* Iure verò Pontificio repudij & diuortij ea vis non est, vt matrimonium soluat, quod tamen primus omnium asseruit Montanus hæreticus *apud Eusebium lib. 5. histor. c. 17.* nemutuo quidem partium consensu intercedente, quod infra latiùs exponemus.

Causa repudij olim hæc fuit, debilitas mariti, qui ab initio matrimonij biennio integro nihil potuit cum vxore, *l. pen. Cod. de repudiis*. hodie causa est bonæ gratiæ etiam sine repudio, vt Iulianus ait *in d. Nou. 22. & triennij oscitatio* exigitur *d. Nou. 22. c. per causam verò. 6. d. Nou. 117. §. pradi-ctis 12. & toto tit. de frigidis. apud Gregor. IX.* Fuit quoque iusta & legitima causa repudij faciendi cum bona gratia, sterilitas mulieris, *l. 60. in fine. cum l. 62. in prin. ff. de donat. inter vir. & vxor.* ob quam primus omnium Spurius Seruilius, vel, vt alij volunt, Carbilus, nuntium vxori suæ misit, *Gellius lib. 4. c. 3. Plutarchus in Numa Pompilio, Valer. lib. 2. c. 1.* Nam, vt Tertullianus notat, Romæ per annos sexcentos nulla domus repudium scripserat: *Gellius lib. 4. c. 3.* per quingentos. Ratio autem cur receptum est maritum repudiare posse vxorem suam, si sit sterilis & infœcunda, inde petenda videtur, quòd præcipua causa contrahendi matrimonij sit procreatio liberorum, *can. nuptiarum 27. q. 1. can. nuptia. 32. q. 1. l. 1. ff. soluto matrim.* eoque animo & voto vxores ducantur, *l. 220. in fine. ff. de verb. signif.* nempe vt legitima prole repleantur ciuitates *d. l. 1. connubia & affinitates* sequantur, ex quibus etiam plures propinqui: quæ propagatio & soboles, origo est Rerumpublicarum; & hinc etiam videre licet antiquitus hoc nominatim in tabulis nuptialibus inseri solitum, liberorum procreandorum causâ vxores duci, *l. 2. Cod. de indicta viduitate tollenda. Gell. d. c. 3.* His addi potest quod *Latf. Firmianus ait lib. 1. de officio Dei c. 12.* Mirabile institutum esse, quòd ad conseruationem generum singulorum, duos sexus maris & feminx machinatus est, quibus inter se per voluptatis illecebras copulatis successiua soboles pareretur: ne omne genus viuientium conditio mortalitatis exstingueret. Aristoteles duplicem esse ait finem matrimonij, procreationem scilicet liberorum, & mutuuum auxilium: primus significatur his verbis *Genes. c. 1. Crescite, & multiplicamini.* Secundus *cap. 2. his, Faciamus ei adiutorium simile sibi.* Indubitatum ergo est diuortio, dummodo iusta & legitima causa subsit, & solemni ritu fiat, lure Ciuili matrimonium solui, nam sine causa & ratione vlla diuortio quantumuis bona

gratia facto matrimonium separari vetuit Iustinian. *Non.*  
117.

## CAPVT XLII.

*Diuortium siue repudium permissum fuit ex quacumque causa lege Mosai- ca. sed deinde lege diuina contractum fuit ad solam adul- terij causam, quo casu non soluitur matrimonium, sed fit separatio coniu- gum.*

**I**N VENIO eundem fuisse diuortij effectum lege Mosai- ca in c. 24. *Deuteron. coniuncto cum cap. 19. Matthæi, & c. 10. Marci*, vbi disertè & literatè scriptum est Mo- sen permisisse marito ex quacumque causa vxori suæ libellum repudiij dare eamque diuinitere de domo sua, & egressæ dimissæque licitum fuisse alij nubere, cui consequens est misso repudio solui coniugium; in hoc enim consistit vis & efficacia diuortij eâ lege specialiter permissi, quod antè infrequens & inusitatum fuisse apparet ex d. c. 19. At lege diuina, quæ lata fuit ab ipso Iesu Christo, nominatim vetitum fuit dimittere vxorem, nisi ob fornicationem, d. c. 19. & c. 5. *Matth.* Nulla igitur apud Christianos residet causa diuortij, detractâ causâ adulterij & fornicationis, vt ostendit *D. Ambrosius lib. 1. Comment. in Euangelium Luca c. 16. & D. Hieronym. pro li-bris aduersus Iovinianum Apologia ad Pammachium*, & probatur *can. 2. & 4. 32. q. 7.* Sunt omnes causæ repudij vna tantum à Christo in Euangelio circumscriptæ, videlicet adulterij. Origenes differens & discutiens hanc rem in d. c. 19. *Matth.* putat & alia crimina vel adulterio paria, vel etiam grauiora, veluti veneficium, parricidium, & cætera id genus iustam esse posse separationis & discidij causam. At, quod pace tanti viri dictum sit, illud admittendum non videtur aduersus Christi præceptum, nec vllum crimen cuiuscumque generis sit, adulterio æquandum esse in hac causa, *can. quidquid. ead. cau. q. 5.* quia illud dumtaxat est exceptum, *d. can. quidquid. & can. præcepit. ead. cau. & q.* cuius ratione repudium missum non violat, non dissoluit vinculum matrimonij, quod stabile ratumque permanet, ideoque nec vxori nubere conceditur, viuo viro, à quo recessit, neque huic alteram ducere, viua vxore, quam dimisit, *d. c. can. præcepit.* & qui alij nubit, vel aliam ducit, adulterium committit, *d. c. 10. & d. can. 2.* quod rectè sic *D. Augustinus c. 7. lib. de bono coniugali.* *Diuortio non aboletur confederatio nuptialis, sed sibi coniuges sunt etiam separati, vt adulterium commis-*



sant, qui postrepudium aliis fuerint copulati, & lib. de adulterio coniugatis. Sola ergo corporum fit separatio, soluiturque societas vitæ, cubilis, mensæ, & contractus ciuilis communitalis, non ius matrimonij.

**Q**UOD si maritus, vel vxor religionis causa à coniugio recesserit, & solitariam viram elegerit? Dicendum est diuortio bonâ gratiâ factò solui matrimonium fauore religionis, alterutro monasterium ingressio, *l. ult. §. nam & maritus. Cod. de Episcopis & Clericis. Nou. 5. & 22.* atque hic est vnicus casus, quo fauore religionis & castitatis citra causam vllam aliam legibus probatam nudo consensu sine repudio matrimonium dirimi potest, *de quo in §. quia verò. 2. Nou. 117.* Manentis autem in sæculo coniugis assensionem conuersio hæc desiderat, *can. Agathosa. 27. q. 2. can. mulier. 33. q. 5.* nimirum si consummatum fuerit matrimonium, si commixtione corporum secutâ coniuges vna caro, vnâque anima effecti sint. Nam eo nondum consummato, potest alteruter maritorum, altero etiam inuito & reclamante, monasticam vitam profiteri, *cap. 2. de conuersione coniugat. c. 6. de raptorib. c. 21. de sponsal. c. 14. de probat. ex.* Et quamuis olim satis non esset maritum post consummatum matrimonium adsentiri vxori monasterium ingredi cupienti, nisi & ipse conuerteretur, *can. qui uxorem. 33. q. 5.* Hodie tamen ab eo nihil aliud exigitur, quàm vt continentiam voueat, *c. 11. de conuersione coniugatorum ex.* In mulieres olim durius videbatur constitutum, præsertim eorum vxores, qui ad Episcopatum assumebantur; has enim satis non fuit virorum conuersioni consentire, sed & separatas oportuit monasterium ingredi ab Episcopi habitatione remotiùs extructum, eiusdem tamen prouidentia & sollicitudine fouendas & procurandas, *ut plenius tractat Balsamo ad can. 48. V I. Synodi in Trullo.* Receptum igitur est monachismo solui matrimonium, vel vtroque coniuge se deuouente, vel altero tantùm, consensu alterius, imò & eo dissentiente, si matrimonium nondum fuerit consummatum, quia & tunc alias nuptias is, qui relictus est in sæculo, ambire potest, *c. 2. 7. & 14. de conuersione*

## CAPVT XLIII.

*Matrimonium non soluitur ingressu monasterij post commixtionem corporum, copulâ verò carnali non secutâ soluitur, idèque relictò marito in sæculo licet aliam uxorem ducere, relictâ marito alij nubere, sacus primo casu, quia manet vinculum matrimonij.*

*coniugat. ex.* & in eo congruit ius Canonicum cum Iure Ciuili, & *Non. Leonis Philosophi* 33. Ratio verò, cur etiam iure Pontificio id permittatur, hæc est, quia per coitionem non sunt vna caro simul effecti *d. c. 2. & d. can. Agathosa.*

Et multò magis admittendum fuit voto religionis cedere: debere fidem datam de matrimonio contrahendo, quod & admissum fuit, sed cum hoc temperamento, vt quæ fidem dedit de aliquo in matrimonium accipiendo, si monasterium velit ingredi, fidem datam impleat, & Deo per quem iurauit, satisfaciatur qualiquali connubio, nuptias contrahere iubeatur, ita tamen vt copula carnali absteineat, quò monasterium casta & intacta ingrediatur, quæ est cautio *cap. 16. ex. de sponsalib. & matrim.* cui similis ferè cautela proponitur *in c. 6. ex. de iureiur.* vbi qui iurauit se soluturum vsuras, quæ hoc iure sunt illicitæ, & damnatæ, eas soluere cogitur non quidem ab ipso creditore, sed conscientia & religione iurifurandi cogente sola, sed statim condicet? Potentius, fauorabilius, & arctius est votum religionis voto matrimonij, vel sponsione de matrimonio contrahendo. Hinc fit, vt quamuis pater quam vni despondit filiam, alij non possit collocare, monasterio tamen vouere, & tradere liberè possit *Edicto Caroli Magni lib. 6. Capitular. tit. 91.* cum alioqui certum sit eam, quæ se vouit Deo, nuptias contrahere non posse, *can. si homo. & can. meliore. 27. q. 1.* præsertim si solemnij voto continentæ, non etiam si nudo & simplici voto obstricta sit, *c. 3. iunctâ Glossâ. ex. qui clerici vel vouentes matrim. contrah. poss.* atque multùm interesse inter vtrumque voti genus peritissimè docuit dominus Cuiac. ad Rubricam illius Tituli.

Maneat igitur solui inter coniuges matrimonium; si alteruter alio consentiente, vel vterque mutuo consensu, ductus lege priuata, vt loquitur Summus Pontifex *in d. c. 16.* & quasi instinctu diuino commotus & impulsus præoptauerit vitam solitariam & monasticam. Desideramus consensum, re summa peracta, non item conuersionem relictæ coniugis in sæculo; nulli enim fas est alterum obligare ad ea, quæ sunt perfectionis, quæ sunt voti magis, quàm præcepti, *can. integritas. 32. q. 1.* consensum intelligimus solemnem, factum scilicet

cet iudicio & auctoritate Ecclesiæ, non domesticum quemcumque priuatum, cum ex quacumque causa sine iudicio Ecclesiæ diuortium factum improbetur, *can. seculares. 33. q. 2. can. multorum. 35. q. 6.* quamuis iusta sit diuortij faciendi causa, *c. 13. de sponsal. & matrim. c. 12. in fine. de desponsat. impuber. & c. 3. de diuort. ex.* Idem facio iudicium Ecclesiæ, & iudicium Episcopi, *ut c. 2. de matrim. contracto contra interd. Ecclesia e. x.* Re autem integra, liberum est vni ex maritis, etiam alio inuito & reluctante, se voto religionis obstringere, & arctiorem duriorémque vitam eligere; ita tamen ut manenti in seculo liceat aliam sibi conditionem querere, aliudque inire connubium, quæ distinctio inter consummatum & non consummatum matrimonium valde notanda est secundum ea, quæ proponuntur.

Durare autem Iure Pontificio post diuortium vinculum matrimonij id etiam arguit, quod sæpius maritus non sit eligendus, ut ab eo qui semel placuit, ad alium transire non possit eo superstite, quod refugiunt etiam bruta animantia, in quibus bos comparem suum requirit, & equus diligit, ut cum alio iugum trahere nesciant, *can. horrendus. 32. q. 5.* vnde *B. Hieronym. in Epitaphio Fabiola lib. 3. epist. 30.* Fabiolam in hoc laudat, quod tam graui & seuera pœnitentia defungere-  
tur conscia culpæ, quam contraxerat transendo ad secundas nuptias, superstite adhuc marito, quem ob adulterium dimiserat, quæ nuptiæ iustæ esse non potuerunt: debuit enim eo viuo & spirante coelibem vitam viuere, nondum prioris coniugij vinculo & iure soluto, *can. 4. 32. q. 7.* nec potuit alij nubere sine adulterio *can. 2. ead. can. & q. & in Evangelio diui Marci cap. 10.* Atque in hoc diligenter discriminare oportet ius Pontificium à Iure Ciuili, ex cuius constitutione quacumque ex causa diuortio facto bonâ gratiâ, putà restincto amore & affectu coniugali, vel ex alia iusta & legitima, siue cum amaritudine pectoris misso repudio, dissoluitur matrimonium. Cuius varietatis ratio hæc fortè non improbabilis reddi posse videtur, quia cum Iure Ciuili & politico matrimonium censeatur genere contractus, qui coniugum consensu perficitur, *l. 65. ff. de iudic.* & ob id multis modis eius dissolutio

permissa est. Iure verò Pontificio non censetur nudo'ge nere contractus (nam hoc quoque iure matrimonium contractum esse constat *ex c. ult. ex. de condit. appositis.*) sed religione sacramenti, quod stabile & perpetuum vinculum habet *in verb. flammeo.* vtpote à Deo nexum, qui contrahentes eo ligat & in vnum coniungit, cum, inquam, Iure Ciuili matrimonia à solo hominum consensu pendeant, mirum non est si contrario consensu, dummodo iusto, solemni, & legitimo, dissoluantur.

Olim Flaminis, id est, sacerdotis Iouis, & Flaminicæ, id est, vxoris sacerdotis, non nisi morte dirimi poterat, vt Festus *lib. 10. c. 15.* & Gellius scribunt. His enim diuertere non licebat, ideo videlicet, quia horum, vt & Pontificum, nuptiæ maioribus auspiciis fiebant, farre nempe, siue confarreatione certis verbis, & decem testibus, & solemni sacrificio facto, in quo panis farreus adhibebatur, teste Vlpiano in *Fragm. tit. 9.* nam huiusmodi nuptias proprias tantum fuisse Pontificum & Flaminum, docet Boëtius in *Topica Ciceronis.* Et quæ in manum flaminis conuenerat, desinebat esse in patris potestate. Cornelius Tacitus *lib. 4. Annal.* *Quando exiret è iure patrio qui id flaminium apisceretur, quæque in manum flaminis conueniret.* Denique Flaminio Diali, aut Vestali sacerdotio soluebatur patria potestas, Vlpian. *lib. singul. regul. tit. 10.* Et quod singulare fuit Romæ in matrimonio Flaminis & Flaminicæ, generaliter obtinuit in toto orbe Christiano. Omnes siquidem, qui Catholicam & orthodoxam fidem profitentur, hodie iure illo sanctiori, iure illo sacerdotali seu flaminico vtuntur: neque enim separatio coniugum, quæ sit diuortio, sed mors sola matrimonium dissoluere potest. Et licet iure populi Romani & Mosæica lege admitterentur diuortia, quibus coniugia dirimebantur, tamen Christiana lex non aliam permittit solutionem matrimonij, quàm quæ ex morte contingit, vt *D. Paulus scribit cap. 7. 1. ad Corinthios.* non patitur aliter disiungi, quàm solâ fati finitione.

F I N I S.

